

ANTONII STÖRCK,

SACRAE, CÆSAR. REG. APOST. MAJESTATIS CONSILIARIU AULICI,
ARCHIATRI, ET IN NOSOCOMIO CIVICO PAZMARIANO PHYSICI,

LIBELLUS
SECUNDUS,

QUO CONFIRMATUR:
CICUTAM


NON SOLUM USU INTERNO TUTISSIME EXHIBERI, SED ET
ESSE SIMUL REMEDIUM VALDE UTILE IN MULTIS
MORBIS, QUI HUCUSQUE CURATU IMPOSSIBILES
DICEBANTUR.



VINDOBONÆ,


TYPIS, JOANNIS THOMÆ TRATTNER, CÆSAR. REGIE
MAJESTATIS AULÆ TYPOGR. ET BIBLIOPOLÆ.

MDCCXL.



AUGUSTISSIMÆ
ROMANORUM
IMPERATRICI
MARIÆ THERESIÆ,
&c. &c. &c.
DOMINÆ,
SUÆ CLEMENTISSIMÆ

ANTONIUS STÖRCK,



AUGUSTISSIMA ROMANORUM
IMPERATRIX!



Summa TUA Clem-
tia, qua primum de-
cicuta libellum acce-
pisti, me incitavit ad hunc la-
borem

(3)

borem ulterius continuandum,
perficiendum.

Nova itaque tentamina cum eadem planta institui,
morborum historias & curatio-
nes magna diligentia adnotavi,
& ex his secundum hoc volumen
composui.

Valde

*Valde utilia continentur, &
demonstratur evidenter : posse
dirissimos morbos sola cicuta le-
vari, curari.*

*Multi nunc servantur ægri,
qui sine hoc remedio interiis-
sent.*

) 4

Cum

*Cum vero omnia TIBI
AUGUSTISSIMA DOMI-
NA! sint grata, quæ in emo-
lumentum reipublicæ funt,
spem habeo: fore, ut & hocce
opusculum, TUÆ MAJES-
TATI sacrum, benigne re-
cipias.*



PRÆFATIO.

Quo sæpius cicutam ægris exhibeo,
eo majorem semper in hac planta
virtutem & efficaciam admiror.

Innumeri fere sunt morbi, in quibus optime convenit, conduceat.

Nihilominus nequaquam opus est,
ut multa cicutæ encomia hic recitem,
cum ipsa experimenta, accuratissime
instituta, loquantur.

Gratulabar mihi frequenter, & gaudebam multum, dum vidi, ægros ab aliis pro perditis habitos jamque fato

re-

relictos, mea cicuta revixisse, & con-
valuisse integerrime.

Quidne homini sanitate charius?

Impendam propterea omne tempus,
quod mihi a labore necessario super-
fuerit, ad eruenda & detegenda talia
remedia, quæ morbos graves & curatu-
summe difficiles debellarent, fugarent.

Nec inani felicis successus spe alor.

Nil tamen, quod temerarium fo-
ret, audebo: sed omnia & in brutis &
in me experiar, antequam ea homini
ægrotanti præbuero.

Et hac ratione ero tutus, securus.





CAPUT I.



ariæ inter Medicos & Botanicos ortæ sunt lites de cicutæ, quam ego ad extractum facendum adhiberem.

Descriptionem ex Morisono dedi, satis claram.

Hinc tantum paucis nunc adnoto: meam cicutam esse cicutam majorem, vulgararem, maculatam, fætentem.

Linæus eam habet sub nomine *conii* seminibus striatis. Vide species plant. pag. 243. N. 1.

A

Mattheo-

Mathiolus eam describit pag. 772.

C. Bauchin. pag. 160. *Tabern.* p. 1170.

Cicutariam majorem, vulgarem eam
vocat *Clusius* hist. 2. p. 200.

Ad extractum faciendum optime
colligitur, antequam pandantur flores.

Radix autem ad extractum non ad-
hibetur; verum reliqua tota planta.

Succus expressus in vase terreo, vi-
trato, lento igne, & saepius agitando
coquitur ad spissi extracti consistentiam.

Rogo autem, ne pharmacopœi ni-
mium fint solliciti in depurando hoc
succo; amo enim potius, ut sit crassum,
fere pulposum extractum.

Ex decocto herbæ siccæ potest qui-
dem parari extractum, dum ex recenti
haberi non potest.

Verum longe minus efficax est.

Doleo

Doleo summopere, centenas aliquot libras extracti cicutæ, ex herba sicca parati, me infcio, Vienna in alias regiones esse transmissas; etenim effectus neque adeo bonus, neque ita velox esse potest, ut ab extracto ex succo, recente expresso, parato.

Hæc herba omnibus Pharmacopœis erat suspecta, virosa; hinc sub initium nolebant sufficientem, quam petii, copiam, parare.

Dum vero viderunt, pilulas in omnes regiones desiderari, defecit eis herba recens.

CAPUT II.

CASUS PRIMUS.

Ancilla, 22. annorum, a primis suæ ætatis annis scirrhosis glandula-

A 2 rum

rum circa aures & maxillam tumoribus laboravit; quinquennio autem abhinc oriebatur tumor magnus, qui se ex gena sinistra per totum ejusdem lateris collum usque ad claviculam extendit, & semper lapidis instar durus & indolens fuit.

Ultimo triennio hicce tumor mole caput viri sensim adæquavit. Glandulæ subaxillares quoque induratae sunt. Præterea dextrum colli latus quindecim scirrhi, quorum minimus ovo galinaceo par erat, occuparunt, mamma utraque scirrhosa quoque facta est.

Quamvis hæc fœmina esset valde defœdata, luem tamen venereum contraxit.

Deferebatur ideo ad nostrum nosocomium.

Deco-

Decoctis antivenereis, & purgantibus, dulci mercurio mistis, morbum tunc aggressius fui, unde quædam luis venereæ symptomata mitiora fiebant.

Quum autem hæc cura nimium tarda mihi videbatur, dedi mercurium sublimatum corrosivum, in spiritu frumenti solutum, præter decoctum saturatum & copiosum radicis bardanæ.

Hac ratione morbus venereus spatio quinque septimanarum optime curatus est.

Verum circa tumores scirrhosos nil mutatum fuit, nisi: quod in mamma dextra major dolor adverteretur.

Curata igitur lue venerea ad scirrhos dissolvendos volui transcendere, ast fœmina noluit amplius in nosocomio morari, firmissime persuasa, quod nullum foret

A 3

medi-

medicamentum , quod tumores adeo magnos & annosos solveret.

Quapropter dimittebatur. Verum vitæ lubricæ affueta sibi sufficienter cavere non potuit , unde in criminè deprehensa, ad carceres ducebatur.

Incidit tunc in febrem continuam, & denuo ad nostrum nosocomium translata est.

Sumtis remediis antiphlogisticis intra quindecim dies ex hoc morbo convalevit.

Amavit postea potius remanere in nosocomio , quam iterum ad carceres deduci.

Hinc optimam nactus sum occasio- nem cicutæ vires experiundi.

Externe in principio nil applicui, ut viderem : an usu solo interno in hos

hos pertinaces tumores cicuta quid
posset.

Propinavi mane & vesperi pilulas
quatuor, quarum quælibet habuit pon-
dere grana duo.

Post quinque dies, jam omnes tu-
mores erant magis mobiles, & tumor
magnus ex latere colli finistro tangeba-
tur multo mollior.

Vidi igitur, cicutam solo usu interno
esse admodum efficacem, & præstare
talia, quæ a fortissimis mercurialibus
nequaquam poterant effici.

Ut tamen curationem facerem cele-
riorem, externe omnes tumores em-
plastro de cicuta texi, & huic imposui
cataplasma ex herba cicutæ paratum,
auxique dosin pilularum.

Decimo die tumor magnus erat mul-

A 4 to

to minor , mollior , idem in utraque mamma vidi.

Reliqui autem scirrhi, quamvis molliores , minores tamen facti non sunt, & erant in superficie inflammati, dolentes.

Decimo septimo die tumor in parte colli sinistra erat multo minor , mamma utraque mollis , mobilis , reliqui plurimi scirrhi in suppurationem abire cœperunt.

Ægra sumvit sex pilulas mane & totidem vesperi, quarum quælibet habuit grana quatuor.

Vigesimo quarto die quidam scirrhi jam erant in pus soluti , cutis tamen arte non scindebatur , quoniam rupturæ erat proxima.

Colli

Colli tumor, & mammæ erant multo minores.

Sequentibus diebus, quidam tumores rupti sunt, & fuderunt pus bonum, copiosum; nihilominus emplastrum de cicuta & cataplasma sedulo applicata sunt.

Trigesimo sexto die in aliquibus locis omnis tumor absuit, & quibusdam in partibus cutis rupta jam iterum cœpit coalescere, colli & mammarum scirrhosi tumores $\frac{2}{3}$ erant diminuti.

Dedi dein quater per diem pilulas quinque, granorum quatuor, nec amplius auxi dosin.

Et hac ratione usu emplastrī, & cataplasmatis de cicuta, & usu extracti cicutæ spatio trium fere mensium hæc fœmina integre curata fuit. Collum &

A 5

mam-

mammæ redierunt ad statum naturalem,
& fœmina, antehac turpis & difformis
sat formosa facta est.

Menses debito tempore & sufficien-
ti copia semper fluxerunt, & iis fluen-
tibus medicamenta cum euphoria con-
tinuata sunt.

Bis toto curationis tempore datum
est purgans antiphlogisticum, quoniam
alvus erat segnis.

Usu extracti cicutæ nullæ prorsus
in corpore turbationes observatae sunt,
ægra semper appetiit, robusta fuit,
nec de ullo dolore conquerebatur.

Lætabar multum, dum vidi mor-
bum adeo rebellem & pertinacem so-
la cicuta facillime esse curatum.

Et quum toto curationis tempore
hæc ægra honeste & pie se gessit, pro-
misit-

sitque talis vitæ perpetuam continuationem , feci , ut adhuc in nosocomio sui criminis absolveretur , & donaretur libertate.

C A S U S S E C U N D U S .

Fœmina , 36. annorum , ad nostrum nosocomium fuscipitur propter mammæ finistræ tumorem ingentem , & duritiem valde dolentem .

Dum mammam bene consideravi : inveni eam capite infantis multo majorem , duram , immobilem , in tubera livida , submollia & admodum dolentia elevatam , venæ erant varicosæ , & brachium finistrum tumuit , & præ dolore non potuit moveri .

Externe tunc mollissima linteamina applicui , ut omnis affrictus evitaretur , interno pro remedio dedi extracti cicu-

tæ

tæ mane & vesperi grana duodecim
præter infusum hederæ terrestris.

Quarto die, quo hæc ægra his re-
mediis utebatur, mamma tota fuit mol-
lior, ast tubera erant majora, & icho-
rem sudarunt. Dolores præterea fue-
runt magni, & noctes debebant opio
pacari.

Septimo die eadem erant symtoma-
ta, dedi tunc mane & vesperi extracti
cicutæ grana octodecim.

Nono die tria mammæ tubera ru-
pta sunt, & exiit materies subfuscæ,
copiosa, fœtens, & mammæ moles con-
cidit, & dolores remiserunt.

Undecimo die copiosus ichor fœti-
dus effluxit, dolores autem erant mi-
tes, color mammæ rutilus, nullus a-
derat livor.

Dedi

Dedi mane & vesperi scrupulum unum extracti cicutæ.

Decimo quarto die ulcera dederunt copiosissimum ichorem; mammæ molles fuit minor, ægræ autem vires multum diminutæ sunt, subinde advertebatur horror per totum corpus, & subsequebatur pulsus celerior, sitis & calor.

Diminui igitur dosin extracti, & tantum grana decem mane & totidem vesperi exhibui; verum dedi præterea corticis peruviani selecti drachmam unam omni trihorio diei.

Decimo sexto die horrores erant minus frequentes; ichoris loco prodiit pus, vires autem manserunt adhuc debiles, & ægra fitivit. Iisdem remediiis adhucdum continuavi.

Vi-

Vigesimo primo die nullus amplius horror advertebatur, vires autem sunt, & rediit appetitus, pus ex mamma profluens erat bonum, mammæ color fuit fere naturalis. Tumor autem superstes erat adhuc valde durus, nequaquam vero dolens.

Eadem ratione adhuc per sex dies continuavi, verum omnia manserunt in eodem statu.

Unde vigesimo septimo die, dedi iterum mane & vesperi grana octodecim extracti cicutæ, & bis per diem drachmam unam corticis peruviani, externe autem tunc applicui cataplasma ex lacte & cicuta paratum, & mammæ cavitates linteis carptis, infuso cicutæ madidis, repletæ sunt.

Tri-

Trigesimo sexto die vires erant bonæ, color mammæ naturalis, in ulcere pus bonum, appetitus magnus, somnus tranquillus. Abstinui a cortice peruviano, & sola cicuta iterum usus fui. Dedi mane & vesperi scrupulum unum extracti cum aliquot unciis infusi flor. lamb. fol. veron. heder. terrest.

Quinquagesimo die moles mammæ fuit multo minor, pus bonum, dolor autem erat subinde adeo acutus, ut noctes, dato licet opio, inquietæ fuerint.

Verum observavi post magnos tales dolores copiosissimum serum ex ulcere fluxisse, & tumoris molem esse immunitam.

Dedi tunc drachmam extracti ciuitæ per diem, externis fomentis ex cicuta sedulo continuavi. Se-

Sexagesimo quarto die mammæ ulcus copiosissimum serum fudit, labia autem, quæ hucusque erant valde rebellia, crassa, callosa, reflexa, cœperunt emolliri, fundi, & partim pure consumi, vires manferunt bonæ.

Auxi extracti dosin, & exhibui quotidie grana octuaginta.

Mammæ ulcus copiosissimo fero semper stillavit, pus autem bonum tunc visum non est; verum neque fœtor observabatur.

Septuagesimo die ægra siccitatem pectoris, & tusculam inanem conquerebatur, mammæ autem & labiorum moles multo minor fuit, dolores per vices erant admodum vehementes, & vires iterum decrescebant, & aderat ingens fœtor.

De-

Denuo igitur ad corticem peruvianum confugi, & dedi quotidie unciam dimidiā corticis, & drachmam dimidiā extracti cicutæ.

Præterea iussi, ægra biberet copiosum serum lactis aut decoctum saturatum radicis althææ, glycyrrhizæ.

Labia texi emplastro de cicuta, ulcus autem implevi infuso leni cicutæ, cuius libræ uni addebantur drachmæ duæ aceti lithargyrii.

Vires sensim iterum augetæ sunt, tuficula desistit, nimius ichoris fluxus minuebatur, & pus in ulcere bonum comparuit, dolores autem subinde erant vehementes, & somnus debebat opio conciliari.

Octuagesimo quarto die ægra sat bene se habuit, labia ulceris erant mi-

B

nora

nora, mobilia, doloris expertia, ulcus
mammæ mundum, durities minor, do-
lores exigui, vires sufficienes, appe-
titus bonus.

Dedi tunc scrupulos duos extracti
cicutæ per diem & drachmas duas cor-
ticis peruviani præter copiosum serum
lactis, & decoctum emolliens; externa
remedia non sunt mutata.

Nonagesimo die mammæ moles fuit
multo minor, labia lâte rubebant, &
erant flaccida, ulcus dedit pus bonum.

A cortice peruviano tunc abstinui,
& dedi drachmam integrum extracti
cicutæ.

Centesimo die omnia iterum erant
meliora, pus bonum, vires sufficien-
tes, noctes tranquillæ.

Dedi dein scrupulos quatuor extra-
cti

& i cicutæ , & reliqua omnia sedulo con-
tinuata sunt.

Centesimo decimo quarto die labia
erant sordida , copiosum serum ex ul-
cere fluxit ; verum mammæ moles fuit
minor , dolores pauci , vires bonæ .

Dedi drachmam unam & dimidiam
extracti cicutæ per diem , toti autem
ulceri & labiis imposui cataplasma ex
cicuta paratum .

Intra quatuor dies ex labiis magna
frusta ceciderunt , ulcus dedit copio-
sissimum ichorem , unde mammæ & la-
biorum tumor citissime diminutus fuit .

Verum ægræ vires prosternebantur ,
& nova iterum febricula orta est , &
sæpius advertebantur horripilationes .

Hinc dedi iterum corticis peruviani
unciam dimidiam per diem , & scrupu-

B 2

lum

lum unum extracti cicutæ, labiis impo-
sui emplastrum de cicuta, & ulceræ re-
plevi linteis carptis infuso leni cicutæ
& aceto lithargyrii madidis. Præter-
ea serum lactis copiosum, & decoctum
radicis althææ & glycyrrhizæ datum est.

Centesimo trigesimo die paucum ex
ulcere serum prodiit, pus autem bo-
num aderat & copiosum, labia erant
parva, rutila, indolentia, vires me-
liores.

Eadem tamen corticis dosi conti-
nuavi, cicutæ autem extracti drach-
mam dimidiam exhibui, remedia ex-
terna adhuc eadem adhibebantur.

Centesimo trigesimo sexto die o-
mnia erant meliora, vires bonæ, no-
tes tranquillæ.

Corticis peruviani dosin tunc dimi-
nui,

nui, & dedi drachmas duas, extracti autem cicutæ dedi drachmam unam cum copioso fero lactis, externa remedia continuata sunt.

Centesimo quadragesimo secundo die ægra bene habuit, labia fundebantur, & mera spongiosa substantia videbatur supereffe.

Reliqui tunc corticem peruvianum, & solo extracto cicutæ, & copioso fero lactis usus sum, externe eadem remedia applicui.

Centesimo quinquagesimo die omnia iterum erant meliora, minora, pus in ulcere bonum, vires bonæ, dedi scrupulos quatuor per diem de extracto cicutæ, & externe cataplasma ex sola cicta applicui.

Centesimo sexagesimo die labia fue-

B 3

runt

runt exigua, fere cuti æqualia, durities
fere omnis evanuit, vires constabant,
dolores vix observabantur.

Dedi drachmam unam & dimidiam
extracti quotidie, & cataplasma ex ci-
cuta sedulo apposui per diem, noctu
autem emplastrum de cicuta.

Centesimo septuagesimo die ulcus
erat planum, omnis enim tumor, o-
mnis duritites abiit, labia erant penitus
consumpta.

Per triduum adhuc applicui cata-
plasma ex cicuta, & eandem extracti
dosin continuavi.

Dein vero, quum omne durum ef-
set consumptum, & quoniam copio-
sum serum ex ulcere, quamvis puro,
fluxit, externe tantum applicui lintea
carpta lenissimo infuso cicutæ madida,

inter-

interne autem dedi ter de die drachmam
dimidiā corticis peruviani , & mane
ac vesperi grana sex extracti cicutæ,
jussi præterea , ut copiosum serum la-
ctis ægra biberet.

Glandulæ subaxillares , quæ etiam
erant scirrhosæ , eodem fere tempore
evanuerunt , tria tantum supererant
tubercula , piso fere æqualia.

Brachium, quod prius præ dolore
moveri non poterat, jam erat satis mo-
bile , & vires bonæ.

Sexto die cœpit ex margine ulceris
cuticula alba prodire , quæ se se sensim
versus centrum extendit, promisitque
ulceris consolidationem.

Decimo quarto die usu eorundem
tum externorum quam internorum re-
mediorum, ulcus tenui cuticula jam fe-

B 4

re-

re clausum erat; verum hæc cuticula
hinc inde iterum rumpebatur, & exstil-
lavit serum acre.

Dedi igitur purgans ex rhei drach-
ma dimidia, ex scammonii granais octo,
& ex quindecim granais salis polychresti.

Alvus inde sexies copiose mota est,
& ægra bene habuit.

Altero a purgatione die eadem ite-
rum dosin corticis peruviani, & extra-
cti cicutæ exhibui, & externe adhuc
lenissimum cicutæ infusum applicui.

Nata est firmior cuticula, quæ ta-
men hinc inde adhuc erodebatur a ma-
terie acri transßudante.

Hinc post octiduum idem purgans
ægræ iterum datum fuit.

Dein vero corticem peruvianum &
cicutæ extractum in eadem dosi conti-
nuavi

nuavi, & externe applicui unguentum nutritum.

Spatio viginti dierum firma nata est cicatrix & mammæ nullum supererat vestigium, atque omnes, qui hanc fœminam viderunt, credebant, mammam fuisse resectam.

Abstinui dein ab omni medicamento, & fœminam per 14. dies in nosocomio retinui, ut viderem: an denuo malum reverteretur.

Verum ægra optime movit brachium, & ulcus mansit firmissime clausum.

Dedi dein adhuc idem purgans, & post tres dies sanissimam dimisi.

Dum mihi egit gratias, rogavit simul, ut darem licentiam me adeundi, dum quid in mamma adverteret, con-

B 5

cessi

cessi hoc facilime, verum jam sex menses præterlapsi sunt, & foemina non rediit.

Dominus Haffner, egregius mei nosocomii Chirurgus, summa cum sedulitate, attentione, & experientia huic foeminæ succurrit, & remediis externis secundum rationem, & symptomata optimè applicatis, plurimum ad curationem contulit.

CASUS TERTIUS.

Homo, 27. annorum, a longo tempore foedum cancrosum ulcus in regione lumbali sinistra habuit, hoc ulcus repedit continuo in latum & profundum, & jam cœpit lumborum vertebrae arrodere. Præterea fungi cancrosi undequaque propulularunt.

Post.

Postquam diversi & optimi chirurgi remedia maxime convenientia incassum tentassent, æger nostrum nosocomium accesit.

• Doctissimus Chirurgus Haffner remediis primo lenioribus, dein causticis, tandem ferro & igne conabatur fungosum cancrum consumere, ulcus depurare, & claudere.

Ego remedia, sanguinis massam depurantia, quæ maxime conducerent, præscripsi.

Subinde per unum alterumve diem quidquam nobis videbamur proficere; verum mox prius malum rediit, & quandoque fuit deterius.

Unde omnia frustra tentari vidi-
mus.

Cortex peruvianus, qui alias mira
præ-

præstítit in ulceribus putridis, magna dosi & longo tempore datus, nil effecit.

Quapropter cataplasmá ex cicuta externe apposuit Dominus *Haffner*, & ego jussi, æger assumeret mane & vesperi grana novem extracti cicutæ, & copiosum decoctum hordei, vel serum lactis biberet.

Æger antehac erat macilentus, debilis, & cacheoticus, & circa vespertas habuit horrorem, febrem, & dein sudorem copiosum, defatigantem.

Verum nunc intra aliquos dies cœpit appetere, quiete dormire, & in ulcere pus bonum comparuit.

Octavo die jussi drachmam dimidiām extracti cicutæ assumeret, externe cataplasmá sedulo renovatum est.

Duo-

Duodecimo die ulcus erat purum,
fungi cancroſi mobiles, flaccidi, nullo
modo dolentes, circa vertebraſ quæ-
dam oſſium fragmenta ſeparabantur.

Decimo septimo die nulla amplius
ad vefperas horripilatio obſervaba-
tur, æger bene dormivit, nec sudavit,
& vires quotidie auctæ ſunt, in ulcere
erat pus laudabile, e fungis circa ul-
ceris margines copioſum ſerum fluxit.

Vigesimo die ex vertebris arroſis
plurima granula oſſea ſeparata ſunt;
hinc inde in ulcere incipiebat formari
cicatrix, quoniam autem fungi erant
flaccidi, nullo modo dolentes, & quo-
niam nimis lente conſumebantur, & ha-
ratione ulceris conſolidationem impe-
dierunt, Dominus Haffner eos cultro
reſcidit.

Æger

Æger nullum inde dolorem sentiebat; medicamenta interna externaque continuata sunt.

Vigesimo quinto die undequaque ex ulceris margine nascebatur cuticula, & hac ratione ulcus in sanationem vergebant, color aderat læte ruber, pus bonum, paucum.

Vires ægri erant bonæ, appetitus bonus, noctes tranquillæ, alvus liber-rima.

Externa internaque remedia continua sunt.

Trigesimo die ulcus jam fere totum erat clausum, nec ulli amplius fungi crescebant, æger optime habuit.

Quadragesimo die ulcus firmam habuit cicatricem, & æger sanus videbatur.

Nihil.

Nihilominus adhuc per quatuordecim dies mane & vesperi dedi grana sex extracti cicutæ, & multum serum lactis, ut hac ratione omne acre & cancrosum ex sanguine separaretur.

Postea dedi purgans, & hominem sanum dimisi.

CASUS QUARTUS.

Fœmina, 36. annorum, ulcus foedum in tibia dextra a pluribus annis habuit, adhibita remedia interna externaque ulcus quidem subinde fere sanarunt; dum autem proximum erat consolidationi, subito iterum ruptum est; copiosus, & acerrimus ichor effluxit, & crevit caro fungosa.

Balnea diversissima mineralia professe quandoque videbantur; verum mox iterum prius malum rediit.

In

In nostro nosocomio diversa tentavimus, quæ acre sanguinis corrigerent, externe carnes fungosas consuferent, & dein ulcus consolidarent.

Verum nullum habebamus successum.

Nam licet ulcus uno altero ve die integre clausum esset, nulla tamen firma cicatrix inducebatur, unde brevi iterum ortus est pruritus, & transfudavit ichor, propularunt carnes fungosæ & ulcus in pejus ivit.

Adhibebatur igitur solum infusum cicutæ pro fomento externo, & noctu ulcus emplastro de cicta tegebatur, interne præter serum lactis datum est nihil.

Contigit tunc, ut carnes fungosæ spon-

sponte separatæ fuerint; dein ulcus intra viginti octo dies firmissima cicatrice obductum fuit, & pes poterat optime moveri.

Datum tunc est purgans, & relinquebatur fœmina adhuc per octiduum in nosocomio absque omni medicamento; cum dein ulcus optime clausum videretur, ex nosocomio dimissa fuit.

CASUS QUINTUS.

Vir, 62. annorum, annosum & fœdum ulcus habuit in regione abdominis dextra, quod erat unam spitham longum, & septem pollices latum, profundumque adeo, ut fere in cavum abdominis penetrarit.

Ad thoracem sinistrum fere æque magnum ulcus fuit, quod copiosum,

C

fœ-

fœtens, & acre serum fudit, & costas
arrosit.

Dato purgante Dominus *Haffner* fo-
mentum ex cicuta applicuit in utro-
que ulcere.

Quoniam æger simul tussi labora-
vit, datum ei est decoctum ex radice
& foliis althææ, cui addebatur oxymel
simplex, & stibium diaphoreticum non
ablutum.

Intra paucos dies utrumque ulcus
longe purius fuit, & bonum pus com-
paruit, & æger, antea debilis, videba-
tur recuperare vires.

Circa decimum diem ex costis cariosis
multa fragmenta separabantur, & ex ul-
ceris margine cœpit nasci cuticula alba.

Ulcus abdominis fuit minus profun-
dum, & dedit bonum pus.

Decimo

Decimo quarto die præbui iterum purgans; dein cum eodem decocto althææ continuavi.

Decimo septimo die utrumque ulcus longe purius, & minus latum fuit, ex costis semper quædam fragmenta separata sunt.

Trigesimo secundo die ulcus thoracis erat clausum, & tussis fere omnis cessavit; ulcus abdominis vero erat adhuc satis magnum.

Id tamen quoque circa quinquagesimum diem solo usu externo cicutæ satum est.

Dabatur dein adhuc purgans, & bonus senex sanus ex nosocomio dimittebatur.

Narravit tunc, quod per deceni circiter annos hæc ulceræ habuerit, quod

C 2

fere

fere omnes suos reditus in sanationem consumserit, quod tentata innumera remedia prorsus nil juverint, & quod sub finem, omnibus fere viribus exhaustus, ut ultimos finiret dies, esset ad nosocomium translatus.

CASUS SEXTUS.

Fœmina, 28. annorum, quatuor annis mammam sinistram gessit magnam, lapidis instar duram.

Circa aëris & tempestatis mutaciones vehementes in hac parte dolores sensit, quum autem hi dolores semper sponte cessarunt, & quum color mammae mansit naturalis, nec tumor motum brachii impedivit, nullum applicuit remedium, neque ulli homini hanc mammam ostendit.

Deni-

Denique sub finem mensis Februarii
1760. morbo acuto afficiebatur, unde
ad nostrum nosocomium translata est.

Intra viginti sex dies ex hoc morbo
sat gravi cœpit convalescere.

Dum vero e lecto surrexit, & am-
bulavit, sensit dolorem continuum, ro-
dentem, lacinantem in mamma dex-
tra; cum tamen hicce dolor non erat adeo
vehemens, eum per plures dies cela-
vit.

Dein vero præ nimia doloris vehe-
mentia non potuit dormire, & amisit
appetitum ac vires; monstravit propter
ea mammam Domino Haffner, & is me
hac de re monuit.

Invenimus mammam durissimam,
purpuream, nigris & lividis striis varie-
gatam, intumuit simul brachium ejusdem

C 3

late-

lateris; dolores erant enormes, rodentes, laciniantes, venæ erant nigræ, varicosæ,

Pulsus celer, parvus; cor continuo palpitavit.

Externe ilico applicuimus fomentum ex cicuta, pro interno autem medio dedi emulsum leniter nitrosum, opiatum,

Eadem nocte mitigabatur dolor & sequebatur somnus sat tranquillus trium horarum,

Post somnum erant dolores iterum ingentes, & ex usu fomenti nil adhuc in mamma mutatum fuit,

Ut alvus solveretur injectum est enema, & dein continuabatur emulsum paregoricum, nitrosum.

Nox insequens fuit longe tranquil-

lior,

lior, & dolores in mamma videbantur admodum mites, neque tamen color, neque durities, neque tumor mutatus fuit.

Tertio die quoniam pulsus sat bonus deprehensus est, dabantur mane & vesperi grana octo extracti cicutæ, superbibendo aliquot uncias decocti althææ.

Sera autem vespera, ut nox esset tranquilla, datum est remedium paregoricum.

Nox tota erat quieta, & ægra somno multum reficiebatur.

Mane dolores fuerunt exqui, mamma erat mollior, & melius tulit rudio-rem adtaqtum.

Brachium autem præ dolore & tumore nequaquam poterat moveri.

Duodecimo die jam nullæ amplius

C 4

striæ

striæ nigræ, aut lividæ aderant, venæ varicosæ erant vix non in statum naturalem contractæ, dolores fuerunt pauci, & tumor brachii quoque diminutus est.

Data tunc sunt grana decem extracti cicutæ mane & vesperi, fomentum ex cicta sedulo applicatum est, vespertinum autem paregoricum omittebatur, quoniam ægra, a doloribus minus vexata, jam sponte cœpit dormire.

Vigesimo die color mammæ fuit fere naturalis; verum durities erat ingens, neque mamma erat mobilis, accreta videbatur, brachii tumor fuit multum imminutus, & ægra potuit digitos & manum citra dolores movere.

Dedi tunc extracti cicutæ grana tringinta duo per diem, & fomentum sedulo

dulo continuatum est, noctu tegebatur
mamma emplastro de cicuta.

Vigesimo tertio die mamma iterum
rubuit, aderant ingentes dolores, qui
ab eo tempore se se insinuabant, quo
appositum est noctu emplastrum de ci-
cuta.

Removi igitur emplastrum, & solo
iterum fomento & cicutæ extracto usus
sum; vesperi dedi paregoricum, ut nox
esset quieta.

Trigesimo die mamma iterum ha-
buit colorem naturalem, dolores fue-
runt exigui.

Dedi per diem quadraginta grana
extracti cicutæ, & fomentum continua-
tum est.

Quadragesimo die brachium totum
detumuit, & sat bene poterat moveri,

C 5 mam-

mamma fuit minor, mollior, & mobilior.

Quinquagesimo die omnia iterum in mamma erant meliora; verum foemina a cibis abhorruit, & oris amarorem conquerebatur, & crura paulisper intumuerunt, concessi propterea, ut ab extracto cicutæ per aliquot dies abstineret, jussique, ut infusum florum sambuci copiosum biberet, fomentum autem ex cicuta continuatum est.

Quinquagesimo quarto die dedi purgans ex rheo, paucō scammonio, & sale polychreste.

Alvus inde quater mota est, & altero die viguit appetitus, & crurum tumor fere omnis disparuit; mamma fuit mobilis, nec doluit ab æcta^ctu, per vi-ces tantum advertebantur laciniantes & vagæ punctiones.

Fu.

Fumo leniter aromatico feci dein
crura fricari; ad mammam vero fo-
mentum ex cicuta sedulo appositum est.

Sexagesimo die, quoniam ægra o-
ptime habuit, & crura erant naturalia,
& appetitus bonus, dedi iterum ex-
tracti cicutæ mane & vesperi grana sex,
& copiosum infusum florum sambuci.

Sexagesimo sexto die mamma in
multa minora tubercula divisa videba-
tur, nec ullus aderat dolor.

Dedi tunc mane & vesperi grana
decem extracti cicutæ, fomentum se-
dulo continuatum est.

Octuagesimo die mammæ moles fuit
admodum exigua, brachium potuit ci-
tra omnem dolorem moveri, ægra suf-
ficientes vires & bonum appetitum ha-
buit, noctu quiete dormivit.

No-

Nonagesimo primo die pauca adhuc in mamma durities supererat, quæ in omnem partem poterat volvi; ægra autem ob continuam fomenti applicacionem jam erat impatiens, neque ingratum odorem amplius poterat ferre, hinc illud removi, & ejus loco emplastrum de cicuta applicui, dedique mane & vesperi grana quindecim extracti cicutæ.

Emplastrum jam nullos dolores excitavit; omnia quotidie in melius mutata sunt, & centesimo vigesimo quinto die mamma erat flaccida, pendula, nec minima tangebatur durities.

Discessit tunc hæc ægra ex nosocomio; jussi autem, ut aliquamdiu adhuc pilulis de cicuta in parva dosi uteretur, ut hac ratione malum tam facile non rediret.

CA.

CASUS SEPTIMUS.

Virgo, 21. annorum, cancrum aper-
tum in mamma sinistra habuit,
præterea tussivit frequenter, & conque-
rebatur in thorace sinistro continuum
ardorem, & dolorem erodentem.

Tota sanguinis massa erat corrupta,
& ægra simul scabie laboravit, & erat
penitus emaciata, & vespertino tempo-
re quotidie sensit horrorem, & dein ca-
lorem, tandem sudorem fœtidum.

Ulcus copioso ichore fœtente ma-
navit.

Pessimis his in circumstantiis tenta-
vi cicutam, & statim dedi mane & ve-
speri octo grana extracti cicutæ, exter-
ne fomentum ex eadem cictuta applicui,
præterea autem debebat ægra copiosum
serum

serum lactis aut lac purum, dupla aquæ copia dilutum, bibere.

Spatio duodecim dierum ægra melius habuit, minus tussivit, exacerbationes vespertinæ, & sudores nocturni fere cessarunt, vires auctæ fuit, in ulcere cancroso tenue pus comparuit, fluxus ichorofus imminutus est, nec advertebatur foetor.

Verum marsit in thorace ardor & dolor erodens.

Dedi tunc quater per diem grana octo extracti cicutæ, & reliquis remediis continuavi.

Trigesimo die mammæ moles fuit multo minor, vires satis bona, ulcus purum, appetitus magnus, somnus autem, ob continuum ardorem sub mamma, erat sine opio turbatus, anxius.

Sca-

Scabies incipiebat exficcari, & ægra potuit extra lectum esse.

Exhibui scrupulos duos extracti per diem.

Quadragesimo sexto die ægra sat bene habuit, mammæ moles fuit multo minor, & ulcus cœpit diminui.

Remansit autem ardor & dolor erodens in thorace sinistro, quamvis is per vices admodum exiguis fuerit.

Sexagesimo die mammæ durities fere tota evanuit, & ulcus fuit multo minus, purum.

Dedi tunc drachmam unam extracti cicutæ per diem, & reliqua continuata sunt.

Octuagesimo die omnis durities disparuit, & ulcus erat fere integre clausum.

Ar-

Ardor autem & dolor erodens in thorace sinistro per vices erant admodum sævi, & propterea noctes quandoque turbatæ sunt.

Vires erant utcunque bonæ; scabies integre disparuit, faciei color fuit fere naturalis; verum ægra mansit macilenta.

Octuagesimo quarto die sanatum erat ulcus, ægra extra lectum ambulavit, appetiit, & quandoque sine opio placidissime dormivit.

Comparuit tunc fluxus menstruus, qui jam per quinque menses filuit; lætabatur propterea hæc ægra, & speravit non absque ratione, ardorem & dolorem erodentem in thorace sinistro nunc cessaturum, quoniam is incepit, dum sanguis menstruus retinebatur.

Flu-

Fluxus per binos dies continuavit; tertio autem die sistebatur, & tunc ardor & dolor erodens in thorace sinistro ilico auctus est, & ægra iterum pejus habuit.

Quarto die ad inferiorem mammae marginem ortum est tuberculum purpureum, & valde dolens.

Dominus *Haffner*, ut dolores mitigaret, adipicuit cataplasma emollientissimum.

Quoniam autem æcta magnam habuit sitim, & validam febrim, & pulsus durum, vena ipsi secta est, & data sunt decocta resolventia, antiphlogistica.

Paucum inde levamen sequebatur.

Sexto die ruptum est tuberculum & effluxit copiosus & acerrimus ichor.

Stylo tunc inducto in aperturam inventum chirurgus suum, qui sed musci-

lo pectorali repicit fere usque ad superiorem mammæ marginem, ibique advertebatur costa arrofa; hinc, quum vires adhuc satis bonæ essent, sinum totum partesque omnes superjacentes chirurgus percudit, ut videret, quo usque costa esset corrupta.

Facta hac sectione ægra breve animi deliquium passa est, unde vulnus ligabatur, & omnia in diem posterum relinquebantur.

Vesperi aderat ingens febris, & magnus dolor, ideo remedia antiphlogistica, & emulsa paregorica ægræ data sunt, & nox siebat satis quieta.

Altero a sectione die Dominus *Haffner* aperto iterum vulnere invenit plures costas arrofas, & aperturam aliam, quæ in pectoris cavum penetravit, &

per

per quam tuſliendo ichor fœtidus ex-pellebatur.

Injectum tunc eſt in cavum pectoris decoctum hordei cum pauco melle ro-faceo, ut ulcus mundaretur, & ut separatio impuri a ſano fieret.

Emulfis nitroſis, paregoricis con-tinuum fuit, & ægra ſat bene ſe habuit.

Circa vespertas autem quotidie orta eſt febricula, & noctu ſequebatur sudor.

Quinto die quoniam apertura in ca-vum pectoris admodum parva erat, Dominus *Haffner* eam dilatavit, ut illud, quod in cavo continebatur, poſſet fa-cilius effluere, & elui.

Octavo die quædam fragmenta ossea poſt injectionem ex vulnere prodierunt, unde certum erat, costas interius eſſe quoque carioſas.

D 2

Mul-

Multum igitur corticem peruvianum ægræ dedi, præter decoctum lignorum, & lac vaccinum.

Tentavimus tunc injectiones magis detergentes, balsamicas.

Verum has ægra non tulit, orta est febris major, & multus dolor, atque matieres ex vulnere prodiens valde fœtuit.

Hinc ab his abstinebatur, & solum decoctum hordei cum melle iterum injectum fuit.

Separabantur subinde quædam ossæ fragmenta, quæ post magnam tußim per aperturam cum multo fœtido ichore propellebantur.

Nihilominus ardor & dolor erodens nequaquam fiebant mitiores, imo in anteriore thorace se se magis extenderunt, & foemina, licet magna corticis

peru-

peruviani dosi quotidie uteretur, debilis fuit, & febris vespertina aucta est.

Post longum igitur usum, dum vivimus haec remedia parum juvare, conclusimus ego & Dominus Haffner in cava pectoris injicere infusum cicutæ, & cortici peruviano jungere cicutæ extractum.

Altero die jam materies ex cavo pectoris prodiens non amplius adeo fœtuit, & dolor, ardorque paulisper immuni sunt.

Post paucos dies videbantur vires augeri, & appetitus; & ægra noctu sat tranquille dormivit.

Dabatur quotidie uncia dimidia corticis peruviani, & extracti cicutæ scrupulus unus præter copiosum serum lactis.

Lene ab initio siebat infusum cicu-

D 3

tæ

tæ pro injectione, quoniam autem vidimus id nec pulmones irritare, nec augere anxietates, & bonum præstare effectum, id saturatum dein adhibuimus.

Spatio quatuordecim dierum multa fragmenta ossea cum materie tenui, purulenta, ex cavo pectoris prodierunt, ægra multo melius se habuit, potuit extra lectum esse, & fere semper absque opio quiete dormivit.

Attamen sensim ab adeo magna corticis dosi abhorruit, unde drachmam dimidiam dedi quotidie extracti cicutæ, & tantum drachmas duas corticis peruviani.

His remediis, & copiosissimo sero lactis, & injectione, quæ bis quotidie siebat cum saturato cicutæ infuso, hanc ægram per binos, & dimidium menses

con-

conservavimus, & jam aliquam curationis spem in sinu fovebamus.

Contigit autem tunc, ut ægra in pleuritidem pessimam, & fere lethalem incideret.

Nihilominus tamen Eruditissimus Dom. Collin, qui tunc nosocomii curam gessit, debitissimæ venæ sectionibus, applicatis cataplasmatibus & præscriptis optimis remediis, effecit, ut dolor punctarius cessarit, & morbus sputis fuerit optime judicatus.

Et ægra post hunc morbum iterum vires mediocres recuperavit, materies tamen ex cavo pectoris prodiens multum fœtuit, & ichorosa fuit.

Nequaquam tunc cortex peruvianus, neque cicutæ extractum, neque ejusdem infusum profuit; pessima fe-

D 4

bris

bris vespertina iterum supervenit & su-
dor nocturnus miseram ægram ita de-
fatigavit, ut intra septem septimanas,
tota extenuata obierit.

Sectione anatomica invenimus pleu-
ram in cavo pectoris sinistro fere con-
sumtam, & costas plurimas in tenues
lamellas corrofas.

Pulmo ejusdem lateris hinc inde
quoque erat exesus.

Certo! si hoc ulcus externa in pe-
ctoris superficie fuisset, ubi manus chi-
rurgica potuisset accedere, aptisque
fomentis mali progressum impedire, &
separationem cariosi adjuvare, hæc æ-
gra & a pestimo cancro, & ab ulcere
fœdissimo fuisset optime curata.

In homine, 23. annorum, ex em-
pyemate in cavo sinistro pectoris jam

mo-

morituro , me suadente Dominus Haff-
ner lato vulnere puri exitum pandit,
educitque puris tenuis , fœtidi , libras
quinque & dimidiam.

Anceps erat & audax consilium ,
verum quoniam æger jam fere suffoca-
tus morti fuit proximus , licuit tale quid
tentare , quoniam sæpius vidimus , au-
daci operatione nos hominum dies lon-
giores , & minus acerbos reddidisse .

Educto pure æger pessime habuit ,
extrema fiebant frigida , evanuit pul-
sus , facies erat tota collapsa & sudore
gelido , crasso , madida .

Doluimus finistrum operationis e-
ventum , nil tamen negleximus , quod
adhuc ægro profuturum videbatur .

Spiritu cornu cervi nares , tempo-
ra , frontemque bene perfricuimus ; de-

D 5

di-

dimus deglutiendam unciam unam vini
austriaci & guttas sex spiritus cornu
cervi , videbatur tunc anima redire ,
& deprehensus est ad carpum pulsus
tremulus.

Æger cœpit oculos aperire , & an-
helare.

Dedimus dein juscui carnium ali-
quot uncias , & ægrum ad quietem dis-
posuimus.

Verum mansit is anxius , & post
horæ quadrantem æruginosa vomuit , &
tunc denuo eum moriturum credebamus.

Sopito autem per remedium parego-
ricum vomitu , lenis somnus sequebatur.

Qui , quamvis nec diu duraverit ,
nec fuerit tranquillus , ægrum tamen
aliquantulum refecit.

Altero die æger cœpit loqui , & obla-
ta patienter assunxit. Domi-

Dominus *Haffner* cavum pectoris decocto hordei, & melle rosaceo bene eluit, ego autem præscripsi remedia, tunc indicata.

Intra quatuor dies æger iterum tantas vires habuit, ut se ipsum in omnem partem citra animi deliquum potuerit movere.

Dominus *Haffner* stylo in pectus penetravit, & advertit costas multas esse cariosas, tentavit propterea diversas balsamicas, detergentes, & vulnerarias injectiones, nullam autem magis utilem invenit, quam eam, quæ infuso cicutæ facta fuit, hæc enim pus laudabile fecit.

Vires ægri auctæ sunt, rediit appetitus.

Nocturnus sudor & vespertina febricu-

bricula aptis remediis mitigabantur, integræ vero fisti non poterant.

Curationem perfectam sperare nunquam potuimus; verum erat nobis sat, dum hominem, jam fere mortuum, operatione audaci e mortis faucibus detraximus, & dedimus ei vitam longiorrem & minus molestam.

Injectione ex saturato infuso cicutæ, & remediis balsamicis, interno usu adhibitis, & paregoricis, & diæta lactea in septimum mensem hunc ægrum sat commode conservavimus, tunc autem tempore versus autumnum vergente cœpit iterum fortius tuffire, febricula vespertina aucta est, & intra triginta & unum dies contabuit.

Pulmo reperiebatur plurimum exsus, & costæ cariosæ.

Mirum!

Mirum! quod saturatum infusum
cicutæ in cavum pectoris, & ad nudum
pulmonem injectum nullas turbas, nul-
las anxietates &c. excitaverit.

Patet inde, cicutæ virus adeo te-
trum non esse.

Atque ideo hunc casum hic inferui,
quoniam cum priori quid commune
habet.

CASUS OCTAVUS.

Homo, 27. annorum, a sex circiter
annis gessit tuberculum ad linguæ
radicem, quod per vices multo dolore
afficiebatur, & deglutitionem fecit dif-
ficilem, subinde tamen nullus ibidem
dolor observatus est.

Hoc tuberculum sensim accrevit in
nucis avellanae magnitudinem; fuit to-
tum lividum, & acutissime semper do-
luit.

De-

Demum ruptum est, & effluxit ichor acerrimus, foetidus, & oriebatur ulcus foedum, latum.

Deglutitio fuit admodum difficultis.

Quidam chirurgi & medici credebant ulcus esse venereum; hinc remediis antivenereis curam inchoabant.

Decocta plurima, varia purgantia, mercurio mista, tandem spiritum frumenti, in quo mercurius sublimatus solvebatur, æger longo tempore incussum assunxit; imo malum auctum est.

Denium salivatione miser penitus extenuatus fuit sine morbi emendatione.

Quum hæc remedia maxime heroicæ nil effecerunt, æger fato relinquatur; datum ipsi est testimonium, quod curari non possit, quodque deberet in domum incurabilium lufcipi. AE.

Æger tamen undique adhuc auxilium quæsivit, & fere omnium chirurgorum portas pulsavit; verum vix non ab omnibus sine ope est dimissus.

Demum venit ad Dominum Haffner, chirurgum mei nosocomii, is re bene considerata statim cogitavit, cicutam hoc in ægro esse adhibendam.

Unde hunc hominem altero die, dum ad nosocomium veni, mihi ostendit.

Feci illico, ut ipsi lectus pararetur, eumque in nosocomio retinui.

Erat autem totus emaciatus, vesperi habebat horripilationes, dein calores; tandem sudore copiosissimo maduit, & somnus fuit anxius, inquietus.

Ulcus foedissimum fere totam linguæ radicem exesit, ex ejus margine & fundo

do variæ fungosæ excrecentiæ propularunt, quæ omnes erant exulceratæ, & fœdissimum ichorem fuderunt.

Dolor aderat continuus, ardens & deglutitio fuit fere impossibilis, ulcus in profundum & latum continuo serpsit, æger non poterat distincte loqui.

Uvula, tonsillæ, & totæ fauces jam quoque afficiebantur, nam vidimus sat profundas erosiones, quæ acri humore stillare cœperunt.

Æger sæpius tussivit, & ex fauibus usque ad ventriculum magnum ac continuo prurientem ardorem conquesitus est.

Ex ore prodiit fœtor deterrimus, qui nobis insipientibus sæpius nauseam, & horrorem excitavit.

Status sane hujus ægri erat maxima commiseratione dignus.

Eru-

Eruditissimus Dominus *Collin*, medicus, qui mecum tunc nosocomium adiuit, hunc quoque ægrum vidit, dubitavimus certo, an in casu adeo inverterato, & desperato cicuta quidquam posset præstare.

Interim tamen præter hanc nullum nobis supererat remedium, quod jam non fuisset tentatum.

Prima erat indicatio, ut ulcus folidum purgaretur.

Rogavi propterea Dominum *Haffner*, ut leni manu ope syringæ aliquoties per diem infusum cicutæ, melle rosarum mistum, ad fauces, & ulcus injiceret, & hac ratione sensim fordes & acrimoniæ ablueret.

Pro medicamento dedi misturam sequentem:

E

R. Ex-

P- Extract. cicut. gr. x.

mucilag. gum. traga. dr. f.

Syrup. diacod.

unc. j.

aq. flor. samb. unc. v.

m. f. Sumat æger omni biborio cochlearium.

Potus ordinarius erat serum lactis,
cibus autem jusculum cum pane, pa-
natella, hordeum mundum &c.

Prima nocte æger jam longe tran-
quillus dormivit.

Altero mane ulcus nec ita fetuit,
nec adeo sordidum fuit.

Verum loquendi, & deglutiendi dif-
ficultas æque magna mansit.

Iisdem remediiis internis, externis.
que continuatum est.

Tertio die ardor in faucibus, & per
totum

totum œsophagum multum remisit, ulcus erat longe purius, nec ullus fere fœtor observabatur.

Eandem adhuc misturam præbui, extractum cicutæ solummodo auxi, & scrupulum integrum immiscui.

Sexto die jam potuit solidiora citra multum dolorem deglutire, ulcus cancrosum fuit satis purum, faucium ulceræ jam incipiebant levi cicatricula obduci, & ardor per œsophagum vix amplius percipiebatur.

Iisdem remediis continuatum est.

Undecima die circa vesperas fere nullæ aderant horripilationes, nec multis calor, & nocturnus sudor vix non penitus desit.

Ulcus cancrosum ichoris loco pus exhibuit, nec aderat multus dolor dum

æger solida deglutivit, levissimus tan-
tum fætor advertebatur; æger longe
distinctius loquebatur, vires habuit mul-
to majores, & bonum appetitum, fau-
cium ulcera jam plurima erant clausa,
& subinde tantum levis in œsophago ar-
dor perceptus est.

Iisdem medicamentis continuatum
fuit.

Decimo quinto die ulcus cancrosum
optimum habuit colorem, fungosæ ex-
crescentiæ erant multo minores, nec
amplius ichorem plorarunt, & ex ul-
ceris ambitu tenuissima, & albicans na-
sciebatur cuticula, quæ spem primam
veræ curationis adulit, & ostendit,
cancro serpenti limites esse positos.

Fauces erant sanatæ, abfuit in œso-
phago omnis ardor, æger habuit bonas

vires

vires, nec pejora observabantur symptomata circa vesperas, nec sudor nocturnus.

Exhibui tunc quotidie mane pilulas octo, granorum duorum, de extracto cicutæ, & totidem vesperi, & desuper feci hauriri copiosum serum lactis, injectiones ad ulcus continuabantur.

Die vigesimo omnia iterum erant meliora, ulcus cœpit longe minus fieri, excrescentiæ fungosæ plurimæ sponte separabantur, nullus aderat fœtor, nec ichor, sed pus bonum.

Noctes fuerunt quietæ, vires auctæ sunt, & viguit appetitus.

Die trigesimo ulcus fuit sat purum, plurimæ excrescentiæ jam erant separatae, reliquæ autem, superstites, erant flaccidæ, pallidæ, nec ex ad tactu do-

lore afficiebantur , æger vinum purum
bibit absque dolore in ulcere.

Dedi tunc per diem scrupulos duos
extracti cicutæ , & copiosum serum la-
ctis , & infuso cicutæ ulcus sæpius per
diem ablutum est.

Trigesimo quarto die famem ingen-
tem habuit æger , & propterea oblata
avidissime sine debita masticatione abli-
gurivit.

Onerabatur inde ventriculus , &
postero die aderat nausea , horror , con-
tinuus vomendi conatus , præcordio-
rum anxietas , vertigo , labii inferioris
tremulus motus , calor magnus , pulsus
inæqualis robore & celeritate , respira-
tio brevis , anhelosa , facies tumida ,
livida.

Dolebam tunc summopere , spem cu-
ratio-

rationis hac ratione esse diminutam, &
ægrum in summum vitæ periculum con-
jectum.

Maxime urgens indicatio erat, ut
ventriculus ab onere suo liberetur, de-
di igitur grana viginti pulveris radicis
ypecacuanhæ, & granum unum tarta-
ri emeticæ.

Vix dato pulvere, sequebatur illico
vomitus materiei crudæ, incoctæ, vo-
mitum potu copioso aquæ tepidæ faci-
liorem reddidi.

Æger hac ratione sexies vomuit ci-
bos, avide deglutitos, multumque se-
rum flavum, quod acidum spiravit.

Post vomitum mala Symptomata fere
omnia evanuerunt, solo tenui jufculo
eo die æger nutriebatur, vesperi da-
tum est paregoricum.

E 4

Nox

Nox fuit tranquilla.

Mane pulsus æqualis, latus, parvus deprehendebatur, nec æger quidquam præter debilitatem conquestus est.

Ulcus tunc iterum erat sordidum, magis doluit, nec tamen deglutitio inde multum læsa est; solo infuso cicutæ, & melle rosarum sæpius per diem lenissima injectione abluebantur sordes.

Grato julapio, diæta convenienti, paucō vino, & paregorico vespertino vires tunc reficere conabar.

Die trigesimo nono æger sat bene se habuit, & ipse rogavit, ut pilulæ de cicuta denuo darentur.

Dedi tunc per diem scrupulos duos extracti de cicuta, & copiosum serum lactis, ad prandium concessi vinum.

Res quotidie iterum in melius mutata

tata est , & ulcus optimam curationis spem præ se tulit.

Quoniam omnia tunc secundum vota procedebant, non auxi amplius dosin extraicti, lenes injectiones ad ulcus, quæ solo infuso cicutæ fiebant, sedulo & saepius per diem repetitæ sunt.

Quinquagesimo die paucæ adhuc aderant fungosæ, flaccidæ, pendulæ excrescentiæ, quæ ulceris consolidatiō nem retardarunt.

Has Dominus Haffner absque ægri dolore resecuit forfice. Sectione nullus prodibat sanguis.

Injectiones diligenter peractæ sunt, quoniam magnum levamen, & egregiam opem ægro adtulerunt.

Loquela fuit liberrima, deglutitio bona, vires integræ, somnus optimus,

E 5 app-

appetitus magnus, alvus naturalis, urina copiosa, bene colorata.

Iisdem strenue continuatum est, & sexagesimo octavo die ulcus erat cicatrice obductum.

Ab injectionibus tunc abstinebatur, verum extractum cicutæ eadem dosi adhuc per quatuordecim dies datum est.

Dum autem videbamus firmissimam esse cicatricem, & hominem esse integrum sanum, sensim omne remedium se posuimus, & concessimus, ut in aerem liberum se conferret, & ea ederet, quibus antea fuerat assuetus.

Eum tamen sanissimum adhuc per quatuor septimanas in nosocomio retinuimus.

Dein autem ipse petiit, ut dimittetur.

Dominus *Collin* toto curationis tem-

pore hunc ægrum vidit, & mecum obseravit.

Magno nobis sœpe solatio fuit, dum vidimus hunc hominem ab omnibus desertum, & pro incurabili habitum, ope cicutæ non tantum a vespertina febre, a sudore nocturno, a tabe & cachexia esse liberatum, sed & a pessimo cancro curatum, & optime restitutum.

Post aliquot septimanas ex relatis audiui, eum iniisse matrimonium.

CASUS NONUS.

Vir, 42. annorum, a pluribus annis habuit dolorem vagum arthriticum, noctu hicce dolor calore lecti multum augebatur.

Longo tempore diversissima decota, aliaque remedia interna & externa adhibuit, nec ullum inde levamen sentiebat.

Ne-

Neque balnea sulphurea aliaque diversissimi generis, longo tempore adhibita, quidquam profuerunt.

Tandem materies vaga figebatur ad humerum dextrum, & ad coxendicem ejusdem lateris.

Unde pedi, & brachio mobilitas de mebatur, minuta est ejus lateris sensibilitas, & accessit macies.

Varia iterum interne externeque tentata nihil juverunt, imo auxerunt dolores, & videbantur malum reddere pejus.

Neque vis electrica, per trimestre spatium applicata, in hoc homine quidquam mutavit.

Æstate præterita, dum ruri degbam, me accessit, narravitque mali historiam.

Cau-

Causam & veram morbi originem ignoravit.

Quoniam ego multis in ægris vidi cicutam contra dolores rheumaticos, & arthriticos vagos, & fixos multum valuisse, credidi eam & in hoc casu statim esse adhibendam.

Dedi tunc mane & vesperi quinque pilulas, granorum duorum, & copiosum decoctum radicis bardanæ.

Post octiduum rediit, & conquerebatur majores ad humerum & coxendicem dolores, & ingratam per totum brachium, & pedem formicationem.

Cæteroquin nil mutatum est.

Suasi tunc, ut mane octo pilulas de cicuta sumeret, & totidem vesperi, utque decoctum bardanæ continuaret.

Decimo quarto die dolores erant mino-

minores, verum in toto latere affe^o, ut & in pede & brachio percipiebatur sudor pruriens, fœtens, & oriebantur pustulæ albicantes, pellucidæ, acri fero plenæ.

Sensibilitas jam longe major advertebatur.

Appetitus fuit bonus, vires sat magnæ, fluxit urina copiosa, quæ prodeundo ardorem in urethra excitavit, alvus fuit naturalis.

Tunc æger per diem cœpit viginti pilulas sumere, & continuavit decutum radicis bardanæ.

Vigesimo quarto die carnes in brachio videbantur redire, & jam quædam advertebatur mobilitas.

Reliqua erant in priori statu, pustulæ autem semper copiosiores compa- ruerunt, nec desit pruritus. Tri-

Trigesimo sexto die æger per universum corpus ingratum ardorem & pruritum conquerebatur, & oriebantur ex ruptis pustulis crustæ crassæ, & vera scabies superveniebat.

Verum pes & brachium erant longe mobiliora, sat robusta, optime sensibilia.

Curavi totum corpus infuso cicutæ, quod lacte fiebat, bis quotidie lavari.

Intra paucos dies crustæ plurimæ ceciderunt, pustulæ autem hinc inde longe frequentiores comparuerunt, & pruritus augebatur.

Quinquagesimo die jam poterat moveri brachium in omnem partem, pes autem ægro videbatur adhucdum gravis, cæteroquin autem erat mobilis, flexilis & omni in loco aderant optima sensationis signa.

Dedi

Dedi tunc per diem drachmam integrum extracti cicutæ, & loco decocti bardanæ exhibui serum lactis, præterea tamen infuso cicutæ, lacte factō, corpus quotidie bis lavabatur.

Spatio octidui omnis pruritus cessavit, disparuerunt pustulæ & omnes crustæ, & æger cœpit optime convalegere.

Sexagesimo nono die æger potuit ambulare, & brachium in omnem partem movere, neque ex itinere unius & dimidiæ horæ multum defatigabatur.

Sensim tunc iterum cicutæ dosim minui, seri lactis vero ingentem quotidie copiam bibere ægrum jussi, corpus non amplius lavabatur.

Octuagesimo die sanissimus me iterum accessit, egitque gratias.

CASUS

CASUS DECIMUS.

Virgo, 18. annorum, spina ventosa
jam a septem annis ad tarsum pe-
dis dextri & ad cubitum brachii dex-
tri laboravit; tentata remedia, alias in
similibus morbis maxime laudata, nil
profuerunt.

Decoctis lignorum copiosissimis
per multos menses ufa est, & elicieba-
tur inde copiosus sudor, malum sub
initium videbatur levari; dein vero tussi
ficca vexabatur ægra, cœpitque debili-
tari, & emaciari, & malum iterum pe-
jus factum est.

Data sunt remedia antiscorbutica,
& multum serum lactis, & ulcera inde
fere sanata sunt.

Verum dum maxima curationis spes
erat, ortus est novus circa partes affe-

F

etas

ctas dolor, cœpit iterum ichor acerri-
mus effluere, & orta sunt denuo ulce-
ra fœdissima.

Mercurius sublimatus corrosivus in
spiritu frumenti solutus, qui alias simi-
libus in morbis optimos effectus præstat,
hic nil efficit.

Dedi igitur extractum cicuta & co-
piosum decoctum hordei crudi cum pau-
co lacte.

Exterius ad ulcera & tumores so-
lum emplastrum Diapompholygos ap-
plicui, ut certus essem de effectu, quem
cicuta interne data in simili morbo ha-
beret.

Intra quatuor dies ulcera alias fœ-
da, & fœtida jam puriora erant, & pus
bonum esse cœpit, & dolores multo mi-
tores fuerunt, & somnus fuit tranquil-
lior, & appetitus major. Sexto,

Sexto, septimo, octavo, & nono die copiosum serum acre ex ulceribus exstillavit.

Duodecimo die videbantur ossi tumores multo minores, & color profunde ruber cœpit in naturalem mutari.

Decimo quinto die ex ulcere intarso pedis dextri tria ossium fragmenta separata sunt.

Decimo septimo die ulcus ad tarsum pedis dextri erat purum, & ex margine incipiebat nasci cuticula, quæ satiationem promisit, tumor ossium affectorum circa hoc ulcus fuit multo minor.

Verum ad cubitum brachii dextri ulcus & tumor vix mutatus deprehendebatur, & aderat multus dolor, effluxit copiosum serum, motus tamen articulationis videbatur paulo facilior.

F 2

Apli-

Applicui igitur fomentum ex cicuta, ulceri autem in tarso imposui emplastrum de cicuta.

Vigesimo quarto die tumor circa articulationem cubitus dextri fuit multo minor; & ulcus purum, effluxitque serum copiosum, & materies granulosa ex ossibus separabatur.

Ulcus ad tarsum pedis dextri multo minus fuit, tumor fere totus concidit, & omnia brevem sanationem promiserunt.

Trigesimo quarto die ex osse humeri circa articulationem cubitus dextri longum & magnum osseum fragmentum secessit.

Tumor circa articulationem multum diminutus est, & ægra jam facile flexit brachium, & ori cibos admovit.

Ex

Ex ulcere ad tarsum pedis dextri multum iterum serum fluxit, & prodierunt valde exigua ossium fragmenta, & ægra majorem dolorem conquesta.

Interim vires auctæ sunt, appetitus viguit, & ægra fuit alacrior, pinquier.

Quadragesimo octavo die ulcus in pedis tarso erat penitus clausum, nec ullus fere tumor amplius advertebatur, nec dolor.

Circa articulationem cubitus brachii dextri omnia erant quoque meliora.

Dedi tunc ægræ purgans, quod octo vicibus alvum copiosam, subflavam movit.

Altero a purgante die ægra quievit, & nil assunxit.

Sequentibus autem diebus iterum

F 3

dedi

dedi cicutæ extractum, & copiosum se-
rum lactis.

Quinquagesimo sexto die ægra mul-
to melius se habuit, brachium potuit
flectere, & in omnem partem movere.

Ulcus in tarso mansit firmiter clau-
sum.

Septuagesimo secundo die omnia,
quæ alias tumebant, ad statum natura-
lem redierunt, & ulcus circa cubitum
brachii dextri erat fere consolidatum.

Quoniam articulationis motus fuit
satis liber, nec ossa amplius tumuerunt,
creddi tunc, non amplius necesse esse,
ut hæ partes unde quaque fomento in-
volverentur, ulcus tantum linteis car-
ptis infuso cicutæ madidis Dominus
Haffner replevit, deligavit.

Nonagesimo die coaluit ulcus ad
cubi-

cubitum, nec ex nata cicatrice brachii
flexilitas impeditetur.

Per duodecim dies adhuc præbui
huic ægræ cicutam, & copiosum serum
lactis, dein dedi purgans, & quoniam
vidimus hanc esse integræ sanam, & ul-
cera esse optime sanata, dimisimus eam
e nosocomio.

CASUS UNDECIMUS.

Homo, 35. annorum, fœdissima ul-
cera serpentia ad tarsum utrius-
que pedis, & intra scapulas a binis an-
nis habuit.

Præterea corpus totum pustulis pru-
rientibus, & acerrimo fero plenis erat
obsitum.

Ulcera ichorem acerrimum plora-
runt continuo, partes vicinas arrosere,

F 4

&

& omnia ad ossa usque & tendines consumserunt.

Variis usus remediis, & balneis nullum fere levamen percepit, aut si ulcera videbantur sanationi proxima, mox iterum in pessimum statum mutata sunt.

Æger inde debilitatus est, cœpit extenuari, & incidit in sudores nocturnos.

Demum me in confilium vocavit, & quum multiplici experientia edoctus fui, cicutam sanguinis acrimoniam corriger, & ulcera similia sanare, præscripsi pilulas de extracto cicutæ, & decoctum radicis bardanæ.

Spatio octo dierum pruritus per universum corpus fere omnis cessavit, & plurimæ pustulæ evanuerunt, neque ulcera adeo copiosum ichorem dederunt.

Vige-

Vigesimo die æger fuit multo robustior, sudor nocturnus non amplius advertebatur, & ex margine ulceris nascebatur alba cuticula, quæ cicatricem formaret.

Dedi tunc purgans antiphlogisticum.

Dein jussi, ut æger cicutæ extractum & decoctum bardanæ iterum continuaret.

Jam summis quotidie drachmam dimidiam extracti cicutæ.

Trigesimo sexto die æger sat bene valuit, & ulcera erant fere clausa.

Tendines nudi antea in ulceribus comparuerunt, nascente tamen cicatrice eorum motus non fuit impeditus.

Quadragesimo octavo die ulcera erant cicatrice tenui obducta, haec ut firmior fieret, applicui unguentum nutritum.

Dedi iterum purgans antiphlogisticum.

Sexagesimo die ulcera videbantur firmissime consolidata, & homo erat optime sanus.

Suasi tamen, ut mediocri dosi cicatram adhuc per tres septimanas sumeret, & biberet desuper infusum florum sambuci, dein praescripsi iterum purgans, ut hac ratione & sanguis, & primae viæ ab omni acri & crudo essent liberæ.

Ex usu cicutæ hicce homo longe meliorem in facie colorem obtinuit, musculi omnes alias flaccidi nunc erant firmi,

firmi, fortes, & totus homo fiebat ex pinguedine quadratus.

CASUS DUODECIMUS.

Faber ferrarius fœdissimo morbo cutaneo, qui ab elephantiasi non multum abludebat, jam a decem annis laboravit.

Omnium fere medicorum, chirurgorum, balneatorum & argyrtarum opem imploravit, remedia maxime heroica longo tempore assumpsit, & balnea diversa mineralia, & vaporum applicuit; verum vix unquam levabatur, potuit tamen suos labores peragere.

Neque fœda hæc scabies in facie aut manibus comparuit, sed iis tantum in partibus, quæ veste tegebantur.

Unde potuit cum aliis ejus sociis
con-

conversari, nunquam tamen in eodem lecto cum iis decubuit.

Quum autem tentatis fortissimis medicamentis vidit, malum nequaquam emendari, noluit amplius consilium medicum petere, & reliquit rem soli naturæ, & omnia, quæ palato arrisere, comedit, strenue bibt, neque temporis vicissitudines evitavit.

Pejus inde non habuit.

Contigit autem, ut hyeme præterlapsa frigori subito expositus in pleuritidem inciderit.

Translatus est propterea ad nostrum nosocomium.

Vena debebat iteratis vicibus secati, verum cutis erat adeo dura, & tenax, ut chirurgus non potuerit penetrare nisi magna vi, & multa attentione.

San-

Sanguis vena missus erat vere pleuriticus.

Decoctis emollientibus , expectorantibus , mellitis, nitrofis, morbus sat gravis spatio quatuordecim dierum sputo judicabatur.

Decimo octavo die dedi purgans & tunc homo videbatur iterum sanissimus.

Malum tamen cutaneum acuto hoc morbo nequaquam mutatum est.

Putavi tunc cicutam hoc in morbo pertinacissimo esse tentandam.

Suasi igitur, ut adhuc maneret in nosocomio , promisque sanationem.

Exhibui ilico grana decem extracti cicutæ tempore matutino , & totidem vesperi & simul dabatur copiosum decoctum radicis bardanæ , & glycyrrhizæ.

Prœ-

Præterea autem bis quotidie lotum est totum corpus anatica parte aquæ, & lactis tepidi, in cuius mensuris duabus solvebatur uncia una saponis veneti.

Spatio decem dierum multæ squammæ ceciderunt, rugæ fuerunt molliores, & lenissima advertebatur transpiratio.

Cutis antea aspera, rugosa, fœdissime squammosa, dura, cornea fere, & insensibilis, nunc ex ad tactu paulo rudiori doluit.

Undecimo die jam cœpit dimidiam drachmam extracti cicutæ spatio viginiquatuor horarum exhibere, decoctum bardanæ, glycyrrhizæ, & lotiones continuatæ sunt.

Decimo septimo die fere omnes
squam-

squamæ jam erant separatæ , & rugæ cutis sensim applanatae sunt.

Æger autem vagos calores & anxietates conquerebatur , pulsus tamen fuit æqualis , non febrilis , vires bonæ , appetitus magnus , urina prodiit copiosa , acris , & alvus quotidie ter vel quater sponte fluxit foetida , bilioſa .

Æger elevi ad tactu iis in partibus , ubi squamæ hæserunt , ardorem , & dolorem percepit .

Eadem dosi & iisdem medicamentis , tunc adhuc iussi , pergeret .

Vigesimo sexto die corripiebatur horripilatione , dein calore , & magna siti , sequebaturque valida febris .

Oculi rubuerunt , lingua fuit siccata , urina flammea , & cutis totius corporis leví phlogosi tendebatur , nec minimum

mum adtactum tulit citra magnum dolorem & ardorem.

Abstinui ilico ab usu cicutæ, & dedi copiosum rob sambuci, nitrum, & decoctum hordei crudi.

Alvus inde aliquoties mota est, neque vires ægri multum diminutæ sunt, symptomata sensim omnia remiserunt, & trigesimo quinto die cutis habuit colorem fere naturalem, rediit appetitus, & pulsus fuit æqualis, lentus.

Diæta molli tunc vires ægri restauravi, pro medicamento & potu ordinario dedi infusum florum sambuci, quod fero laetis siebat.

Quadragesimo nono die cutis tota fuit fere naturalis; verum mansit semper magis sensibilis, quam alias esse solet.

Vires

Vires tunc æger bonas habuit, optimæ appetiit, quiete dormivit, urina prodiit optime colorata, & alvus bene cocta.

Quum autem in cute variæ pustulæ comparuerunt, quæ pruritum excitatunt, & ruptæ fuderunt serum acre, credidi: ad sanguinem magis depurandum cicuta adhuc dum utendum esse.

Feci igitur, æger mane & vesperi assumeret grana decem de extracto cicutæ, & biberet copiosum serum lactis.

Quorum usu spatio quatuordecim dierum integre sanatus fuit.

Epidermis tamen mansit admodum tenuis, & rumpebatur a minimo adtritu.

Verum hoc incommodum sustulit bal-

G neum

neum Badense, quo hicce homo per tres septimanas utebatur.

Post hujus usum optime sanus, & habens cutim, & epidermidem penitus naturalem, me acceslit, gratias acturus.

CASUS DECIMUSTERTIUS.

Fœmina, 42. annorum, sanissima' alia, septem abhinc annis (causam ignorat) cœpit fluore albo continuo laborare, & ab eo tempore nil sanguinis menstrui amplius comparuit.

Materies ex utero prodiens sub initium lenta, mucosa, subalbida fuit, in hypogastrio autem advertebatur tensio, & dolor punctorius, vagus.

Præterea urina subinde tenesmo retenta, aut difficilis reddita est.

Usu balneorum, & variorum remedio-

diorum spatio novem mensium hic fluxus suppressus fuit.

Verum mansit in hypogastrio tensio, & dolor punctionarius, & saepius observatus, est urinæ tenesimus, & vagi calores frequenter caput turbarunt, supervenerunt leves leipothymiæ, & ferre quotidie versus vesperas spinam dorsi horror perrepfit.

His symptomatibus solo decocto althææ medebatur ægra.

Per integrum fere quinquennium malum fuit satis mite, ægra habuit vires, & poterat suos labores peragere.

Dein autem erodentes orti sunt doles, hypogastrium tensum ex minimo ad tactu valde doluit, & demum retenta est urina, & alvus.

Enematibus emollientissimis, & fi-

G 2 mili-

milibus fomentis tandem cœpit urina prodire acris, turbida, & alvus dura, nigra, globosa.

Levamen inde habuit ægra, recuperavit iterum suas vires, & potuit extra lectum esse.

Externo ad tactu deprehendebatur in medio hypogastrio tumor durus, in quo continuus percipiebatur dolor ardens, erodens, pungens.

Atque ideo hæc fœmina balneo emollientissimo quotidie per binas horas infedit, & octavo die, quo hoc balneo utebatur, prodiit ichor subfuscus, acer, fœtidus, & dolores ardoresque inde levabantur.

Simili balneo adhuc per quatuordecim dies usæ est, & multo melius inde se habuit; etenim hypogastrum fat

sat rudem ad tactum sine dolore tulit, &
ægra potuit ambulare absque molestia.

Verum fluxus ichoris acerrimi semper factus est copiosior, & erosa est uteri vagina, & vulva.

Hinc remedia externa internaque applicata fuerunt.

Per aliquot dies ægra subinde sibile-
vata videbatur, & fluxus fuit admo-
dum mitis.

Dein autem aucti sunt iterum dolores, supervenit febris, retenta est urina, hinc enematibus & fomentis urinæ viæ iterum debebant liberari, & inde ichoris fluxus copiosior fuit.

Sensim ægra debilitata est, cœpit vespertino tempore horripilationes con-
queri, dein calores, & noctu copiose sudavit.

Tentata quæcumque , nil juverunt; imo dolores semper fiebant magis vivaces, pertinaciores , & materies magis fœtuit , & fuit acerrima.

A medicis relicta demum ad nosocomium venit , tota emaciata , cachectica.

Tentavi omnia remedia , quæ in similibus casibus profuisse , alias vidi.

Præterea decoctis demulcentibus , & diæta molli conabar involvere acrimoniā.

Vires videbantur paulisper augeri , & mens fieri alacrior ; verum febris vespertina , & sudor nocturnus continuarunt.

Neque imminuti sunt dolores , neque fluxus mitior redditus.

Hinc, quum adverti , me remediis
ufita-

usitatis actum agere, transfisi ad usum cicutæ.

Dedi autem simul decoctum saturatum radicis althææ, & leni infuso cicutæ, quod lacte factum est, curabam sæpius per diem vulvam, & uteri vaginalm elui.

Intra paucos dies magna fiebat mutatio, remiserunt dolores, febris vespertina erat mitior, somnus magis tranquillus, sudor minus copiosus, neque materies, utero effluens, adeo fœtuit.

Decimo octavo die jam dedi nycthemeri spatio viginti quatuor grana de extracto cicutæ.

Symptomata omnia fere quotidie in melius mutata sunt; dolores tamen subinde adeo vivi fuerunt, ut opio debuerint sopiri.

G 4

Tri-

Trigesimo die dolores erant enormes, urentes, accessit febris, sitis, & multum imminutæ sunt vires.

Removi ilico extractum cicutæ, non tamen cicutam propterea damnavi.

Venam ægræ secui, & solum decoctum emollientissimum cum nitro & melle exhibui.

Externe applicabatur cataplasma emolliens.

Dum hæc febris accessit, filuit omnis fluxus uteri, urina reddebatur difficilior, non tamen penitus retenta est.

Sanguis, e vena missus, fuit spissus, phlogisticus.

Mala hæc symptomata absque omni fere remissione in quartum diem durarunt, ægra fæpius sensit horrores.

Quarto die debilis admodum fuit
ægra,

ægra, pulsus sæpius intermisit, obser-
vabantur frequentes caloris colorisque
in facie mutationes.

Demum versus vesperas, prægresso
magno horrore, & sudore frigido & le-
vi animi defectu mucus prodiit ex ute-
ro, mistus striis sanguineis, & adver-
tebatur magnus fœtor.

Hinc omnes gangrænam lethalem
adefse clamitarunt.

Verum post medium horam prodiit
multum pus, & ægra se levatam sensit,
& nox fuit quieta, & bono somno dein
reficiebatur.

Altero mane eam inveni alacrem, &
pulsum habuit naturalem, puris fluxus
mediocris continuavit.

Solum iterum radicis althææ de-
coctum tunc sine nitro exhibui, verum

G 5

junxi

junxi simul pilulas ex olibano, masti-
che, sarcocolla, & mucilagine gummi
tragacanthæ confectas.

Dolores circa uteri regionem pauci
fuerunt, neque ulla amplius durities
tactu observata fuit.

His solis medicamentis, & diæta
molli spatio duodecim dierum puris flu-
xus integre curatus fuit, & auctæ sunt
vires.

Quum tamen cessante puris fluxu
per vices adhuc ichoris stillicidium a-
nimadvertebatur, & ægra subinde do-
lores pungentes, vagos in utero con-
questa est, pilulas balsamicas seposui,
& earum loco dedi extractum cicutæ.

Cujus efficacia dein intra tres septi-
manas ægra integre fana fuit.

Etenim fuit torosa, robusta, agi-
lis

lis, nil conquerebatur, uteri omnis fluxus filuit, urina prodiit sine molestia, appetitus fuit bonus, somnus tranquillus, reficiens.

CASUS DECIMUS QUARTUS.

Fœmina, 48 annorum, a quindecim circiter annis fluorem album habuit, & quamvis remedia ab optimis artis magistris præscripta, longissimo tempore assumerit, malum tamen aut mansit in eodem statu, aut in pejus mutatum fuit.

Dum vidit, idem esse, sive adhiberet medicamenta, sive ea negligeret (imo ex usu medicamentorum subinde debilitata est, & pejus habuit) mutavit consilium, & morbum foli naturæ commisit.

Per undecim annos fuit sine remedio,

dio, dein vero fluxus menstruus retentus fuit, qui antehac & debito tempore, & sufficienti copia semper comparuit.

Orti tunc sunt acutissimi in utero dolores, & simul advertebatur continuus ardor, materies effluens, antea benigna, lenta, mucosa, nunc tenuis fuit, & viridescens, & foetuit.

Multorum medicorum openi tunc ægra imploravit, adivit chirurgos, consuluit vetulas, ast medicamenta potius molestiae, quam levamini fuerunt.

Misera sensim in pessimum statum redacta fuit.

Dolores & ardores aderant continui, & hi versus vesperas aucti sunt, præter ichorem putridissimum effluxit subinde sanguis foetidus, dissolutus & prodierunt
frusta

frusta fibrofa, corrupta, subnigra; va-
gina uteri & vulva sensim exulceratæ &
exefæ sunt, & ægra emaciata vix se e-
rectam potuit sustinere.

His in miseriis eam ad nosocomium
suscepimus.

Rogavi Dominum *Haffner*, ut par-
tes genitales, quantum possibile esset,
digitis & oculis lustraret.

Invenit tunc vulvam exefam, va-
ginam exulceratam, & os uteri erat fat-
durum, dolens, & fortiori pressione
prodiit sanies.

Consului, ut bis quotidie injectio-
nes in vaginam fierent ex leni infuso
cicutæ cum paucō melle rosarum, &
sexta parte lactis.

Præterea copiosum decoctum invol-
vens, demulcens, emolliens, mistum
cum

cum tertia parte lactis recentis datum est.

Spatio sex dierum foetor multum emendatus fuit, & ægra videbatur aliquantulum refici.

Dedi tunc præter decoctum demulcens extractum cicutæ, & injectiones in vaginam fuerunt continuatæ.

Omnia symptomata sensim in melius mutata sunt, ichoris loco tandem effluxit mucus subpurulentus, dein nil amplius comparuit.

Et spatio undecim septimanarum foemina integrum sanitatem recuperavit

Ultra drachmam dimidiam extracti cicutæ non opus fuit dare per diem, quoniam hæc dosis sufficienter omni symptomati ivit obviam.

Ab injectionibus tunc cessatum est,
dum

CASUS DECIMUS QUINTUS. III

dum incipiebat materies benigna comparere.

Abluta tamen aliquoties per diem sunt pudenda, ne & illud benignum intra plicas stagnans acrimoniam contraheret.

• CASUS DECIMUS QUINTUS.

Fœmina, 52. annorum, a longo tempore dolore continuo rodente in utero vexabatur.

Fluore simul albo laboravit, qui sensim adeo malignus factus est, ut materies effluens non tantum partes genitales corroserit, sed & ipsa linteamina, quibus excipiebatur, brevi reddiderit friabilia.

Fœtor præterea tantus fuit, ut & maritus eam fugerit, & omnes fœminæ, quibus alias familiariter utebatur, evitarint ejus confortium. Post

Postquam plurimam bonorum suorum partem frustra in sui curationem consumxit, meum tandem auxilium quæsivit.

Jussi, ut serum lactis biberet, & ablueret partes circa pudenda leni infuso cicutæ, & lacte, addito paucō melle rosarum.

Quoniam autem conquerebatur, noctes esse maxime inquietas ob enormes in utero ardores, præscripsi pulvrem ex drachma dimidia lapidum canorum & ex grano uno opii, ut quotidie, cubitum itura, similem pulverem sumeret.

Somnus inde longior & tranquillior factus est, & augebatur appetitus; imo & vires majores videbantur, & mens alacrior.

Cœte.

Cæteroquin autem nil mutatum fuit.

Exhibui tunc præter serum lactis extractum cicutæ, & vespertinos pulveres continuavi.

Spatio quatuordecim dierum dolores adeo mitigati erant, ut paregorico vespertino opus non amplius fuerit, maturies utero prodiens non amplius ita fœtuit, nec adeo acris fuit.

Urina autem retinebatur.

Abstinui tunc per aliquot dies ab extracto cicutæ & dedi misturam sequentem:

R. Lap. canc unc j.

vin. austriac. montan.

lib. j.

m. f. sumat ægra quater per diem cohleare unum.

H

Hæc

Hæc mistura egregios effectus præsttit: etenim urina prodiit liberrime, & ex utero propellebatur multa materies acris, ichorosa cum magno ægræ levamine; interim tamen dolores iterum aucti sunt.

Hinc dein ad usum cicutæ denuo erat transeundum.

Dedi quotidie grana viginti extracti cicutæ & copiosum decoctum radicis althææ, vel serum lactis.

Dolores hinc mitigabantur & vires auctæ sunt, atque prodiit materies mucosa, raro fœtida.

Nihilominus post tres circiter septimanas circa urinæ vias iterum tenesmi observabantur.

Unde extracti cicutæ loco iterum dedi misturam priorem ex vino & cancrorum lapidibus.

Et

Et hæc magnum denuo levamen adulit.

Hac ratione cogebat sæpius cicutæ usum interrumpere, & fere omni decimo quarto die dedi misturam, qua absumpta, extractum cicutæ iterum continuavi.

Effectum est inde, ut miserrima hæc ægra spatio sex mensium integre fuerit sanata.

Et jam a novem mensibus optimam sanitatem habet.

Hoc tempore bacchanali ventriculum solito plus oneravit, unde me accessit rogatura: darem ei medicamentum.

Verum consului, a cibis per unum alterumve diem abstineret.

Aderat tunc Doctissimus Dominus

H 2

Collin

Collin & ostendi ei hanc fœminam ex periculosisimo morbo optime curatam.

Fœmina ipsa mali historiam me melius explicuit, nec sufficienter potuit laudare pilulas, quæ fibi salutem adulterunt.

Narravit: quod ab omnibus obfetorem, ex utero prodeuntem, contempta fuerit, quod proprius maritus, propriæ proles eam, quasi peste affectam, fugerint.

Quod tabe fere consumpta, nil nisi ossa & pellem gesserit; quod abhorruit a cibis, & sudore nocturno fere difluxerit.

Nunc autem dedit videnda torosa brachia & furas optime repletas & firmas, dixitque, quod jam marito plurimum complaceret.

CA.

CASUS DECIMUS SEXTUS.

Virgo octodecim annorum, mamam utramque lapidis instar duram a triennio fere habuit.

Pallida præterea fuit, flaccida, tota cachectica, neque unquam ei menses adhuc fluxere, cordis palpitationem conquerebatur, & a paulo fortiori ingressu semper anhelavit, & fere suffocata est.

Mamma utraque striis lividis erat variegata, advertebaturque per frequenter dolor acute punctorius, vagus.

Glandulæ subaxillares & inguinales quoque erant tumidæ, induratæ.

Dedi illico ter quotidie tres pilulas, granorum duorum de extracto cicutæ, & qualibet vice feci desuper hauriri infusi melissæ & florum sambuci vascula duo.

H 3

Ex-

Externe nil applicui.

Quinto die nil adhuc erat mutatum.

Exhibui igitur ter quotidie pilulas
quatuor & idem infusum continuavi.

Octavo die striæ lividæ in utraque
mamma disparuerunt, dolores autem
vagi, pungentes erant longe frequen-
tiores, vires austæ sunt.

Decimo die jam dabantur quin-
decim pilulæ per diem.

Duodecimo die prodiit ex utero ma-
teries copiosa, alba, glutinosa & omnes
durities tunc molliores videbantur, &
respiratio fuit levior, nec cordis palpi-
tatio adeo frequens.

Eadem pilularum dosi in vigesimum
diem continuavi, & erant tunc omnia
meliora; tumores multo minores, mam-
ma utraque mobilis & pro parte pen-
dula.

Color

Color faciei, antea ex flavo viridis, nunc in subroseum mutabatur; functiones omnes incipiebant restaurari.

Quotidie ex utero copiosus mucus prodiit, qui subinde acer fuit, & in vagina ardorem excitavit, subinde autem adeo blande extillavit, ut ægra nil adverterit.

Datæ jam sunt octodecim pilulæ per diem.

Trigesimo die mammæ ambæ jam erant fere naturales, & glandulæ subaxillares multo minores, nullum dolorem ægra conquerebatur, mens fuit longe hilarior.

Fluxus autem uterinus nec amplius copiosus, nec frequens fuit.

Pilularum dosis non amplius aucta
est , & continuabatur infusum florū
sambuci & herbæ melissæ.

Quinquagesimo die nil in mammis
repertum est , sub axillis erant adhuc
quædam tubercula , pīfīs æqualia , flu-
xus muci ex utero penitus desit ; vi-
guit appetitus .

Per tres adhuc septimanas dedi me-
diocrem cicutæ dosin , & infusum ruthæ .

Comparuit dein citra omnem dolo-
rem fluxus menstruus , prodiitque san-
guis sanissimus per quinque dies , nec
advertebatur cordis palpitatio , nec a
fortiori ingressu respiratio inhibita fuit .

Unde optima videbatur adesse sa-
nitas , atque ideo nil amplius medica-
menti datum fuit .

CASUS

CASUS DECIMUS SEPTIMUS.

Homo, 30. ann. biennio abhinc febre validissima intermittente, quotidiana afficiebatur.

Chirurgus hanc ilico suppressit cortice peruviano.

Gravis inde fiebat respiratio, delebatur appetitus; hypochondrium sinistrum tensum erat, nec citra dolorem adtaetum tulit; lateri dextro æger non potuit incumbere. Demum ortus est tumor durus, qui fere totum abdominis cavum sinistrum occupavit.

Præterea per totum corpus sensim comparuerunt furunculi foedissimi, subœrulei, qui profunde intra cutim & panniculum adiposum penetrabant, quidam, ex affrictu rupti, sanguinem putridum, nigrum fundebant, & brevi

H 5

caro

caro fungosa ibi loci propululavit.
His omnibus miferiis adhuc super-
venit febris tertiana.

Medici, qui hujus ægri curam ge-
rebant, ex hac tertiana salutem spe-
rarunt.

Hinc remediis salinis solventibus &
amaricantibus febris conatum facilitare
intendebant.

Verum hæc omnia nil juverunt, fe-
bris adeo vehemens fuit, ut æger vires
plurimas amiserit, imo sensim extrema
intumuerunt, & merito timebatur hy-
drops.

Delatus tandem est ad nostrum no-
focomium.

Remediis leniter diureticis, sapo-
ne veneto, rheo, conservis antiscorbu-
ticis &c. tumorem quidem extremorum
diffi-

dissipavi , rediitque appetitus , verum febris violentia semper augebatur , & paroxysmi adeo sunt protracti , ut fere quilibet per viginti quinque horas du raverit.

Sub paroxysmo ægrum semper tussis prehendit , quæ adeo valida fuit , ut tandem sanguis rutilus proruperit .

Cessante tamen paroxysmo nec aderat tussis , nec respiratio fuit difficultis .

Tussis sub paroxysmo nullis remediis potuit mitigari , ardor inde summus in pectore ortus est .

Accessit demum summa macies , & vires omnes conciderunt , sudor nocturnus consumptionem minitabatur .

Quare febris necessario debebat diminui .

Junxi

Junxi igitur conservis antiscorbuticis corticem peruvianum selectissimum, cuius usu spatio quinque dierum, febris admodum mitis facta est; sudor nocturnus fere desit, nec vires adeo debiles videbantur, & ægrum subinde tranquillus somnus occupavit, refecit; tuis fuit longe minus molesta, & potuit opiatis & mucilaginosis compesci.

Similibus itaque remediis per aliquot septimanias continuavi, & subinde ea admiscui, quæ ad tumorem dissipandum & ad furunculos curandos conferrent.

Verum tumor in abdomine sinistro & furunculi per totum corpus semper manserunt in eodem statu, nec febris sopita fuit.

Quin imo pedes livido tumore infla-

flabantur, & copiosiores majoresque furunculi ibi comparuerunt.

Decocta plurima, quæ alias ad mas-
sam sanguineam corrigendam optima
fuerunt, hic nil mutarunt.

His denique junxi leviora antiven-
rea, mercurialia.

Et cum hæc æger facile tulerit, nec
inde quidquam in melius & pejus fuisset
perversum, dedi sensim acriora, & sub
finem exhibui præter copiosissima de-
cocta mercurium sublimatum corrosi-
vum, solutum in spiritu frumenti.

Tulit & hunc æger citra ullum in-
commodum.

Verum largus ejus usus per inte-
grum mensem nil profuit.

Tentatis jam diversissimis remediiis
præter cicutam fere nil supererat, quod
in hoc morbo fuisset indicatum.

Dedi igitur statim in principio ma-
ne decem grana & totidem vesperi, præ-
ter copiosum decoctum hordei crudi.

Tertio die, quo æger cicuta uteba-
tur, febris paroxysmum vix percepit.

Cætera vero in eodem statu per-
manerunt.

Septimo die æger habuit vires lon-
ge majores, febris penitus siluit; au-
gebatur appetitus, flaccidus circa arti-
culos & in facie tumor totus disparuit.

Dedi jam drachmam dimidiā quō-
tidie extracti cicutæ.

Duodecimo die cœpit prodire urina
craffa, ex nigro rubra, foetida, & qui-
dam ex furunculis exficcabantur, qui-
dam vero rupti fuderunt lividum li-
quorem.

Tumor in cavo abdominis sinistro
vide.

videbatur tactu mollior, mobilior, æger tamen lateri dextro nondum potuit incumbere.

Noctes fuerunt admodum quietæ.

Dedi tunc purgans antiphlogisticum.

Decimo quinto die dabantur jam mane & vesperi grana viginti extracti cicutæ.

Vigesimo die pedes antea lividi & tumidi obtinuerunt colorem & molem naturalem, plurimi furunculi exsicabantur.

Hinc inde tamen iterum novi, verum admodum parvi & lâte rubentes proruperunt.

Urina continuavit esse crassa, ex nigro rubicunda.

Toti

Toti abdomini sinistro imposui tunc
emplastrum de cicuta.

Vigesimo quinto die æger assumpsit
haustum antiphlogisticum purgantem.

Et data tunc quotidie est dra-
chma integra extracti cicutæ.

Trigesimo primo die jam plurimi
furunculi exsiccati ex cute separan-
tur; verum omni in loco remansit ma-
gna sensibilitas, & ex minimo affrictu
cutis rupta est, & fudit acre serum.

Urina tunc prodiit minus crassa, sub-
fusca.

Trigesimo quinto die dedi purgans
antiphlogisticum.

Quadragesimo die quinque tantum
furunculi admodum exigui, & fere a-
ridi supererant.

Tumor

Tumor in abdomen fuit minor,
mollior.

Quinquagesimo tertio die furunculi
omnes disparuerunt, & nisi tumor in
abdomine fuisset, homo hicce optime
sanus potuisset dimitti.

Datum tunc iterum est purgans an-
tiphlogisticum.

Et quum dein vires integras habuit,
feci: ut ad suum consuetum laborem
(erat enim faber lignarius) rediret.

Jussi præterea, ut quotidie pilulas
triginta, granorum duorum, sumeret, bi-
beretque decoctum copiosum radicis
bardanæ, & continuo applicaret empla-
strum de cicuta.

Post sex septimanas jam citra mo-
lestiam potuit in latere dextro dormi-
re; tumor jam admodum parvus fuit.

I

De-

Decima septimana tumor fere totus
disparuit.

Finito tertio mense homo integre
sanus fuit.

Dedi tunc iterum haustum purgan-
tem & dein non amplius putavi necesse
esse, ut quidquam assumeret.

CASUS DECIMUS OCTAVUS.

Juvenis 17. annor. ex Hungaria hu-
c adveniens febre violentissima labo-
rat; gerit præterea in hypochondrio
sinistro ingentem tumorem, durum,
immobilem, & est simul iætericus, &
toto corpore tumet.

Per tres integras septimanas varia
adhibui remedia, verum nullum ægro
levamen adtuli.

Confugi igitur ad extractum cicu-
tæ & præbui mane & vesperi grana
octo

octo & saturatum infusum foliorum trifolii fibrini.

Post octiduum febris jam longe mitior fuit, vires augebantur; tumor per universum corpus erat mollis, minor, rugosus, urina alias crassa fusca, nunc fuit citrina, hypochondrium dextrum, quod ex minimo ad tactu doluit, jam potuit premi fortiter, appetitus increvit.

Dedi tunc lene purgans ex rheo & sale polychreste.

Altero a purgante die exhibui mane grana decem extracti cicutæ, & totidem vesperi, & infusum trifolii fibrini continuatum est,

Decimo octavo die æger vix amplius febris accessum sensit, totum corpus & præsertim extrema jam plurimum

detumuerunt, icterus fuit levis; appetitus bonus, urina fere naturalis; tumor in hypochondrio sinistro mollior.

Dedit tunc drachmam dimidiam quotidie de extracto cicutæ, & ad hypochondrium sinistrum applicui emplastrum de cicuta.

Trigesimo die juvenis fuit robustus, febris penitus siluit; levissima adhuc icteri vestigia supererant; dolor ex articulis, & omnis tumor evanuit.

Dedi iterum purgans ex rheo & sale polychresto.

Dein, eodem infuso & eadem extracti cicutæ dosi adhuc continuaret, jussi.

Quadragesimo primo die nullum amplius icteri vestigium erat videndum, vires bonæ fuerunt.

Verum in tumore hypochondrii si-
nistro

nistrī magna in melius mutatio obser-
vata non fuit.

Jussi igitur, ut de extra&to cicutæ
sumeret, quotidie grana quadraginta,
& mane ac vesperi probe fricaret hy-
pochondrium finistrum anatica parte
unguenti de althæa & florum calendu-
læ, addita pauca camphora, & ut in
libero aëre corpus bene exerceret.

Hac ratione spatio duorum & dimi-
dii mensium tumor in hypochondrio pe-
nitus disparuit & juvenis perfecte sanus
castra adivit.

Omni decimo quarto die dedi lene
purgans tempore curationis.

CASUS DECIMUS NONUS.

Homo, 34. annor. glandulas colli
scirrhosas, & adeo magnas ab a-
liquot annis habuit, ut harum glandu-

I 3

larum

larum moles utraque ex parte colli caput humanum superarit.

Monstrosum erat videre hunc hominem , quia tria dissimilia capita gessit.

Omnes haec glandulæ , in unam massam concretæ , firmissime cohæabant.

Sub axillis erant quoque ingentes tumores , qui brachiorum motum valde dolentem & fere impossibilem reddiderunt.

Ex anteriore thoracis parte massa scirrhosa sese a collo usque ad costarum limbos extendit.

Ichorosa hinc inde ulcera hos scirhos arroferunt.

Aliis in plagiis foedissima fungosa carcinomata nata sunt.

Præterea innumeri sinus & fistulæ detegebantur.

Tuffis

Tussis immanis ægrum vexavit, sudor nocturnus & vires & carnes consumpsit, respiratio fuit anhelosa, appetitus deletus, pedes, brachia, facies, & totus reliquus corporis habitus tumore œdematoſo turguit.

Veræ consumptionis manifesta signa aderant.

Varii medici penetrantissimis tam vegetabilibus quam mineralibus remediis hoc malum debellare conati fuerunt; verum eorum opera incassum fuit; imo æger inde pejus habuit.

Feci igitur hominem totum fere consumptum, anhelantem, tumidumque transferri ad meum nosocomium.

Dominus *Haffner*, quamvis multos periculofissime decumbentes sola cicuta

I 4

sæpius

sæpius sanari viderit, hoc tamen in casu spem omnem deposuit.

Ego ipse, ut verum fatear, hominem pro perduto habui, nam febris de pascens, sudor nocturnus, tussis continua & defatigans, vires penitus prostratae, tumor totius corporis, humorum cachexia, respiratio anxia, certam fere mortem præfigiebant.

Interim tamen rogavi Dominum Haffner ut externe fomentum de cicuta applicaret, ut finus & fistulas leni cicutæ infuso, addito paucō rosarum melle, sæpius per diem elueret.

Ego interim præscripsi medicamenta expectorantia, & quæ vires simul augerent.

Solo fomento ulcera longe puriora facta sunt, & tumores emolliebantur.

Spatio

Spatio duodecim dierum æger habuit vires paulo majores; liberius respiravit & noctes fuerunt magis quietæ.

Hinc cicutam interne quoque exhibui.

Pro potu ordinario dedi decoctum hordei, cui quarta pars lactis admiscebatur.

Usu cicutæ sputa liberrime prodierunt, & spatio quatuordecim circiter dierum totus corporis habitus detumuit; urina copiose fluxit; minuebatur febris vespertina, & sudor nocturnus; colli indurations, ulcera, fistulæ & sinus longe in meliori statu inveniebantur, & æger jam potuit extra lectum esse.

Magnus & celer hujus remedii in hoc desperato subiecto effectus nobis adtulit gaudium, & addidit animum,

ut in applicatione tam internorum quam
externorum remediorum alacriter per-
geremus.

Antequam mensis spatum, quo
æger cicutam assumpfit, præterlapsum
fuisse; color faciei jam fuit naturalis;
viguit appetitus, siluit febris vesperti-
na, neque ullus sudor amplius obser-
vatus est; vires fuerunt satis bonæ;
colli tumores longe minores, molliores,
in ulceribus optimum erat pus.

Doctissimus Dominus Collin simul
mecum hujus ægri curam geslit; Domi-
nus Haffner suis fomentis & injectioni-
bus sedulo per diem continuavit, noctu
autem applicuit emplastrum de cicuta.

Sesqui mensis spatio tumores colli
jam fere dimidio minores fuerunt; æger
potuit collum citra magnam molestiam
in omnem partem flectere. Re-

Respiratio fuit libera, nec audiebatur tussis, æger & pinguis & robustus factus est.

Jam tunc dedimus quotidie drachmam integrum extracti cicutæ.

Sub initium tertii mensis æger quotidie drachmam unam cum dimidia de extracto cicutæ absumpfit.

Hac dosi per tres menses continuavimus, & hoc tempore omnes tumores sunt dislipati, & ulcera cicatrice obducta; & sinus ac fistulæ coaluerunt, rediitque collum totum ad statum naturalem, homo fuit alacer, pinguis, fortis, nec ullum ab hac dosi unquam incommodum vidimus.

Igitur ope cicutæ id effectum est, quod nemo antea speravit.

CASUS

CASUS VIGESIMUS.

Virgo, 25. annorum, mammam dextram a decem annis habuit duram.

Hicce tumor sese sensim infra axillam extendit; accessit demum color lividus, intumuerunt venæ, pars affecta noctu diuque dolore excruciat, brachium tumuit, & fuit immobile.

Ego vocatus ad hanc ægram statim exhibui extractum cicutæ, externe autem nil applicui.

Spatio quinque dierum color lividus in læte rubrum mutatus fuit, & dolores erant multo mitiores.

Decimo tertio die mammæ color fuit fere naturalis, venæ adhuc erant turgidæ, durities autem multo mollior, mobilior, brachium quoque minus tumuit, & poterat aliquantulum moveri.

Decimo

Decimo sexto die menses prorupe-
runt, tunc autem ægra obseruavit san-
guinem longe puriorem fluxisse, neque
tantas ut antea molestias præcessisse.

Etenim dum menses imminebant
semper vomitu molestissimo, dolore
atrocissimo colico, & ingratissima ad
os sacrum & ad inguina tensione vexa-
batur, imo pectoris anxietas, cordis
palpitationes, vertigines & dolentes
urinæ tenesmi ægram alias semper plu-
rimum debilitarunt, hac autem vice nil
tale contigit.

Fluente sanguine menstruo venæ
mammæ affectæ detumuerunt, mamma
multo minor, mollior, mobiliorque fie-
bat, & divisa est in plures moleculas.

Brachium sat libere moveri potuit,
& totus in brachio tumor evanuit.

Vige-

Vigesimo quarto die fluxus mensium cessavit, ægra bene habuit, nil doloris advertit, vires erant bonæ, & moleculæ in mamma affecta in crassiores fibras divisæ sunt.

Dedi tunc lene purgans.

Trigesimo sexto die parvæ tantum moleculæ & quædam fibrosæ indurations in mamma supererant; ægra optimè habuit; color faciei antea luridus & cacheoticus nunc roseus fiebat, & totus corporis habitus longe robustior, firmior, & ad labores aptior.

Quadragesimo tertio die prodierunt menses citra omnem molestiam.

Quiquagesimo die nil fere insoliti amplius in mamma deprehensum est, brachium potuit liberrime moveri, nullus amplius dolor observabatur.

Dedi

Dedi tunc lene purgans.

Octuagesimo die foemina erat sanissima, & inveniebatur mamma penitus naturalis.

Dedi tunc iterum purgans & postea putavi, non amplius necesse esse, ut cicuta adhuc daretur.

Mediocris extracti cicutæ dosis in curanda hac foemina suffecit.

Primis quatuor septimanis tantum dedi tres pilulas mane, & tres vesperi; reliquo autem tempore ascendi ad quatuor, tandem ad quinque pro dosi.

Pilula quælibet habuit grana duo.

Externe nil applicatum fuit.

Nec datum est quoddam decoctum, quod solutionem potuisset faciliorem reddere, verum qualibet vice juscum carnis bubulæ sumptis pilulis bibeatur.

He-

Hemicraniæ dolentissimæ hæc ægra
erat alias per frequenter subjecta, ab eo
autem tempore quo cicutam sumpsit,
nil advertit.

Levis igitur cicutæ dosis plura ma-
la integerrime abstulit, fugavit.

CASUS VIGESIMUS PRIMUS.

Vetula, septuaginta trium annorum,
debilissima, emaciata, ulcus fo-
dissimum cancrosum habuit circa paro-
tidem sinistram.

Hoc ulcus egit fistulas & sinus, qui
intra musculos colli & intra integumen-
ta capitidis profunde penetrarunt.

Dominus Haffner externe applicuit
fomentum de cicuta, & sinus ac fistulas
eiusdem herbæ infuso sæpius per diem
eluit.

Interno usu dedi cicutam & mul-
tum lac.

Spa-

Spatio viginti dierum omne cancrosum, fungosum, corruptumve ex ulcere separatum est; multi sinus jam coa- luerunt; ægra majores vires habuit.

Sed tunc a lacte abhorruit; concelesi igitur paucum vinum, carnem vitulinam, multum cremorem ex hordeo mundo, vel oryzam molliter coctam.

Omnia quotidie in melius mutata sunt, & sexta septimana, qua ægra utebatur cicuta, omnes fistulæ sinusque inveniebantur clausi & ulcus erat firma cicatrice obductum.

Externe tum nil amplius adpositum est, interne tamen adhuc mane & vesperi per quatuordecim dies dedi pilulas duas.

Vetulam tunc sanam & hilarem ex nosocomio dimisimus.

K

CA-

CASUS VIGESIMUS SECUNDUS.

Fœmina, 44. annorum, sana alias
jam trigesimo secundo suæ ætatis
anno cœpit mensibus carere.

Præter tensionem in inguine sinistro
nil incommodi sensit.

Balneis diversisque remediis usæ est
incaffum.

Et post binos annos advertit in hy-
pogastrio sinistro duritiem, quæ ad tactu
nequaquam dolebat, verum poterat
hinc inde volvi.

Hæc intra breve spatum ita incre-
vit, ut duos pugnos viriles magnitudi-
ne adæquaverit.

Et dum ægra lateri dextro incum-
bebat, excitavit dolorem, tensionem
& anxietates.

Balneis iterum emollientissimis usæ
est

est & assumpsit medicamenta ab optimis in arte medicis præscripta, externe applicatum est emplastrum & unguentum.

Subinde mollior videbatur tumor & minor, paulo post autem iterum lapidis instar durus erat, & tendebatur totum ventris sinistri latus.

Dum ægra vidit nullum medicamentum prodeesse, rem sibi reliquit.

Ventrem autem semper fasciis ligavit, ne tumor volubilis eam in ambulando decumbendoque impediret.

Mense Februario 1761. in peripneumoniam incidit, unde ad nostrum nosocomium translata fuit.

Remediis antiphlogisticis, emollientibus & expectorantibus intra viginti

K 2 quin-

quinque dies peripneumonia sputis optime soluta fuit, & ægra convaluit.

Post hunc morbum coepit in hypogastrio, ubi hicce tumor latuit, dolor oriri, qui per vices sat violentus fuit, subinde autem fere evanuit.

Narravit hæc foemina totam histriam paulo superius descriptam.

Dominus *Haffner* & ego tumorem hunc examinavimus, & concludebamus esse scirrum ovarii sinistri.

Quum autem tot jam remediis, longo tempore, & usu non interrupto assumptis, nil mutatum fuit, ilico dedimus cicutam & decoctum saturatum radicis althææ, externe autem nil apposuimus.

Primis diebus statim dolor in parte affecta cessavit, caput autem fiebat gra-

ve,

ve, idque quasi torculari compressum
ægræ videbatur.

Dedi tunc lene purgans, unde ca-
put multum levabatur.

Dein iterum in usu cicutæ continua-
tum est.

Fœmina sensim optime habuit; au-
ctus est appetitus; increverunt vires;
somnus fuit maxime tranquillus.

Decimo quinto die, quo cicutam
dedimus, jam tumor nobis mollior vi-
debatur, & ex utero prodiyit mucus
albus, lentus, viscidus, inodorus.

Spatio unius mensis tumor jam di-
midio minor fuit & mollis, continua-
vit autem ex utero prodire mucus.

Observabatur tunc, quod mucus pro-
diens magnum subinde circa uterum &
pudenda ardorem excitaverit.

K 3

Mense

Mense secundo fere elapso nil amplius tactu poterat distingui, fœmina nil conquerebatur, & potuit in omne latus decumbere.

Muci fluxus ex utero fuit minus copiosus, & materies longe tenuior.

Intra paucos dein dies penitus defavit, & fœmina videbatur sanissima.

Nihilominus feci, adhuc continuaret per quatuordecim dies cicutam, ne aliquid remaneret, quod fors recidivæ ansam præberet.

CASUS VIGESIMUS TERTIUS.

Infans, trium annorum, pessima rachitide laborat, facie & toto corpore tumet, & est debilis.

Tentatis multis remedii, quæ alias in hoc morbo salutaria sunt, nil profui, unde infanti cicutam dedi.

Inci-

CASUS VIGESIMUS TERTIUS. 151

Incipiebam a grano uno mane & uno vesperi.

Quarto die jam quatuor grana per diem exhibui, infans cœpit melius appetere.

Octavo die dedi sex grana per diem, & infans videbatur robustior, pedibus sese sustinuit.

Dosin tunc non amplius auxi, quoniam omnia quotidie meliora facta sunt, & infans alias morosus, piger, meticulosus spatio unius mensis erat agilis, jucundus & optime comedit, & tumor articulorum ad minimum $\frac{2}{3}$ minor fuit.

Color faciei cacheticus in naturalem & rubicantem transivit.

Tertio mense fere finito infans optimè sanus fuit; solus ambulavit; bene dormivit, fiebat pinguis, & post cura-

K 4 tionem

tionem omnia vestimenta erant ei nimis angusta & brevia. Hinc usu cicutæ inflans multum increvit, nec unquam malum symptoma observatum est.

CASUS VIGESIMUS QUARTUS.

Puella, quatuor annorum, rachitica, a tribus mensibus utitur cicuta, & jam fere curata est.

CASUS VIGESIMUS QUINTUS.

Virgo, octodecim annorum, jam a quatriennio post meridiem semper vomuit omnia fere ingesta, unde fiebat cacheotica, & fere contabuit.

Remedia ab aliis medicis & a me data levamen quidem subinde attulerunt, verum post paucos dies idem malum revertebatur.

Ægra dolorem & pondus in epigastrio conquerebatur, tactu percipiebatur

tur quædam tensio, nulla autem du-
rities.

Tentavi tamen cicutam & spatio
quatuordecim dierum vomitus fuit mi-
nus frequens; auctæ sunt vires.

Tertia septimana jam vomitus pe-
nitus cessavit, verum oriebantur post me-
ridiem anxietates, & noctes fiebant in-
quietæ.

Dedi tunc hauustum purgantem. A-
gra magnum inde levamen habuit.

Postea iterum continuavi cicutam
& sub finem mensis secundi aderat o-
ptima sanitas, aderant vires optimæ.

Menses, qui alias pauci erant, in-
ceperuntque semper cum multo dolore
ad os sacrum & in ventre, nunc co-
piose & liberrime fluxerunt.

CASUS VIGESIMUS SEXTUS.

Fœmina, 23. annorum, ingentem tumor lymphaticum circa totum genu dextrum habuit.

Nec fomenta usitata, nec emplastra, nec unguenta, nec remedia interna profuerunt.

Solo autem usu cicutæ, interno exteroque, intra tres septimanas totus tumor dispusus est.

Bis hoc tempore datum est purgans. Cicuta in hac fœmina copiosissimam urinam promovit.

CASUS VIGESIMUS SEPTIMUS.

Operarius, qui ab anni fere spatio cataractam in oculo sinistro habuit, solo usu cicutæ & decocto radicis bardanæ spatio trium & dimidii mensium curatus est.

Omni

CASUS VIGESIMUS SEPTIMUS. 155

Omni decimo quarto die datum fuit
purgans.

Per sex septimanas quotidie drach-
mam unam & dimidiam extracti cicutæ
assumpfit.

Ultimo autem mense drachmas duas.

Usu cicutæ hicce homo non tantum
visum recuperavit integerrimum ; ve-
rum & longe robustior factus est , &
liberabatur simul a suis doloribus rheu-
maticis , quibus per totum corpus jam
ab octo annis ad omnem temporis mu-
tationem excruciatbatur.

CASUS VIGESIMUS OCTAVUS.

Virgo , 25. annorum , post morbum
acutum subito privatur visu &
afficitur vera amaurosi .

Vidi saepissime mercurium sublima-
tum in spiritu frumenti solutum præter
de-

decocta resolventia simili in casu pro-
fuisse.

Hunc igitur huic ægræ præbui, e-
jusque usum fatis largum per duos fere
menses continuavi, verum fructum in-
de nullum adverti.

Quoniam vero observavi sæpius,
cicutam ibi penetrare, ubi sublimatus
non potest, hanc vocavi in usum.

Statim a scrupulo seu viginti granis
per diem incepi.

Post tres septimanas frequentes ver-
tigines & scintillationes ægra conquere-
batur, & sibi videbatur quandoque lu-
cem & colores distinguere.

Verum lucida talia intervalla mox
iterum evanuerunt, & caput inde fa-
ctum est vertiginosum.

Dedi tunc purgans.

Ver.

Versus finem secundi mensis ægra
jam obscure potuit quædam videre, ne-
que a scintillatione neque a vertigine
adeo frequenter afficiebatur.

Sub initium tertii mensis jam duas
drachmas quotidie de extracto cicutæ
absumpsit, & visus fiebat multo melior.

Hac dosi in quintum mensem ægra
continuavit, & tunc potuit omnia vi-
dere, distinguere.

Quamvis larga dosi & longo tem-
pore sumpferit cicutam, nil unquam in-
de mali conquesta est, imo augebatur
appetitus; increverunt vires & omnes
actiones, alias languidæ, restauran-
tur.

Menses debito tempore, & debita
copia semper habuit.

CA.

CASUS VIGESIMUS NONUS.

Vir, quinquagenarius, a trigesimo septimo ætatis suæ anno podagra laboravit, tophi inde non tantum circa pedum articulationes, verum & in manibus & circa genua orti sunt, & materies calcaria partes vicinas arrodit, pedum manuumque motus erat admodum difficilis, & genua penitus rigida, ad omnes aëris tempestatisque mutaciones dirissimi dolores has partes occuparunt, & cogebatur tunc per plures dies æger lecto inhærere.

Nec balnea, nec remedia interna externave, quibus æger hucusque utebatur, profuere.

Dedi cicutam & serum lactis, externe nil applicui.

Spatio quinque septimanarum & o-

mnes

mnes tophi soluti sunt, & rediit membris mobilitas, nec aëris mutatio magnos dolores amplius produxit.

Feci tamen æger adhuc mediocri dosi cicutam per aliquot septimanas continuaret & copiosum hauriret serum lactis.

Dissipatis autem tophis & materia podagrīa conquerebatur per plures dies ingratam, & ad minimum motum valde dolentem sensibilitatem circa articulos & loca, quæ a materie cretaea & tophis alias obsidebantur.

Jussi igitur, quoniam tempus veruale erat, ut balnea Rodaunensia adiret.

Rediit inde pinguis, totus quadratus, robustus, sanus, & omnem aëris injuriam citra dolorem tulit.

CA.

CASUS TRIGESIMUS.

Fœmina, Sexagenaria, a viginti a.
liquot annis pessima podagra affi-
ciebatur, quæ sensim per totum corpus
dispersa fuit, & occupavit omnes ar-
ticulos excitavitque tophos & crea-
ceos tumores.

Nunquam hæc ægra per integras
quatuor septimanas a dolore libera fuit,
isque fuit semper tantus, ut ægra nec
pedem nec manum potuerit movere, nec
cibos ori adferre, sæpius præ nimia do-
loris acerbitate fibi mortem optavit.

Dedi cicutam & infusum florum
sambuci, & quarta septima, qua his
utebatur non tantum potuit ambulare
in cubili, sed exivit extra domum, &
alios invisit.

Brevi dein omnes tophi & tumores
diffi-

dissipati sunt integre; manus antea ob tumores cretaceos difformes jam erant iterum tenerrimæ, molles, naturales, pulchræ.

Vires auctæ sunt, & omnes actiones restauratæ.

Nonus mensis jam fere finitus est, quo hæc foemina ab omni dolore immunita & sana vivit.

CASUS TRIGESIMUS PRIMUS.

Vir, quadragenarius, ab octo annis semper tempore verno & autumnali circa pedum articulos advertit tumorem durum, & adeo dolentem, ut orta esset febris, & æger debuerit lecto decumbere.

Lecti tamen tempore & remediis diluentibus spatio quatuordecim dierum vel quandoque trium septimanarum

L

rum

rum morbus totus iterum dissipatus est,
& vir sanus potuit dein labores suos
perficere.

Tempore verno 1760. quo dolores
circa pedum articulos iterum debui-
sent oriri, advertebatur levis tantum
& obtusa tensio, æger sibi suum mor-
bum imminere credidit.

Verum hæc tensio altero die dispa-
ruit subito, & tunc dolor acute pun-
ctorius pleuram sinistram occupavit,
finxitque morbum **vere inflammato-**
rium.

Iteratæ venæ sectiones & remedia in
hisce morbis usitata febris quidem im-
petum diminuerunt, verum dolor man-
sit æque vivus.

Sanguis e vena missus semper gessit
cru-

crustam crassam, mucosam, tenacem,
variegatam.

Epispaftica, vesicantia, aliaque pedibus applicata, ut dolorem a thorace versus loca consueta revellerent, nil juverūt.

Febris tandem penitus desit, licet dolor manserit continuus & vehemens.

Quoniam autem consideratis omnibus symptomatibus constabat morbum hunc adeo pertinacem a materie, quæ alias pedes invasit, productum fuisse, & quoniam multiplici experientia didici in similibus morbis ad dissolvendam materiem serosam, acrem, spissam, tenacem, cicutam multum valere, eam tunc adhibui præter decoctum saturatum radicis althææ.

Externe nec ad pedes, nec ad locum dolentem quidquam applicui.

L 2

Tertio

Tertio die minuebatur dolor punc-
torius, & articuli pedum fudarunt, &
affiebantur obtuso dolore.

Quinto die cœpit æger sputa red-
dere, & dolor fuit longe mitior, circa
pedum articulos autem nec dolor nec
tumor advertebatur.

Duodecimo die æger jam lectum de-
seruit, & vix amplius sensit dolorem,
sputa glutinosa continuarunt copiose
prodire.

Decimo tertio die nox fuit anxia,
æger fuit debilis, & occupavit ingens
dolor dilacerans totum ejus corpus, &
omnia membra; tandem sequebatur fu-
dor tenax, fœtidus, largus, & poste-
ro mane æger optime habuit, fuit agi-
lis, appetiit, & vires erant bonæ.

Infuso florum sambuci, quod sero
lactis

lactis parabatur, & parva cicutæ dosi, ut per tres adhuc septimanas hicce viruteretur, suasi, rediit dein ad me fanissimus, robustus, vegetus, & egit gratias.

CASUS TRIGESIMUS SECUNDUS.

Fœmina, 23. annorum, a quatriennio in utraque mamma durum & pugno viri majorem tumorem gessit, nec unquam his in partibus sensit dolorem.

Ante decem menses nupsit & grāvida facta est.

Quarto graviditatis mense intumuerunt ambæ mammæ, dolor in iis magnus oriebatur, & color naturalis in profunde rubrum abiit.

Omnes, qui has mammas viderunt,

L 3 opti-

optimæ fœminæ cancrum pessimum prætagiebant.

Tandem me accessit, horruī ab initio & nolui dare cicutam, quoniam eam in gravidis nondum tentavi.

Verum tamen, quum & innumeris experimentis novi, nullas inde in corpore turbas excitari, & infantes cicutam impune ferre, incepi a leni dosi.

Brevi magnus sequebatur effectus, prodiit urina crassa, albicans, mucosa flocculenta.

Quarto die jam mammarum color fuit naturalis, tumor minor, mollior.

Auxi dein cicutæ dosin & spatio unius mensis jam drachmam dimidiam quotidie dedi, nec dein opus fuit, ut plus darem, nam quotidie magna in melius mutatio observabatur, & octavo

gra-

gravitatis mense mammæ ambæ fuerunt penitus naturales.

Sub usu cicutæ hæc fœmina longe sanior fuit quam antea , liberata est a frequenti vomitu & a continua cephalalgia , quibus ante usum cicutæ multum vexabatur.

Nullam in hac grava fœmina turbationem observavi.

Alvus prodiit quotidie naturalis, urina fluxit longe copiosior , flocculenta , mucosa , tunc autem minus copiosa prodiit, & habuit colorem penitus naturalem , dum mammarum tumores erant dispulsi, licet adhuc per aliquot dies cicutæ sat fortis dosis fuisset data.

L 4

CA.

CASUS TRIGESIMUS TERTIUS.

Virgo, 24. annorum, toto corpore,
præsertim vero circa articulos se-
roso, subflavo tumore erat inflata:

Integro quinquennio ea omnia adhi-
buit, quæ artis medicæ magistri consu-
luerunt, nil tamen inde levaminis per-
cepit, imo vires diminutæ sunt, orie-
batur sicca tussicula, & membra omnia
fiebant immobilia.

Ego quoque diversa remedia incas-
sum in hac ægra tentavi.

Demum eam usu cicutæ & fero la-
ctis intra mensis spatium sanavi.

Statim in principio cicuta excitavit
magnum appetitum, dein promovit uri-
nam admodum copiosam, subviridem,
cum sedimento crasso, tenaci, glutinoso.

Tumor per totum habitum corpo-
ris

ris jam duodecimo die abfuit; ille vero circa articulos fuit paulo pertinacior.

Hæc ægra purgante opus non habuit, etenim a cicuta bis quotidie solvabatur alvus.

CASUS TRIGESIMUS QUARTUS.

Vir, quadraginta septem annorum, a sesqui anno tumorem durum, scirrhosum, pugno virili majorem in scroto geslit.

Testiculi ambo erant immunes, sani.

Tumor hicce a gonorrhæa, subito per injectionem adstringentem suppressa, originem habuit.

Remedia mercurialia fortissima, ipsa salivatio, decocta antivenerea, fomenta externa & emplastra nil prorsus jverunt.

L 5

Hæc

Hæc dum vidi, cicutam dedi, & copiosum decoctum radicis bardanæ.

Quamvis autem jam vigesimo die integrum drachmam quotidie cooperit æger absumere, nulla tamen in tumore mutatio adhuc observata fuit.

Trigesimo die dedi drachmam unam cum dimidia de extracto cicutæ.

Trigesimo tertio die mollior erat tu-
mor & æger bene se habuit.

Trigesimo sexto die dedi purgans mercurio dulci mistum.

Quadragesimo die æger jam assu-
fit drachmas duas de extracto cicutæ
quotidie, & tumor fuit minor.

Hac dosi interponendo omni deci-
mo quarto die lene purgans mercuriale
in quintum mensem continuavi, & tunc
erat tumor penitus dissolutus, & homo
integre sanus.

CA-

CASUS TRIGESIMUS QUINTUS.

Juvenis, 19. annorum, lue venerea pessime erat exulcatus per totum corpus, ossa utriusque tibiæ erant profunde cariosæ.

Remedia antivenerea cujuscumque generis nocuerunt, & vires debilitatæ sunt, & jam aderat summa macies.

Dum hicce æger meæ curæ traditus fuit, mihi omnes curandi methodos exposuit, dubitavi: an fors recta dosi & debitæ cautelis remedia antivenerea fuissent administrata.

Varia igitur iterum tentavi, verum actum egi.

Dominus *Haffner*, optimus mei nosocomii chirurgus, & ego tunc conclusimus tentare cicutam.

Externe igitur ulcera & loca cario-

sa linteis carptis fomento cicutæ madidis deligata fuerunt, interne datum est extractum cicutæ & largum decoctum radicis bardanæ cum tertia parte lactis,

Intra paucos dies magna in melius mutatio contigit, & vires increverunt.

Sub finem secundi mensis jam omne cariosum erat optime separatum & ulceræ plura obducebantur firmissima cicatrice.

Dolores, qui ægrum tota nocte atrocissime divexarunt, jam filuere penitus.

Finito tertio mense optima videbatur adesse sanitas; nulli observabantur dolores; vires erant bonæ.

Mediocris cicutæ dosis ad curandum hunc pertinacissimum venereum morbum suffecit.

Ma-

Maxima dosis intra 24 horas fuit
drachma una.

CASUS TRIGESIMUS SEXTUS.

Juvenis, tredecim annorum, tinea capitis pessima, & contra omnia remedia rebelli jam per quinque annos laboravit.

Tandem dedi decoctum radicis lopathi acuti & extractum cicutæ, & totum caput bis quotidie decocto cicutæ, quod lacte siebat, curavi lavari.

Hac ratione intra sex septimanas integrè sanatus est.

Erat hicce juvenis antea pallidus, totus cachecticus, macilentus, & inanitus ac continuo in pectore ardore affiebatur.

Hæc autem Symptomata usū cicutæ omnia evanuerunt.

CA.

CASUS TRIGESIMUS SEPTIMUS.

*Juvenis, 16. annorum, sartor, scabie
fœdissima ante biennium afficiebatur.*

*Dato unico purgante remedio, mox
unguenta adhibebantur, quibus scabies
retropulsa fuit.*

*Nata est propterea anxia respiratio
& tussis convulsiva.*

*Tentata quæcumque parum profue-
runt, & juvenis, fere consumptus fe-
bre lenta, tandem fertur ad meum noso-
comium.*

*Observavi sæpiissime cicutam in sca-
bie cutanea maxime pertinaci mira præ-
stitisse, experiri igitur quoque volui,
quid in scabie retropulsa possit.*

*Exhibui itaque saturatum decoctum
radicis althææ & extractum cicutæ, to-
tumque corpus bis quotidie feci lavari*

lacte

lacte tepido, in cuius libris quatuor uncia dimidia saponis veneti soluta fuit.

Post octo circiter dies per universum corpus oriebatur pruritus admodum ingratus, & proruperunt pustulae rubicantes, acri humore repletæ.

Respiratio tunc facilior fuit, & tussis minus frequens, & æger noctu jam tranquille dormivit, & cœpit sputum glutinosum prodire.

Quamvis totum corpus similibus pustulis fuerit obsitum, jussi tamen bis quotidie lavaretur.

Circa decimum diem multæ tales pustulae iterum evanuerunt, aliæ autem ruptæ sunt, & fuderunt serum acre, & nascebatur crusta fusca, scabra, rediitque scabies talis, quali ante biennium æger laboravit.

Ca-

Capitis pars capillata quoque exulcerata est.

Tunc æger liberrime respiravit, spuma copiosa rejicit; febris lenta penitus desit, & auctæ sunt vires.

Drachmam dimidiam extracti cicutæ tunc per diem exhibui, & quoniam vidi hanc dosin sufficere, nolui amplius eam augere.

Corpus totum bis quotidie lacte & sapone veneto lotum est.

Vigesimo die æger sat bene se habuit, verum sputa prodibant minus copiosa, licet in pectore audiretur stritus materiæ mobilis.

Hinc loco decocti radicis bardanæ tunc dedi infusum stipitum dulco-amara.

Hoc infuso, & extracto cicutæ &
lo-

lotione externa , sedulo continuata , non tantum pectus ab omni acri & glutinofo liberatum fuit , sed & scabies fœdissima , quæ sub usu cicutæ renascebatur , intra binos fere menses integre curata est , & juvenis optimam sanitatem obtinuit.

Hi sunt præcipui casus , quos ex mea propria experientia adducere volui.

Nimis longus & forsan tœdiosus forem lectoribus , si plures adhuc casus enarrarem.

Scrophulosos , strumososque fere innumeros sola cicuta curavi.

Vidi fœminas toto corpore optime formatas , habentes faciem pulcherri- ma imagine pulchriorem , verum glan- dula thyroidea iis dura fuit , & solito

M longe

longe major , hinc habebant vitium,
quod in hominum oculis maximam ve-
nustatis lucem obscuravit.

Talibus plerumque cicuta profuit,
dum tumor ab obstruktione vel infar-
ctione ortus erat.

Leviiores in mammis , sub axillis,
in inguinibus , in vagina uteri , & ipso
utero scirrhos sola cicuta solutos hic
non memoro.

Obstruktiones indurationesque hy-
pochondriorum atque varios in diversa
abdominis regione tumores hoc unico
remedio vix non semper dissipavi.

Fœmina , sexaginta aliquot anno-
rum , a sedecim annis ultra viginti tu-
mores durissimos , quorum quilibet ma-
gnitudine ovum anserinum æquavit , per
totum abdomen dispersos , habuit.

Di-

Diversa remedia nil juverunt, & malum sensim adeo increvit, ut urina fuerit suppressa, & ut catheter debuerit applicari saepius.

Sumpta cicuta liberrime prodiit urina; auctus est appetitus & redierunt vires.

Imo quidam tumores emolliti sunt, & exstillauit multa materies purulenta ex utero.

Si ægra abstinet per aliquot dies a cicuta, mox tenditur venter, retineturque urina, & mala oriuntur symptoma.

Quo autem major materiei per uterum copia fluit, eo moliores & minores fiunt quidam tumores, quidam vero immutati perstant.

Ingens levamen hæc foemina a ci-

M 2

cuta

cuta habet, & si continuet, fors integre curabitur.

Nec timeo suppurationem, quæ lethalem tympanitidem adferret: quoniam materies soluta invenit exitum per uterum, neque ulla adsunt resorptio-
nis signa, quæ febrem depascentem mi-
nitarentur.

In cardialgiis chronicis optimo cum successu per frequenter dedi cicutam, & fistebatur brevi omnis ardor, dolor, omnis vomendi conatus & homines languidi ac emaciati sub usu cicutæ optimas recuperarunt vires, & pingue-
scabant.

Cessarunt quoque inveteratæ cephalalgiæ, aut hemicraniæ annosæ.

Dum observavi circa sistema renale vel uterinum esse obstrunctiones aut
feri

feri acris & tenacis stagnationes, dedi cicutam, & vidi fere semper menses inde copiosiores fuisse, & prodüsse sanguinem magis sanum, cessasse diros illos dolores colicos, anxios vomendi conatus, vel & vomitus æruginosos, dissipatas esse tensiones dolentes in *inguinibus* & ad os sacrum, nec rediisse amplius capit is dolores, caligines aut vertigines.

Habui binas foeminas, quæ dirissimis symptomatibus afficiebantur semper circa tempus menstruum, & utebantur jam per plures annos marito, nunquam tamen potuerunt concipere.

Sumpta cicuta non tantum ab his malis integre liberabantur, sed & fiebant longe alacriores, & ambæ impregnatae sunt.

M 3

Quid

Quid jam amabilis fœmineus Sexus
ultra a cicuta petit?

Phthisis serophularem, sola cicuta &
laetè sæpius curavi; eundem successum
a cicuta habui in chronicis & pertina-
cissimis anginis ulcerosis, pustulosis,
scorbuticis, serosis, aut ab acri qua-
dam fluxione ortis.

In plurimis morbis desperatis, in
qñibus vidi remedia optima, continuo
usu & longo tempore adhibita nil pro-
fuisse, tentavi cicutam, & hac sæpe
numero salutem adtuli.

Hydrops, ab induratione viscerum
abdominalium ortus, sæpe soli cicutæ
cessit; sæpe & alia remedia simul requi-
rebantur, sæpe tamen nequaquam po-
terat curari.

Annosam arthritidem, inveteratos
rheu-

rheumatismos, spinam ventosam, luem venereum, surditatem, melancholiam tristissimam (a materie) scabiem, tinea capitis, serpiginem pessimam, ulcera foedissima, sinus & fistulas maxime pertinaces sola cicuta plerumque feliciter debellavi, sanavi.

Obtigerunt tamen & mihi casus in quibus cicuta non profuit, usu quamvis longo & larga dosi adhibita.

Virgo, 20. annorum, ob tumorem, pugno virili majorem, ex bucca sinistra ortuni, & cum maxilla inferiore firmissime concretum ultra dimidium annum cicutæ extractum magna dosi quotidie assumpfit, & inde nullum habuit levamen, unde pertœsa abstinuit.

Alia virgo, 25. annorum, tumorem ingentem, & nigricantem in latere

M 4

colli

colli dextro a multis annis habuit.

Tentavi cicutam, verum mox oriebatur febris, & ægra siebat debilis.

Alia tamen remedia contra hunc tumorem exhibita & externe applicata nil quoque juverunt.

Hinc Dominus Collin & ego diversa sub forma & minima dosi & additis aliis medicamentis cicutam denuo in hoc subiecto voluimus experiri; verum priora mox iterum symptomata orta iunt, & ægra ex usu cicutæ, quamvis maxime limitato, languit, & angebatur.

Unde tumor fibi erat relinquendus.

Fœmina, 42. annorum, in mamma dextra scirrum admodum dolentem a sex mensibus advertit, ab eo nimis tempore, quo cœpit, menstruo fluxu carere.

Chirur-

Chirurgus pro fomento externo iuadet foeces vini in vino coctas.

Intra biduum scirrhus fuit longe major, durior, cutis livuit.

Dein rupta est epidermis, & acre, fœtidumque serum transfudavit.

Per plures dein septimanas variichirurgi & medici varia tentarunt.

Verum morbus semper fiebat pejor, ægra conquerebatur siccum tussiculam, & ardorem in pectore, incipiebat noctu sudare, emaciari.

Tandem ego, in consilium vocatus, suasi cicutam, decoctum hordei crudi, & copiosum lac.

Vires inde auctæ sunt; cessavit sudor nocturnus; rediitque appetitus, & mammæ color fiebat rutilus, & durities minor.

M 5 Per

Per binos fere menses spes erat optima curandi hanc foeminam.

Dein, nescio quo casu, subito orta est tussis, quæ adeo violenta fuit, ut sanguis sputo prodierit.

Hinc debebam a cicuta abstinere, & ægra tandem phthisi consumpta est.

Alia fomina, cancro aperto labrans in mamma dextra ex usu cicutæ melius habuit, & durities exulcerata erat ad minimum $\frac{2}{3}$ minor.

Verum supervenit febris tertiana, quæ vires omnes prostravit.

Cicutam tunc illico removi, & larga manu dedi corticem peruvianum.

Febris fugata est; redierunt vires, & ex usu corticis peruviani omnia videbantur meliora.

Hinc corticem per binas septimanas adhuc continuavi.

Ac-

Accessit autem tunc asthma glutinosum, quo hæc ægra jam ante tres annos laboravit; sputa nulla prodierunt; hinc suffocata obiit.

Vir septuagenario major, prehenditur apoplexia, unde brachium finistrum & pes ejusdem lateris paralyssi afficiebantur.

Magna simul tussi hicce æger laboravit, & habuit in latere colli dextro tumorem, binis pugnis majorem, sarcomatofum.

Dum medici & chirurgi plurima medicamenta sine effectu per multos menses adhibuerunt, relinquebant tandem fatis hunc miserum.

Et tunc ægrotantis uxor me rogavit: ut accederem.

Vidi ægrum senectute & morbo fe-

re

re consumptum, difficulter respirantem, reddentemque sputa pauca, difficilia, glutinosa, tumor colli erat durus, liquidus, purpureus & in eo rosit continuus dolor.

Malam statim prognosin uxori dedi, & nil promisi, blando tamen sermone tristem senem erexit, praescripsique remedia, quæ levamen essent alatura.

Prodiit sputum copiosum, & pectus siebat magis liberum; vires paulisper augebantur.

In tumore autem mansit dolor continuus, & augebatur ejus moles.

Hinc ipse æger instituit multis precibus, ut cicutam contra hunc tumorem tentarem.

Novi, cicutam etiam debiliſſimis feni-

senibus nequaquam nocere , dedi igitur mane & vesperi grana duo ; præterea autem continuavi remedia, quæ peccatus a sputo liberarent.

Mirus advertebatur cicutæ effectus ; sputa prodibant copiosa , & magis cocta , & spatio paucorum dierum in partibus paralyticis major motus , & sensibilitas advertebatur ; in tumore dolor est multo imminutus , nec amplius fuit continuus , sed tantum per vices rediit ; vires autem auctæ non sunt , & appetitus mansit deletus .

Dofin cicutæ non auxi .

Mense circiter elapso tumor videbatur mollior , reliqua autem erant in priori statu & æger nil fere nutrimenti assumpfit .

Nihilominus eum in quartum mensum

sem conservavi; dein vero omnes vires
ex defectu nutrimenti conciderunt, &
intra octo dies miser extinguebatur.

Aliquoties dedi cicutam in catara-
cta, & longo usu & forti dosi tandem
profui; plures autem nullum inde in
hoc morbo effectum observavi.

Circa uteri ulcera cancrosa quatuor
habui foeminas, quas cicuta optime fa-
navi; plures alias habui, quibus cicu-
ta per aliquot tempus adtulit levamen,
verum eas nequaquam restituit.

Aliis hoc morbo laborantibus ci-
cuta plane non profuit, & fuerant qua-
dam, quæ hoc remedium non poterant
ferre, conquerentes inde majores dolo-
res, virium dejectionem, & fluxum
ichoris magis foetidum, acriorem, co-
piosiorem.

An

An propterea cicuta proscribenda?
similibus in casibus non debet dari usu
continuato?

Hæc oportuit candide & sincere hic-
ce loci adnotare , ne quis posset ogge-
rere, me velle meris cicutæ laudibus
mundo litterato imponere.

CAPUT III.

*Nunc quædam aliorum medicorum observata
referam, convenit.*

Eruditissimus Petrus ab *Armis*, medi-
cus Tridentinus, in humanissima
sua epistola, quam mense Augusto 1760.
ad me dedit, sequentia habet:

„ Interim per me tibi gratias agit
„ ingeniosissima puella , quam tuo du-
„ ctu cicuta tua a scirrho in mamma si-
„ nistra felicissime curavi.

Celeberrimus *Josephus Baader*, Me-
dicinæ

dicinæ Professor Friburgenis circa ci-
cutam hæc scribit ; „ ope cicutæ, quam
„ jam officinalem hic feci , intra se.
„ ptem hebdomadas perfectum & aper.
„ tum carcinoma mammæ in foemina
„ sanavi.

„ Scirrhi illi sublinquales admodum
„ dolentes in alia foemina , de qua jam
„ alia occasione mentionem feci , ita
„ modo se habent , ut ex latere sinistro
„ vix vestigium amplius adsit , ex dex.
„ tro vero latere scirrus multo minor
„ sit , parumque jam doleat , licet per
„ quatuordecim annos eundem jam mu.
„ lier senserit.

„ Scirrum aliud in collo , quem
„ juvenis jam per decem & ultra an.
„ nos ad omnia remedia rebellem ges.
„ sit , intra quinque menses usu ex.
tracti

„ tradi & fomenti de cicuta resol-
„ vi.

Celeberrimus *Martinus van der Belen*
Medicinæ Professor Primarius in Alma
Universitate Lovaniensi &c. - - - -
„ quamvis autem eæ, quæ in tuo libro
„ exponuntur, observationes certam
„ fidem satis evincant, tibi non displi-
„ citurum autumo, si & successum cu-
„ ræ, quam cum cicuta institui, bre-
„ viter communicavero.

„ Quadraginta annorum virgo ante
„ tres circiter annos, citra causam ex-
„ ternam sensibilem, scirrho in mam-
„ ma sinistra corripitur, cui initio ni-
„ hil opposuit: postea vero varia, quæ
„ ab aniculis commendabantur, reme-
„ dia applicuit, donec magis aucto tu-
„ more, & incremente indies doloris

N „ vehe-

„ vehementia mense Majo 1760. chi.
„ rurgum advocaverit, qui mali impe.
„ ritus ad maturandum tumorem ter
„ de die cataplasma imponere jussit, eo
„ quidem effectu, ut jam omnia cele.
„ rius in pejus ruerent.

„ Interim nullo capto consilio ad
„ aperturam tumoris nefando ausu pro.
„ cessit, ex quo malignitas aucta est,
„ & sanguinis profluvium aliquoties ac.
„ cessit.

„ Tandem mense Julio accersitus
„ vidi, horrendo spectaculo carcinoma
„ ingentis adeo voluminis latus fini.
„ strum occupare, ut a clavicula ad
„ ultimam costam veram, & a sterni
„ margine usque ultra costarum maxi.
„ mam curvaturam extenderetur, sub.
„ jectis totum accretum.

„ Vari-

„ Varicosæ venæ in superficie digi-
„ tum fere latæ spectabantur, vasaque
„ arteriosa eum in modum dilatata e-
„ rant, ut singulis pulsibus sibi com-
„ missa ponderosissima tumoris moles
„ tota elevaretur.

„ Debilis cæterum & emaciata ægra
„ febre continua hec tica laborabat, ca-
„ tamen iis tamen suo tempore, ut sem-
„ per ante factum fuerat, rite fluen-
„ tibus.

„ In hoc rerum statu spem unicam
„ in cicuta posui, quam ad tui præ-
„ scripti normam, sensim aucta dosi,
„ ita præbui, ut ægra indies xxiv. pil-
„ lulas granorum duorum assumeret,
„ imposito simul cataplasmate ex an-
„ tisepticis & cicuta ad pondus o-
„ minium.

N 2

„ Quo

„ Quo factum est, ut post aliquot
„ septimanas tumoris tota massa gan-
„ grænosa evaserit, adeo, ut eam ite-
„ rata sectione afferre oportuerit,
„ cute, quousque affecta non fuerat,
„ servata.

„ Subjecta sana apparuerunt, jam-
„ que pure discreta fuerant, in quo ta-
„ men odor, qualis a gangrænoſo ta-
„ bo spirare solet.

„ Itaque digestiva cum antisepticis
„ superponenda, pilulas ex cicuta, mi-
„ nuta tamen dosi, continuandas, fi-
„ mulque tres corticis peruviani drach-
„ mas singulo die præbendas jussi.

„ Brevi omnia spem feliciter absol-
„ vendæ curationis fecerunt, tumque
„ solis externis præfidiis ulcus eosus-
„ que coaluit, ut minima saltem a-
„ per-

„ pertura, dum hæc scribo superfit,
„ nullaque sub toto curationis tempore
„ fungosa propululaverit caro, adeo,
„ ut de integerrima sanatione secura
„ videatur, jamque pristinæ officia re-
„ sumpferit &c.

Summas celeberrimo ac eruditissi-
mo huic Professori gratias hic publice
ago, quod casum adeo pulchrum mihi
communicare voluerit.

Etenim ex tota hujus morbi histo-
ria nos omnes optime docemur, qua
methodo artem nostram exerceri oport-
eat.

Nam patet inde: non uni semper
remedio esse fidendum, sed debere quan-
doque alia simul tum **externa**, tum in-
terna vocari in usum, debere quando-

N 3

„ que

que quædam demi , & alia addi, ut
optatus eveniat effectus.

Atque ideo ars jubet, medicum esse
rationale.

Quandoque instrumenta chirurgica
in usum vocanda sunt.

Doctissimus castrensis medicus Do-
minus Joannes Kollman mihi hæc retulit;

„ Cæterum non possum satis lauda-
re virtutes extracti cicutæ.

„ Habui inter meos ægros militem,
„ qui in hypochondrio sinistro ingen-
„ tem tumorem , admodum durum,
„ gravantem , dolentemque a longo
„ tempore gessit.

„ Demum incepit ingesta omnia vo-
„ mitu reddere , sensitque continuum
„ & acutum dolorem , & emaciaba-
„ tur.

Pul.

„ Pulsum habuit febrilem , eleva-
„ tum , & propterea ilico venam seca-
„ ri jussi , externe applicui cataplasma-
„ ta emollientissima , injeci enemata
„ oleosa , & præscripsi decocta resol-
„ ventia , nitrofa , mellita , cum in-
„ terpollatis paregoricis .

„ Per hæc saltem ulteriorem in-
„ flammationis progressum impedivi ,
„ febrem mitigavi , dolorem minui ;
„ tumor autem non minor , sed potius
„ major duriorque factus est .

„ Dedi igitur serum lectis cum mul-
„ to sale polychresto , & melle , atque
„ pilulas ex sapone veneto , & gummi
„ ferulaceis .

„ Sed diurno usu his quoque nil
„ effectum fuit .

„ Tandem deveni ad extractum ci-

N 4

cutæ ,

„ cutæ, quo ad drachmas duas forma
„ misturæ quotidie aſlumpto, ſenſim
„ minuebatur tumor, & poſt mensis
„ ſpatium nec tantillum ſupererat, &
„ æger bellissime habuit, recuperavit
„ vires, & firmam sanitatem.

„ Omnes, qui mecum viderunt hunc
„ ægrum, felicifimum curæ eventum,
„ atque celerem & fere inexpectatam
„ cicutæ efficaciam ſatis mirari non po-
„ tuerunt.

„ Scirrhos inveteratos, & ad omnia
„ reliqua remedia rebelles, in diversis
„ corporis partibus ſola cicuta, uſu in-
„ terno data, ſæpiſſime resolvi &c.

Clarissimus Crampagna, Confiliarius
& Archiater Serenissimi Lotharingia Du-
xis CAROLI, Bruxellis multa experi-

menta usu cicutæ instituit, & fere semper felicem vidit effectum.

Iter tamen, quod Viennam erat faciendum, virum hunc doctissimum impeditivit, quo minus potuerit ipse omnium curationum exitum exspectare.

Unde, pro innata sua humanitate, sequentes casus hic Viennæ mihi communicare est dignatus.

„ Fœmina , quadraginta quinque
„ annorum , a longo tempore scirro ,
„ qui ovum gallinaceum magnitudine
„ æquabat , in mamma dextra labo-
„ ravit .

„ Remedia externa internaque ex
„ consiliis medicorum ac chirurgorum
„ applicata , nec minimum præstite-
„ runt effectum , tandem præscripsi pi-
„ lulas de cicuta, & sensim dedi drach-

N 5

„ mam

„ mam dimidiā quotidie, externe ap-
„ plicabatur cataplasma ex cicuta, &
„ lacte paratum.

„ Spatio trium septimanarum eva-
„ nuerunt dolores, & scirrus in plu-
„ res moleculas divisus est.

„ Hoc in statu reliqui ægram, quo-
„ niam Viennam debui proficisci.

„ Propter idem iter non poteram
„ intregre finire casum sequentem.

„ Fœmina, 50. annorum, venit ad
„ me petitura consilium contra can-
„ crum apertum, quem in mamma dex-
„ tra gerebat, & sub axilla ejusdem
„ lateris hæsit scirrus, nuci juglandi
„ par.

„ Præscripsi statim pilulas & fo-
„ mentum de cicuta, scirro sub axil-
„ la imposui emplastrum de cicuta, &
„ ulcus

„ ulcus cancrosum deligabatur linteis,
„ carptis, decocto cicutæ madidis.

„ Post quindecim dies, dum ægram
„ vidi, mirabar summopere celerem &
„ ingentem mutationem, quam inve-
„ niebam.

„ Etenim ægra jam bene appetiit,
„ tranquille dormivit, nec ullum ani-
„ plius dolorem percepit, & ipsa fate-
„ batur sponte, quod ex usu hujus re-
„ medii non tantum actiones omnes
„ insurgant, & corpus suum vigorem
„ recuperet, sed etiam, quod mens
„ inde recreetur.

„ Scirrus sub axilla erat, jam per-
„ fecte solutus, dissipatus.

„ In ulcere cancroso optimum pus
„ reperiebatur.

„ Uso pilularum de extracto cicu-

„ tæ,

„ tæ , emplastro de cicuta , frictione,
“ & iterata applicatione vaporum a.
„ ceti ad locum affectum integre diffi.
„ pavi scirrhum admodum magnum,
„ & rebellem , quem virgo , 13. ann.,
„ circa aurem sinistram habuit.

„ Fœminæ , 30. ann. , propter scirr.
„ hum in mamma consului bis de die
„ aceti vapores applicaret , & dein im.
„ poneret emplastrum de cicuta ; pro
„ usu interno præscripsi unciam unam
„ extracti cicutæ in pilulis , granorum
„ duorum , ut ægra inde quotidie su.
„ meret quindecim.

„ Absumtis his pilulis putavi , alia
„ adhuc dosi forsan opus esse , verum
„ fœmina egit gratias , mihiique osten.
„ dit , se usu horum remediorum brevi
„ temporis spatio esse integre sanatam.

„ Fœ-

„ Fœmina, 46. ann. ,cancrum aper-
„ tum in mamma habuit , cujus pro-
„ gressum applicatione pulveris corti-
„ cis peruviani jam aliquo tempore im-
„ pedivi.

„ Mamma præterea tota scirrhosa
„ fuit, & pectori firmissime adhæsit.

„ Clarissimus *Manderlier* consiliarius
„ & Archiater, collega meus , hanc
„ ægram quoque vidit.

„ Dedimus ei statim pilulas de ci-
„ cuta, quas dominus *Manderlier* vien-
„ na accepit, super tota mamma posui-
„ mus cataplasma ex cicuta, & ulcus
„ fecimus deligari linteis carptis, for-
„ ti cicutæ infuso madidis.

„ Post paucos dies videbamus opti-
„ mam suppurationem , mammæ scirr-
„ hus fuit multo minor , & ægra vix
„ amplius sensit dolores. „ Dum

„ Dum Bruxellis iter Viennam su-
„ scepi, vidi hanc fœminam in statu
„ admodum bono, & omnia tendebant
„ in sanationem.

„ Et doctissimus Archiater *Mander-*
„ *lier* nunc paucis abhinc diebus me lit-
„ teris certiore reddidit, ulcus can-
„ crosum optima cicatrice esse perfecte
„ consolidatum, & mammæ tumorem
„ scirrhosum & cancrosum integre dis-
„ sipatum.

„ Fœmina, 45. ann., me consuluit su-
„ pra tumore ad costas spurias, qui pu-
„ gnum virilem magnitudine superavit,

„ Magna cum attentione hunc tu-
„ morem examinavi, & manifeste ob-
„ servavi: materiam in eo esse colle-
„ etam.

„ Præ-

„ Præterea una ex his costis spuriis
„ erat valde crassa, tumida, elevata.

„ Boni effectus, quos ex cicuta sæ-
„ pius vidi me quoque determina-
„ verunt, ut hoc remedium in hoc quo-
„ que casu tentaverim &c.

„ Præscripsi præterea lenes frictio-
„ nes, & bis quotidie acetī vapores ap-
plicui, dein tumorem emplastro de ci-
cuta texi.

„ His vidi magna cum lætitia, id
„ effectum esse, ut tumor disparuerit,
„ & costa redierit ad statum natura-
„ lem &c.

„ Homo, quem alias remediis anti-
„ scorbuticis a pessimo scorbuto aliquo-
„ ties curavi, nunc iterum in eundem
„ morbum incidit.

„ Remedia autem antiscorbutica
nequa-

„ nequaquam profuerunt, imo morbus
„ semper altiores egit radices, & erat
„ de hujus hominis vita timendum.

„ Hoc in statu adhibebatur cicuta
„ extractum, & æger ex pessimo mor-
„ bo optime convaleuit.

Dexterimus, Dominus Cambon, Con-
filiarius & Primus Chirurgus Serenissima
Ducis Lotharingiae binos casus mihi com-
municavit.

„ Homo, quinquagenarius, a sex
„ annis habuit ulcus in interna & me-
„ dia cruris dextri parte.

„ Ad hoc ulcus curandum multi me-
„ dici & chirurgi plurima artis auxilia
„ tentarunt; ast æger nil omnino leva-
„ minis sensit.

„ Tandem mense Martio 1760. me
„ accessit petiturus consilium.

„ Agno-

„ Agnovi statim ulcus cancrosum
„ esse.

„ Per tres menses varia interna , &
„ externa remedia huic ægro præscripsi,
„ & ego impsemet ulcus mundavi , de-
„ ligavi.

„ Verum omnis mea opera , quam-
„ vis exactissima & magna cum attenti-
„ one sedulo applicata , incassum fuit,

„ Ulceris labia manebant livida ,
„ callosa , fungosa , & venæ in toto
„ anbitu varicolæ , & nulla omnino in
„ melius mutatio observata est.

„ Arte igitur ulceris labia & totum
„ fundum satis profunde abstuli , ut hac
„ ratione fieret vulnus recens & purum ,
„ quod sola consolidatione opus haberet ,

„ Verum hæc operatio æque parum
„ profuit , ac omnia remedia hoc us-

O

„ que

„ que tentata; nam prius malum, ad.
„ hibita licet omni cautela, repulula.
„ vit.

„ Hoc ulcus jam pro incurabili ha.
„ bui, & miserum dimissilem sine ope,
„ nili tunc temporis mihi innotuisset,
„ esse experimenta quædam Viennæ edi.
„ ta, quæ demonstrabant, cicutam in
„ similibus casibus mira præstare.

„ Extractum igitur cicutæ statim ex.
„ hibui, idque felicissimo cum successu.
„ Etenim post paucos dies lætus vi.
„ di, magnas & velocissimas in melius
„ mutationes.

Nec ullum malum symptoma super.
„ venit, & ulcus cancrosum, antea
„ adeo rebelle, spatio trium septima.
„ narum perfectissime sanatum est.

„ Antequam hic homo cicuta esset
„ usus,

„ usus, conquerebatur semper salivam
„ falsam, acrem, erodentem; mox au-
„ tem sub usu cicutæ hicce sapor eva-
„ nuit, & saliva erat insipida, naturalis.

„ Homo, triginta aliquot anno-
„ rum, monstrosum tumorem in collo
„ habuit.

„ Remedia tam vegetabilia, quam
„ mineralia penetrantissima nil prorsus
„ juverunt, quamvis longo tempore &
„ usu largissimo fuerint adhibita.

„ Solum extractum cicutæ magna
„ dosi interne datum tandem hunc pér-
„ tinacissimum tumorem emollivit, dif-
„ sipavit.

„ Externe præter emplastrum de
„ cicta nil appositum est.

Clarissimus *Kajsin*, qui Leodii præ-
xim medicam summa cum laude exer-

O 2

cet,

cet, in doctissima sua epistola, ita ad me scribit.

„ Ego tuam methodum exakte fui
„ secutus; a parva dosi semper incepi,
„ crederem affirmative respondendum
„ esse, ad tuam quintam quæfionem,
„ quæ de remediis purgantibus (an sub
„ usu cicutæ convenient) agit.

„ Etenim fere omni septimana da-
„ bam meis ægris purgans, & eis con-
„ ducebat.

„ Eadem phœnomena sub usu cicu-
„ tæ obſervavi, quæ descripſisti: vidi
„ cutis colorem lividum abire in ru-
„ brum, rubrum in naturalem, dolores
„ sub initium minuebantur, & tandem
„ solo cicutæ usu ceſſabant penitus.

„ Sanies pefſima convertebatur in
„ pus bonum, durities ſcirrhofæ di-
„ bantur

„ bantur in molleculas, & dein insensi-
„ biliter fundebantur, subinde vero be-
„ nigna suppuratione consumptæ sunt.

„ Vir, septuaginta septem anno-
„ rum, a triginta annis habuit duri-
„ tiem indolentem in scroto, hæc sen-
„ sim augebatur, & supervenit hy-
„ drocele.

„ Ego advocabar, & inveniebam
„ symptomata, quæ, considerata hujus
„ viri ætate, mortem minitabantur.

„ Jussi tunc advocaretur Dominus
„ Falise, chirurgus expertissimus, & con-
„ clusimus statim dare cicutam, & ex-
„ terne apponebamus emplastrum de
„ galbano.

„ Spatio quindecim dierum omnia
„ in melius mutabantur: ægri facies
„ alias plumbea, nunc habuit colorem

O 3 „ natu-

„ naturalem, autem sunt vires, & re-
„ diit appetitus, & tumor scirrhosus in-
„ cipiebat suppuratione solvi.

„ Nos nullam fecimus aperturam,
„ donec sponte integumenta fuerunt
„ rupta.

„ Pus multum profluxit, aquæ au-
„ tem reclusæ manebant.

„ Unde has punctione eduximus.

„ Demum benigna suppuratione in-
„ sensibiliter totus tumor consumeba-
„ tur, integumenta rupta concreverunt
„ cum testiculo recto.

„ Hicce vir, habita ratione suæ æ-
„ tatis, perfecta nunc fruitur sanitatem.

„ Erat autem a sua juventute ne-
„ phriticis doloribus multum divexa-
„ tus, ego ei jam per tredecim annos
„ remedia, his in casibus usitata, præ-

„ scripsi

„ scripsi , & inde sat commode vixit ,
„ verum semper prodiit urinæ loco me-
„ rum pus , & mucus .

„ Nunc autem post usum cicutæ u-
„ rina prodit facile , & est penitus na-
„ turalis , subinde tantum paucum pu-
„ rulentum sedimen advertitur .

„ Videns , quod remedium nunquam
„ sanitatem turbaret , & cogitans apud
„ me , dari quandam analogiam inter
„ fistulas in aliis corporis partibus , &
„ inter eas , quæ circa anum sunt , sta-
„ tui cicutam in fistula ani tentare .

„ Vir , 50. annorum , qui jam a
„ quadriennio hoc malo laborat , &
„ cui jam dudum suasi operationem ,
„ quam vero neglexit , nunc a tribus
„ mensibus utitur cicuta & evanescunt

O 4

„ do-

„ dolores, & materiei fluxus multum
„ minuitur.

Clarissimus medicus Bruxellensis Jo-
annes van der Belen &c. hæc habet:

„ - - - - nunc audi, si
„ placeat, quod pluris est, quam o-
„ mnia: in podagra plurimorum pul-
„ cherrimos vidi effectus.

„ Externe applicui herbam cicutæ
„ lacti incoctam, interne dedi cicutæ
„ extractum in quadam mistura dilutum,
„ dosi satis larga.

„ Ope cicutæ plurimos curavi sca-
„ biosos, sed cura semper admodum
„ tarda fuit, idem quoque in rheuma-
„ tics mihi contigit.

„ Quoad cataractam incipientem in
„ ambobus oculis, unicam foeminam
rusti-

„ rusticam habui, quam feliciter cu-
„ ravi.

„ Verum hoc opus, hic labor fuit,
„ ascendi usque ad drachmas sex ex-
„ tracti cicutæ singulis viginti quatuor
„ horis, ea scilicet conditione, ut lar-
„ ga manu superbiberet infusum sum-
„ mitatum Euphragiæ cum semiibus
„ sceniculi dulcis, & liquiritia.

„ Hæc fœmina a vigesima secunda
„ Aprilis usque ad tertiam Novembris
„ 1760 sumfit extracti cicutæ uncias
„ sexaginta octo.

„ In phthisi stupendam cicutæ effi-
„ caciam frequenter observavi, quos-
„ dam jam penitus desperatos extracto
„ cicutæ restitui.

„ Pessimis cachectis, in quorum ven-
„ triculis nimia muci. & glutinis co-

„ pia fecernebatur , extractum cicutæ,
„ junctum cum elixiriis stomachicis,
„ særissime profuit , ubi alia remedia,
„ longo tempore adhibita , nil prorsus
„ effecerunt.

Hermannus *Gleisner*, græcensis Physicus Celeberrimus : - - -
„ en historiam Cancri, a me cicuta per-
„ curati :

„ Vir, quadraginta aliquot anno-
rum , temperamenti cholericæ , ab a-
liquo tempore glandulas inguinales
„ tumidas , & dein dolentes geslit;
„ has barbi tonsor audacter discidit, ex
„ vulnere fluxit merus sanguis sine pu-
„ re , oriebatur ingens dolor , & appli-
„ catis variis corrosivis, multoque la-
„ pide infernali fœdum evasit ulcus.

„ Post integrum fere annum, & ap-
„ pli-

„ plicatis omnis generis medicamini-
„ bus æger miserrimus lecto jam conti-
„ nuo affixus meam tandem opem in-
„ vocavit.

„ Vidi, ulcus occupare inguen dex-
„ trum, & deorsum versus orificium
„ ani, sursum versus umbilicum ex-
„ porrigi, aggredique jam scrotum &
„ penem.

„ Labia retorta, ichor cadavero-
„ sus, dolor ingens, frequens hæmorr-
„ rhagia, & malum semper ulterius
„ serpens, & ad omnia quæque reme-
„ dia hactenus rebelle, mihi cancrum
„ accusabant.

„ Consului desuper Dominum Buck,
„ dexterimum chirurgum, obstetricum-
„ que hic loci magistrum, qui etiam
„ „ ulcus

„ ulcus primo intuitu carcinomaticum
„ agnovit.

„ Dedi igitur cicutam interne , ex-
„ terne , & viro adeo exhausto exhi-
„ bui hydrogalactam pro potu ordi-
„ nario.

„ Primum erat , quod post aliquot
„ dies pessimam nephytin abire , & tan-
„ dem omnem locum ichoris vice pul-
„ cherrimo madere pure observave-
„ rim.

„ Demum ad marginem labiorum
„ ulceris nova exorta sunt ulcuscula ,
„ ipsa labia (quod aspectu mirum e-
„ rat) sensim & sensim solvebantur ,
„ tota plaga ulceris magis & magis e-
„ molliebatur , & quasi fundebatur ,
„ usque dum conditionem fani vulne-
„ ris induxit.

„ Spa.

„ Spatio quatuor mensium hoc ul-
„ cus perfecte sanatum est.

Diligentissimus ac expertissimus Do-
minus *Koller*, chirurgus, sequentem mi-
hi epistolam ex Bohemia scripsit: - -

„ Fœminæ, 36. ann., anno circiter
„ abhinc oriebatur in labio oris inferio-
„ re tuberculum, lentis magnitudine.

„ Hoc tuberculum sensim augeba-
„ tur, & tandem, dum nucem avella-
„ nam adæquavit, suppressibantur men-
„ ses, & cutis circa tumorem fissa est,
„ atque transfudavit continuo humor
„ acer.

„ Varia externe applicata sunt; ve-
„ rum res semper in pejorem statum mu-
„ tabatur.

„ Mense Novembri 1760. ægra ad
„ me adducebatur: re bene considera-

„ ta,

„ ta, vidi ulcus pessimum, cancrosum,
„ inveni musculum orbicularem labii in.
„ ferioris usque ad medietatem musculi
„ mentalis seu quadrati exulceratione
„ cancrosa consumptum.

„ Uterque angulus oris, præser.
„ tim vero dexter jam erat ad pollicis
„ latitudinem sat profunde exefus, cor.
„ rosus.

„ Fœdum erat & nauseosum, vi.
„ dere hoc turpisimum ulcus; ulceris
„ autem labia undequaque fuerunt cal.
„ losa, retorta.

„ De amputatione serio apud me
„ cogitavi; verum collatis omnibus,
„ vidi vulnus inde oriturum ingens,
„ quod ob necessarium muscularum ad.
„ jacentium motum nequaquam posset
„ obduci cicatrice; aut si id cicatrice fir.
„ mare-

„ maretur, maneret cavum fœdissimum,
„ nunquam reparandum.

„ Omisi igitur operationem, & ex-
„ tractum cicutæ sequenti ratione ad-
„ libui.

„ Dedi statim in principio quotidie
„ triginta duo grana extracti cicutæ, di-
„ luti in mistura.

„ Et quamvis observaverim, jam
„ prinis octo diebus dolores multum
„ diminutos fuisse, per integrum tamen
„ mensem eadem extracti dosi conti-
„ nuavi.

„ Externe applicui ad totum ulcus
„ lintea carpta, sequenti remedio ma-
„ dida:

E. Extracti cicutæ dr. ij.

solve in aquæ calcis primæ in-
fusionis Lib. I.

„ Ul-

„ Ulcus hac ratione toties deligavi,
„ quoties adverti, serum acre ex can-
„ croso ulcere profluens jam penetrare
„ linteas carpta.

„ Sub initium necesse erat, ut &
„ noctu aliquoties deligatio renovare.
„ tur.

„ Hoc idem remedium externum a
„ principio ad finem usque curationis
„ adhibui, ea tantum differentia: quod
„ ultimo mense, dum vidi carnes re-
„ crevisse, ulcusque esse consolidatio-
„ ni proximum, applicuerim id paulo
„ levius sequenti modo:

Ex. Extracti cicutæ. dr. I.

aquæ calcis secundæ infusionis

Lib. I.

„ Finito primo mense jam omnia
„ erant in statu longe meliori, salivæ

„ pro-

„ profluvium, quod antea continuum
„ & copiosum erat, jam vere desit,
„ faniei loco aderat optimum pus,
„ omne callosum sensim emollitum,
„ & dissipatum est, & fanillimæ carnes
„ unde quaque recreverunt, ægra opti-
„ me dormivit, bene appetiit, & quod
„ maximum, rediit fluxus menstruus.

„ Extracti cicutæ dosim tunc dimi-
„ nui, & loco granorum triginta duo-
„ rum, dedi tunc quotidie grana vi-
„ ginti quatuor, & hac quantitate ite-
„ rum per integrum mensem continua-
„ vi.

„ Tertio & ultimo curationis mense,
„ quum omnia optime procederent, de-
„ di tantum quotidie grana duodecim
„ extracti cicutæ, & hæc dosis ad per-
„ fectam curationem suffecit.

P

„ Tem-

„ Tempore curationis ægram quin.
„ quies purgavi, remedio sequenti:

p. pulv. rad. jalap.

dr. ♂

cremor tart. gr. x

m. f. pulv. pro dosi.

„ Ab hoc remedio alvus semper
„ quinquies aut sexies mota fuit.

„ Fœmina pauperrima erat, hinc
„ facile patet, qualem diætam potue-
„ rit observare, ea nimirum assumpfit,
„ quæ ab aliis sponte ex misericordia
„ offerebantur.

„ Quemadmodum autem ante usum
„ cicutæ ob enormes continuosque do-
„ lores, & ob ingentem salivæ deper-
„ ditionem, tota cacheætica, emaciata,
„ & fere consumpta fuit, ita e con-
„ trario

„ trario post curationem fuit pinguis,
„ quadrata, firma, robusta.

„ Et quod plurimum debemus ad-
„ mirari: omnes partes ulcere cancro-
„ so erosæ & consumptæ integerrime
„ recreverunt.

„ Cicatrices circa utrumque oris
„ angulum adeo pulchræ, & naturales
„ sunt, ut fere nihil observetur.

„ Labium oris inferius debitam al-
„ titudinem recuperavit, & ad supe-
„ rius potest bene admoveri, paulo
„ tantum angustius est, quam in statu
„ naturali esse deberet. - - -

Curatio hæc certe pulcherrima est,
& chirurgus magnam meretur laudem,
etenim optimi chirurgi, & medici vices
prudentissime implevit.

Experientia, judicium & industria

P 2

in

in arte medica & chirurgica plurimum
valent.

Dominus Sebastianus Kaim, chirur-
gus, mihi communicavit casum puellæ
quatuordecim annorum, quæ ulcus can-
crosum in latere sinistro habuit.

„ Hoc ulcus ab aure usque ad me-
„ dietatem menti se se extendit, & duos
„ pollices serpfit infra mentum, versus
„ superiora ultra os jugale ascendit.

„ Horrendum erat, videre hoc ul-
„ cus, etenim omnia erant putridissi-
„ ma fanie corrofa, & ad ossa usque
exefa.

„ Decocta diversissima, fomenta,
„ & emplastra, ipsa remedia mercuria-
„ lia & antimoniata nil profuerunt, &
„ malum semper in latum & profun-
„ dum repfit.

„ Da.

„ Data autem cicuta, & applicato
„ ex eadem herba fomento **externo**
„ perfecta curatio sequebatur.

Eruditissimus Georgius *Hasenöbri*,
physicus solertissimus in nosocomio Hi-
spanico militari - - - „ fre-
„ quentem nactus occasionem experi-
„ menta faciendi in ægris, quorum cu-
„ ram gerebam in nosocomio, id ob-
„ servavi, duos annosque colli tu-
„ mores ope cicutæ fusos, liquatos-
„ que fuisse.

„ Inter alios erat miles, qui col-
„ lum totum ob ingentes, & ad omnia
„ remedia rebelles scirrhos rigidum ha-
„ buit, sola tamen cicuta integre cura-
„ tus ex nosocomio discessit.

„ Cancrum oceultum in mamma si-
„ nistra, a causa externa ortum, duri-

„ tie & mole insignem diuturno cicutæ
„ usu penitus curavi.

„ Cancro aperto circa angulum o-
„ ris finistrum undique jamjam proser-
„ penti intra sex septimanas usu cicu-
„ tæ frænum injeci, & trimestri spatio
„ malum eodem remedio funditus ex-
„ stirpavi.

„ In spina ventosa semel iterumque
„ cicutam profuisse, vidi.

„ In ulceribus cacoëthicis, in sca-
„ bie foedissima, inveterata, & maxi-
„ me rebelli idem medicamentum inte-
„ gro cum successu pluries adhibui.

Josephus Quarín, perspicacissimus
apud fratres misericordiæ Physicus &
Cæf. Reg. sanitatis Consiliarius &c. . .

„ Multos sola cicuta curavi inte-
„ gerrime, qui annosa arthritide, aut
„ rheu-

„ rheumatismo laborarunt, quique plu-
„ rima remedia hucusque incassum ten-
„ tarunt.

„ In tumoribus arthriticis pulcher-
„ rime prodest decoctum cicutæ, si pars
„ affecta ei immergatur.

„ Pertinacissimos parotidum, glan-
„ dularum colli, subaxillariumque &c,
„ scirrhos solo extracto cicutæ facile,
„ & cito sæpius dissipavi.

„ Dedi autem plerumque his ægris
„ statim in principio largam dosin, alvus
„ quandoque inde cum euphoria mo-
„ vebatur; externe in aliquibus appo-
„ sui emplastrum de cicuta.

„ Inter alios vir , 32. anno-
„ rum , surdus , ingentes scirrhosas
„ & fere lapideas parotides habuit,
„ & glandulæ colli erant quoque scir-

P 4 rhofæ,

„ hosæ , & adeo magnæ , & penetrantes versus interiora , ut respiratio nem fecerint laboriosam.

„ Hunc solo extracto cicutæ , & fo mento ex eadem herba parato, optimè restitui.

„ Etenim omnes tumores disper runt , & rediit auditus , & respiratio erat sanorum similis , & homo antea emaciatus sub usu cicutæ recuperavit carnes , & vires .

„ In tussi pertinaci cum levi pulmonum ulcere pulchrum effectum mihi edidit cicuta.

„ In binis progressum cataractæ impediti ope cicutæ , sed cataractam inde diminui, non vidi.

Leopoldus Auenbrugger , Medicus

vigi-

vigilantissimus in nosocomio nationum
Hispanicō

„ Scrophulosos valde multos ex-
„ tracto cicutæ percuravi , neque ho-
„ rum historias longius explicandas
„ putavi, quia remedii præstantia in hoc
„ genere mali aliunde ab tuis aliorum-
„ que experimentis iterum iterumque
„ confirmata fuit.

„ Unius tamen scrophulosi historia
„ mihi notatu dignissima videtur.

„ Mili, cui submaxillares glandulæ
„ omnes duro tumore vehementer tur-
„ gebant, obtuli extractum de cicta
„ eadem , qua proposuisti methodo.

„ Levamen notabile inde consecu-
„ tus est æger; atque ideo idem reme-
„ dium repetii.

„ Sanitatis suæ citius recuperandæ

P 5

cau-

„ causa secum reputavit æger: quod si
„ pilulas in majori numero frequentius
„ caperet, citius ad sanitatem redditu-
„ rus esset.

„ Inscius ego suæ intentionis feci
„ ex uncia dimidia prædicti extra di-
„ formari pilulas granorum duorum,
„ ut per plures dies sufficerent.

„ Sed en! has pilulas spatio unius
„ diei bona fortuna devoravit, eo esse-
„ tu, ut sine ullo incommodo vel do-
„ lore ultra quinquagesies per triduum
„ dejiceret, totusque tumor intra hoc
“ tempus disparuerit sic, ut præter ad-
„ modum parva vestigia induratarum
„ glandularum nil fuerit relictum.

„ Torosus & juvenis iste æger vi-
„ gesimum quintum annum nondum
„ superavit.

In

„ In cancrofis, cacoëthicis, gangræ-
„ nosis ulceribus sæpius extractum ci-
„ cutæ optimo cum effectu exhibui.

„ Et vidi hujus remedii usu partes
„ gangrænofas longe citius separari a
„ sanis, quam usu corticis peruviani.

„ Fœminam gravidam, quæ aperto
„ in mamma cancro laboravit, ope ci-
„ cutæ optime sanavi, & peperit infan-
„ tem sanum.

„ Mamma tamen ob exiguum suam
„ molem, & ob foedam cicatricem ad
„ lactandum infantem inepta est.

„ Verum ex sana mamma infans sa-
„ nus, & robustus egregie fugit.

Doctissimus Joseph. Henricus Collin,
meus in nosocomio Pazmariano Colle-
ga, præter alia experimenta, quæ circa
varia vegetabilia, hucusque minus usi-

tata, optimo & miro cum effectu in ca-
fibus difficillimis instituit, quæque in
proximo anno medico litteratis sincere
& candide communicabit circa cicutam
hæc habet.

„ Scirrhos ingentes, annosos, do-
„ lentes, circa parotides, sub axilla, in
„ collo, in mammis &c. solo cicutæ u-
„ su interno, externoque solvi, dissi-
„ pavi.

„ Ulcera saniosa, serpentia, cancro-
„ sa, & ad omnia remedia rebellia, in-
„ de optime sanata, & fistulas, pro-
„ funde penetrantes, clausas sæpius
„ vidi.

„ Magnos ad genua tumores, quos
„ alii medici, & chirurgi pro incura-
„ bilibus declararunt, ego & Dominus
„ Haffner, expertissimus in nostro noso-
comio

„ comio chirurgus, sola cicuta pluries
„ integre dispulimus.

„ Et rediit hujus articuli optima
„ mobilitas, & usus pedis, imo pedes
„ antea emaciati dispulso hoc tumore
„ iterum torosi fiebant.

„ Materiem fluctuantem dum in his
„ tumoribus latere observavimus, cul-
„ tello excitus parabatur.

„ Sinus, & fistulas, & cavae,
„ quandoque in his tumoribus latitan-
„ tes, saturato cicuta infuso saepius per
„ diem eluimus, & externe cataplasma
„ ex cicuta paratum, continuo cali-
„ dum, applicuimus.

„ Datum præterea subinde est pur-
„ gans.

„ Hac ratione desperatissimos ægros
„ integerrime sanavimus.

„ Offa

„ Offa tamen si circa has articula-
„ tiones corrupta, & integre corrofa-
„ fuerunt, in statum naturalem redi-
„ gere non potuimus, hinc quibusdam
„ dispulso tumore articuli mobilitas
„ non rediit, licet circa reliqua sym-
„ ptomata optimum senserint levamen,
„ & vires recuperaverint.

„ Plurimi horum ægrorum erant
„ cachetici, & cœperunt contabescere,
„ his autem malis sola cicuta brevi quo-
„ que medebatur.

„ Famosi quidam ex nostris chirur-
„ gis tumores lymphaticos nolunt ape-
„ rire, dicentes ægros citius tumore
„ aperto mori.

„ Hinc tales tumores pelle lepori-
„ na tegunt, & ægros fine solatio re-
„ linquunt fatis.

„ Ve.

„ Verum quidem est , apertis his
„ tumoribus magnam lymphæ copiam
„ effluere , & perpetuo hujus lymphæ
„ stillicidio posse tales ægros consumi.

„ Nullo hucusque remedio hi chi-
„ rurgi noverunt tale stillicidium com-
„ pescere , & factum vulnus curare.

„ Ego autem & Dominus *Haffner*
„ ad vulnus arte factum lintea carpta
„ infuso cicutæ madida applicuimus , &
„ interne dedi cicutam , & lac recens ,
„ atque hac methodo omnes restitui-
„ mus.

„ Inter alios casus maxime dignus
„ est unus de puella octo circiter an-
„ norum , quæ a tribus annis ingentem
„ tumorem lymphaticum ad femur dex-
„ trum gescit.

„ Hicce tumor semper increvit ,
„ puel-

„ puella incidit in febrem hecticam, &
„ jam erat tota emaciata, languida &
„ morti proxima.

„ Medici hanc jam deseruerunt,
„ & chirurgi annosi, & ex multa pra-
„ xi periti, hujus tumoris aperturam
„ summopere prohibuerunt.

„ Nihilominus Doctissimus Domi-
„ nus Haffner & ego ex multis felicissi-
„ misque casibus audaciores, anceps
„ tentavimus remedium.

„ Dominus Haffner me praesente per-
„ tudit tumorem, & effluxerunt octo
„ librae seri satis acris.

„ Sinus & fistulas profunde pene-
„ trantes unde quaque invenimus, unde
„ casus adhuc erat difficilior.

„ Data tamen cicuta, factisque ali-
„ quoties per diem injectionibus ex in-
„ fuso

„ fuso cicutæ , & applicatis linteis car-
„ ptis eodem infuso madidis intra pau-
„ cas septimanas hanc puellam perfecte
„ curavimus.

„ Ex hoc casu patet ignorantia chi-
„ rurgorum aut medicorum posse quan-
„ doque vitæ dies abreviari, vera au-
„ tem scientia medica eosdem posse
„ prolongari.

„ Si tumorem non aperuissimus, si
„ remedia convenientia non fuissent ap-
„ plicata, hæc puella certo certius in-
„ tra paucos dies obiisset.

„ Multos scabiosos, arthriticos, &
„ rheumaticos, ubi jam alia quæcun-
„ que remedia nil juverunt, sola cicu-
„ ta interne, externeque adhibita fe-
„ licissime sanavi , & membris rigidis,

Q

ac

„ ac immobilibus hac ratione rediit mo-
29 bilitas.

„ Fœmina, penitus emaciata habuit
„ mammam sinistram mole ingentem &
„ scirrhosam, & plura癌rosa, fun-
„ goса ulcerа hanc mammam sat pro-
„ funde exederunt, profluxit sanies co-
„ piosa acerrima, cadaverosa, & dolores
„ rodentes ac lacinantes, dies no-
„ ctesque inquietas, & anxias reddide-
„ runt.

„ Symptomata omnia adeo mala,
„ viresque adeo parvæ erant, ut vix
„ ulla curationis spes superfuerit.

„ Nihilominus dato extracto cicu-
„ tæ, & externe applicato cataplasmate
„ ægra non tantum a scirrhosa mole,
„ sed & a cancro aperto integerrime
„ liberata est.

„ Ipse

„ Ipsæ glandulæ subaxillares ejusdem lateris erant quoque scirrhosæ dolentes.

„ Hæc ægra curationis tempore multum lac, aqua pura, vel decocto quodam emollienti dilutum, babit.

„ Celeberrimus Anatomiae Professor, Laurentius Gaffer, Clarissimus Serenissimi Ducis Lotharingiæ Archiater Crampagna, exactissimus ac dexterimus chirurgus Cambon, Dominus Leber &c. hanc ægram periculose decumbentem, dein curatam viderunt.

„ Lætabar vehementer, dum hi viri in arte maxime insignes me meumque nosocomium sua præsentia aliquoties honorarunt, & testabantur semper se admodum contentos, dum ca-

Q 2

„ sus

„ sus numerosos miroisque, & curas fe.
„ liciter procedentes, conspexerunt.

Diligens, perspicax, & ad omnem
operationem aptissimus chirurgus Do.
minus Ferdinandus *Leber* multam im.
pendit operam ad experimenta usu ci.
cutæ facienda, & sequentia ad me re.
tulit.

„ Fœmina, 35. ann., ex contusione
„ habuit mammam dextram admodum
„ tumidam, duram.

„ Usa est variis remediis sine effe.
„ ctu, & accessit demum ingens dolor,
„ & papilla, corrupta, decidit.

„ Præterea hæc fœmina grava fuit.
„ Me dum accessit dedi pilulas de
„ cicuta & externe applicui emplastrum
„ diapomphol. & dolores inde bre.
„ vi sedabantur.

„ Post

„ Post quatuor septimanas mamma
„ fuit melior; verum ægra conquere-
„ batur vertigines, pectoris appressio-
„ nes, & insomnia; hæc autem sympto-
„ mata ex plethora proveniebant, hinc
„ unica venæ sectione soplebantur.

„ Nona septimana, qua pilulas af-
„ sumpsit, peperit infantem sanum.

„ Toto puerperio assumpsit pilulas,
„ & externe applicatum est emplastrum
„ diapomph. infans semper sanus erat,
„ & ex mamma sana lac sugebat, &
„ mamma affecta, finito tertio mense
„ fuit multo minor, & exulceratio cir-
„ ca papillam tendebat in sanationem.

„ Quarto mense copiosus sanguis ex
„ papilla profluxit; fistebatur autem
„ applicato fungo agarico quercino.

„ Omnia siebant semper meliora.

Q 3

„ Quin-

„ Quinto mense applicui externe
„ fomentum ex æquali parte cicutæ &
„ florum sambuci.

Octavo mense foemina erat integre
„ curata.

„ Vir, 61. ann., temperamenti scor-
„ butici, tumorem habuit in bucca dex.
„ tra ex contusione, hunc dissipavi
„ remediis antiscorbuticis, & usu pi-
„ lularum de cicuta.

„ Vetula, 75. ann., a terrore sensit
„ in mamma sinistra dolorem, & paulo
„ post mamma intumuit.

„ Applicuit supra totam mammam
„ butyrum recens, unde & tumor, &
„ dolores aucti sunt.

„ Variis dein usa remediis nullum
„ levamen percepit.

„ Dum me accessit, dedi illico oto
„ pilu-

„ pilulas de cicuta per diem, & appo-
„ sui externe emplastrum de cicuta.

„ Spatio unius mensis dolores cef-
„ sarunt, & tumor fuit minor.

„ Continuato dein pilularum usu,
„ & aucta sensim dosi sexto mense mam-
„ ma tota in statu naturali fuit.

„ Puellæ, 11. ann., per totum col-
„ lum scrophulosæ, ultra medium an-
„ num dedi quotidie quindecim pilulas
„ de cicuta sine ullo effectu, emanſit
„ tunc, & adiit alios chirurgos, & me-
„ dicos.

„ Dum vero neque ab his quid-
„ quam in melius mutatum fuit, rediit
„ denuo ad me.

„ Jussi iterum, ut pilulas de cicuta
„ affumeret, & biberet desuper infu-
„ sum florum sambuci, & verbasci.

Q 4 Et

„ Et dein spatio quatuor mensium
curata est.

„ Puella , quæ per plures annos
„ cancrum ad nasi apicem habuit,
„ pilulis de cicuta integre curata fuit,

„ Id autem in hoc casu notandum,
„ quod hæc puella sub initium , dum
„ pilulæ ex cicuta dabantur, frequenter
„ vomuerit , atque diarrhæa fuerit
„ correpta.

„ Postea vero sat largam harum pi-
„ lularum dosin sine ullo incommmodo
„ tulit.

„ Fœmina , 60. ann. , cataracta la-
„ borans in utroque oculo , data cicu-
„ ta intra quinque menses perfecte vi-
„ dit.

„ Vir, 40. ann. , amaurosi post mor-
„ bum acutum afficiebatur, plurima ad-
„ hibita remedia nihil juverunt.

„ Dedi dein cicutæ pilulas, & post
„ tres menses cœpit lucem distingue-
„ re, & paulisper videre.

„ Decimo mense jam iter trium ho-
„ rarum solus sine duce confecit, inte-
„ rim omnia distincte videre nondum
„ potuit.

„ Decimo sexto mense ex solo usu
„ cicutæ integrum visum habuit.

„ Fœmina, 40. annor., per binos
„ annos habuit cancrum apertum ad
„ palpebram dextram inferiorem.

„ Dedi pilulas de cicuta, per diem
„ applicui externe fomentum de cicuta,

„ Quarto mense erat integre curata.

„ Vir, 44. annor., a quatuor an-
„ nis jam pessima gonorrhæa laboravit,
„ & vires omnes amisit, noctes habuit
„ inquietas, insomnes ob febrem de-

Q 5 pascen-

„ pascentem, quæ omni vespera vche.
„ mens fuit.

„ Omnia jam remedia, maxime alias
„ efficacia, in hoc ægro fine levamine
„ tentata sunt, imo quæ pro specificis
„ in hoc morbo alias habentur, len-
„ tam tabem adtulissent usu diuturno.

„ Dedi igitur extractum cicutæ, &
„ infusum florum sambuci cum lacte.

„ Intra paucos dies malum emen-
„ datum fuit, auctæ sunt vires, incre-
„ vit appetitus, noctes siebant tranquil-
„ læ.

„ Sexto mense ex his solis miser-
„ rimus æger integre convaluit, fuit
„ robustus, pinguis.

„ Fœmina, 30. annor, post subi-
„ tum in puerperio terrorem sensit il-
„ lico in mamma dextra dolorem ve-
„ hemen-

„ hementem, dein mamma rubuit, &
valde dura facta est.

„ Pluribus usa remediis semper pe-
„ jus habuit.

„ Dum me accessit, vidi mammam
„ totam scirrhosam, & paulo infra pa-
„ pillam inveni locum mollem, in quo
„ materiem purulentam ex fluctuatione
„ judicavi latere.

„ Applicui tunc fomentum ex ana-
„ tica parte herbæ cicutæ, florum sam-
„ buci, & verbasci.

„ Post paucos dies rumpebatur pars
„ mollis & effluxit copiosum pus.

„ Reliqua tamen mamma manfit
„ valde dura, & dolens.

„ Nihilominus eodem fomento, se-
„ dulo applicato & datis pilulis de ci-
„ cuta, mamma perfecte emollita, & sa-
„ nata fuit.

„ Hoc

„ Hæc foemina jam a tribus annis
„ habuit quoque tumorem in hypo-
„ chondrio sinistro, quem singulo men-
„ se, dum catamenia instabant, tantus
„ dolor occupavit, ut ægra debilissi-
„ ma debuerit per aliquot dies lecto in-
„ hærere.

„ Verum ex pilularum usu, per sex
„ menses continuato, ab hoc tumore,
„ & dolore liberabatur; nunc men-
„ strua fluunt sine omni molestia, & sa-
„ nitas videtur optima.

„ Virum, 32. annor., penitus ema-
„ ciatum, debilem, cacheticum &c. a
„ testiculis tumidis & scirrhosis, at-
„ que a gonorrhæa inveterata, datis pi-
„ lulis de cicuta, spatio quinque men-
„ sium curavi, perfecte restitui.

„ Foemina, 34. ann., post terrorem
„ habuit

„ habuit mammam induratam , dolentem , moles duritiei semper increvit ,
„ & aucti sunt dolores .

„ Data cicuta mox melius se habuit ,
„ & intra binos & dimidium menses
„ fuit penitus sanata .

„ Virgo , 17. annor. , cancrum aper-
„ tum , non admodum magnum , in
„ mamma sinistra habuit , & pedes am-
„ bo foedissimis ulceribus erant exefi .

„ Mammam sola cicuta spatio trium
„ mensium curavi , verum ad ulcera
„ pedum consolidanda quinque mensi-
„ bus erat opus .

„ Dedi fere omni tertia septimana
„ purgans .

„ Fœmina , 24. annor. , cancrum ex-
„ ulceratum in mamma sinistra a binis
„ annis

„ annis geslit, & usa est plurimis re.
„ mediis sine effectu.

„ Datis autem pilulis de cicuta, &
„ applicato fomento, ex eadem herba,
„ spatio septem mensium curabatur in.
„ tegre.

„ Fœmina, quadragenaria, a plu.
„ ribus annis habuit mammam sinistram
„ duram, tumidam, circa papillam erant
„ plures scirrhi rotundi, valde do.
„ lentes.

„ Emplastra, fomenta, unguenta
„ externe diu applicuit, & a variis me.
„ dicis varia remedia assumpsit sine le.
„ vamine.

„ Dedi dein ei cicutam, & spatio
„ novem septimanarum restituebatur.

„ Viro, qui in ambobus oculis ca.
„ taractam habuit jam per integrum an.
num

„ num, dedi sensim spiritus frumenti
„ cum mercurio sublimato libras duas
„ & dimidiam, exiguis inde sequebatur
„ effectus, & æger jam renuit hoc re-
„ medium.

„ Unde transivi ad usum cicutæ, &
„ quarto mense dum ea utitur, solus
ambulat, & colores distinguit.

„ Vir, 44. annor., ex arthritide
„ prægressa habuit mammam finistram
„ tumidam, duram, & valde dolentem.

„ Varia sine effectu applicuit.

„ Assumpsit dein cicutam, & spa-
„ tio sesqui mensis integre convaluit.

„ Virgo, 17. annor., ex retro pres-
„ fa scabie cœpit dolorem circa articu-
„ lum femoris dextri conqueri, dein
„ claudicavit.

„ Varijs remedijis, & balneo Baden-

„ si

„ si usa, nullum habuit levamen, & fie-
„ bat tota cachētica, macilenta.

„ Adhibui cicutam, & mox muta-
„ tus est totus corporis habitus, jam
„ minus dolet, nec multum amplius
„ claudicat.

„ Hinc spero non absque ratione
„ eam brevi integre sanam futuram.

„ Vir, 48. annor., cancrum serpen-
„ tem in palpebra inferiori oculi sinistri
„ a longo tempore habuit.

„ Applicui externe infusum cicutæ,
„ & interne dedi pilulas de cicuta, &
„ cancer perfecte curatus fuit.

„ Vetula, 70. annor., jam ultraan-
„ num sensit continuum dolorem & tu-
„ morem in hypochondrio sinistro.

„ Dedi ei cicutam, & spatio medii
„ anni evanuit tumor, & dolor.

Puero

„ Puerο, ιι. annor., pessime cache-
„ dico dedi quotidie grana octo extra-
„ cti cicutæ & eum brevi curavi.

„ Multos adhuc in cura habeo, qui
„ cancro, scirrhis, cataractis, amaurosi,
„ ulceribus pessimis, cachexia &c. la-
„ borant, & spem habeo optimam eos
„ restituendi; quoniam jam omnia mu-
„ tantur in melius.

„ Alios tamen habui, quos cicuta,
„ longo licet usu adhibita, nequaquam
„ juvit.

„ Tres foeminæ, cancro mammæ la-
„ borantes, nec ex usu cicutæ, nec ex
„ aliis remediis multum levamen per-
„ ceperunt, & sensim mortuæ sunt.

„ Una ex his ex nimis frequenti
„ hæmorrhagia occubuit, aliæ autem
„ duæ contabuerunt.

R

DQ-

Dominus Alexander Engelberg, qui olim per plures annos in Abbatia Clau-
stro- Neoburgensi prope Viennam sum-
ma cum laude praxin medicam felicissime
exercuit , & nunc Constantiae Physicus
ac medicus practicus est celeberrimus,
sequentia de cicuta observata mihi re-
tulit.

„ Vir, 60. annor., a sua juventute
„ hucusque variis morbis venereis affi-
„ ciebatur , tandem totus exhaustus fe-
„ re contabuit , urina penitus purulen-
„ ta, fœtida jam per plures annos inter-
„ diros tenebros ac dolores , prodiit.

„ Remedia similibus in casibus a-
„ lias utilia jam potius nocuerunt.

„ Igitur cicutam præbui a parva do-
„ si sensim ascendendo.

„ Bini nunc sunt menses , & jam vi-
res

„ res augentur , redit appetitus , fo-
„ mnus est tranquillus , & urina peni-
„ tus naturalis , absunt dolores , & te-
„ nesmi.

„ Fœmina , 40. aliquot annorum ,
„ hæmorrhagiis uterinis alias erat val-
„ de subjecta.

„ Tandem cœpit ex utero prodire
„ materies fœtida , ichorosa cum in-
„ genti & continuo dolore urente , ero-
„ dente .

„ Materies hæc utero prodiens haud
„ raro erat permista striis sanguineis.

„ Tentavi plurima remedia , quæ-
„ dam effectum videbantur præstare ,
„ & materies fiebat minus maligna , ve-
„ rum dolores manferunt æque violen-
„ ti , neque vires auctæ sunt , nec in-

R 2 cre-

„ crevit appetitus , & tandem cœpit
„ iterum materies pessime fœtere.

„ Hinc tentavi extractum cicutæ.

„ Sub initium materies longe fœti-
„ dior , & copiofior reddebatur , dolo-
„ res autem intra paucos dies imminu-
„ ti sunt.

„ Continuato per aliquot septima-
„ nas cicutæ usu dolores cessarunt pe-
„ nitus , ægra quiete dormivit , appe-
„ tiit , & demum optimas recuperavit
„ vires , & materies ex utero effluens
„ tenuis fiebat , inodora , limpida.

„ Nunc jam paucæ tantum guttæ
„ sine ulla molestia prodeunt , & fœ-
„ mina videtur sana ; nil enim conque-
„ ritur , habet bonas vires , appetit,
„ digerit , dormit , urina libere fluit ,
„ alvus deponitur bene cocta sine do-
„ lore , & tenesmo.

„ Ju-

„ Juvenem habui , qui saepius per
„ septimanam atrocissima epilepsia affi-
„ ciebatur , medicamenta , in hocce
„ morbo alias decantata , fere nihil ef-
„ fecerunt.

„ Unde dedi per integrum mensem
„ extractum cicutaæ dosi satis forti , &
„ brevi paroxysmorum violentia mi-
„ nuebatur , tandem nullus amplius e-
„ pilepsiae impetus observatus est.

„ Nunc per plures menses jam sa-
„ nus fuit , longe fortior est , agilior , &
„ mens ipsa , quæ antea erat suppressa ,
„ & hebes , jam maxime serena , & ad
„ omnia habilis videtur.

„ Juvenem , 24. annor. , qui a pluri-
„ bus annis scirrhos admodum magnos
„ per totum collum habuit , & partes
„ vicinas adeo tensas , ut caput nequa-

R 3.

„ quam

„ quam potuerit circumvertere , em.
 „ plastro & extracto cicutæ integerime
 „ curavi .

„ Chirurgi , & multi medici varia
 „ tum externa , quam interna remedia
 „ in hoc juvēne incassum tentarunt .

„ Virginem , 20. annor. , quæ in
 „ gentes scirrhos circa aures , infra ma-
 „ xillam , & in toto collo gessit , ea.
 „ dem ratione brevi restitui .

„ Dominus Silvester ò Hebir , Cele-
 „ berrimus Pragensis medicus , me de-
 „ casu sequenti consuluit .

„ Matrona , vigesimum primum an-
 „ num agens , scirrum ab aliquot an-
 „ nis in mamma dextra advertit ; &
 „ quum nec dolorem , nec ullum incom-
 „ modum hicce tumor produxit , nul-
 „ lum applicuit remedium .

„ No-

„ Novem abhinc mensibus inivit
„ matrimonium, varia confecit itinera,
„ concepit.

„ Mamma tunc cœpit intumescere,
„ fiebat durior, accessit dolor, natura-
„ lis mutabatur color, intumerunt ve-
„ næ, noctes factæ sunt insomnes.

„ Remedia externe applicata mam-
„ mam semper pejorem fecerunt.

„ Multi medici, & chirurgi, qui
„ hanc ægram viderunt, de ejus vita
„ actum esse, prædicebant, vetuerunt-
„ que omnem remedii applicationem;
„ probe gnari his cancrum adhuc oc-
„ cultum aperiri, & tandem adferri
„ mortem.

Hoc in statu ægra offerebatur ce-
leberrimo ô Hebir.

Quoniam autem gravida fuit, no-

R 4 luit

luit quoque sine consilio cicutam ten-
tare.

Hinc hac super re mihi scripsit.

Vidi ego in pluribus gravidis ci-
cутам optimo cum effectu, & sine
omni noxa exhiberi, unde suasi, ut
celeberrimus vir in hoc quoque casu
eam tentaret.

Dignabatur meum sequi consilium,
& postea sequentem epistolam ad me
dedit:

„ Dignitas rei postularet quidem,
„ ut accuratius absolveretur historia
„ morbi illius, de quo tecum egi in li-
„ teris die 27. Julii ultimo elapsi ad te
„ datis.

„ At mihi omnis occasio minutioris
„ instituendae indaginis abrepta est per
„ numerum aliorum periclitantium,
„ qui

„ qui se se curæ meæ subjecerunt , & ob
„ distantiam loci , qua ab urbe separa-
„ batur Illust. illa Persona.

„ Hinc non ægre feres , si votis tuis
„ justo minus correspondere valens ,
„ rem integrum rarioribus observatio-
„ nibus expedivero .

„ Percepta mente tua , mihi ante
„ tres menses transmissa , consilium
„ mutavi , & ad normam positam cu-
„ ram accessi : exhibendo pilulas duas ,
„ granorum binorum , de cicuta mane
„ & vesperi .

„ Dumque sine sensibili effectu hanc
„ administrandi methodum protrahi
„ viderim , duplicari dosin jussi , con-
„ tinuarique .

„ Quod per plures hebdomadas fa-
„ ctum est ; at cassio hucusque molimi-

R 5

„ ne ;

„ ne; imo in deterius jam & præcipiti
„ passu ruebant cuncta: tumor, duri-
„ ties increverunt, accessere dolores
„ enormes, color lividus, vel plus in
„ nigredinem tendens, verbo: quid.
„ quid cancrum occultum manifeste de-
„ signaret, illud omne hic aderat.

„ In ancipiti hoc stadio nil consul-
„ tius fieri posse putabam, quam ut au-
„ gerentur doses.

„ Quare effeci, ut qualibet die ab
„ fumerentur extracti cicutæ grana vi-
„ ginti quatuor: ut sedulo admoveren-
„ tur parti affectæ fomenta cum eadem
„ cicta parata.

„ Hæc omnia quotidie repetebantur
„ per mensem & ultra.

„ Redeunti denuo mihi, quinta jam
„ fere expleta septimana, en hæc fuit,
„ quæ

„ quæ sese obtulit pulchra rerum facies.

„ Mammæ ingens moles quadruplo minor conspicitur, quam dum digitis contrecto in plurima divisam tuberculæ invenio.

„ Color ater in album & naturalem conversus est; de dolore vix conqueritur; quodque in hac praxi dignum forte notatu est:

„ Hæmorrhoidalem fluxum copiosum commode sustinuit sine ullo vi- rium lapsu.

„ Palam ergo de incomparabili ci- cutæ effectu convictus nil prorsus vel addidi, vel detraxi, at eodem tra- mite insistendo curam ultra feliciter perficiendam pronuncio. &c. &c.

„ Illust. hæc matrona jam sese ac cingit

„ cingit ad iter Viennam faciendum; ubi
„ viva voce haec cuncta confirmata
„ senties.

Ex itinere, & curruum succussum
mamma iterum paulo pejor fuit.

Unde ægra quam primum Vieunam
venit me fecit advocari.

Inveni mammam duobus pugnis fere
æqualem, duram, hinc inde purpuream,
non tamen valde dolentem.

Venæ autem fuerunt varicosæ, inte-
rim ægra habuit vires bonas.

Suasi, ut fomentum ex cicuta con-
tinuo applicaretur, ut ægra in lecto qui-
esceret, & assumeret quotidie grana vi-
ginti quatuor extracti cicutæ.

Hæc omnia lubentissimo animo ad
amussum fiebant, & mamma inter pau-
cos dies habuit colorem naturalem, fuit
mollior, mobilior, minor. Gra-

Gravidatis signa erant optima, & in
toto naturæ opere nil mutatum invenie-
batur.

Mamma fere quotidie in meliori statu
deprehensa est.

Tertia septimana, qua hæc ægra
Viennæ fuit, finiebatur graviditatis ter-
minus, instabat partus, & prodiit filia
sana, pinguis, pulchra.

Omnium animi erant curiosi, & cu-
pidi videndi: an non tenellæ infanti diu-
turnus cicutæ usus nocuisset.

Verum bona prædixi, bona omnia
inveniebantur.

Sub partu tamen mamma paulo ru-
dius tractata cœpit iterum dolere, &
postero die rubuit, intumuitque in mo-
lem ingentem, tandem purpurea fuit,
dein livuit, & elevebatur in tubera,

trans-

transfudavit serum acre, erodens, & merito timebatur, cutim tenerimam esse rumpendam, oriturumque cancrum pessimum, apertum.

Dolor magnus fese ex mamma per humerum, & totum brachium dextrum extendit.

Priming duabus puerperii diebus ægra nec externe, nec interne cicutam applicuit.

Lochia optime fluxerunt.

Tertio die urgentibus nimium malis in mamma symptomatibus cataplasma ex cicuta appositum fuit.

Dolores inde brevi mitigabantur, & lividus color eo statim die dissipatus est; durities tamen & mammæ moles ingens manferunt, neque mutata sunt tubera, quæ rupturam minitabantur.

Noctu

Noctu denique cataplasma ex cicuta
sedulo continuatum fuit.

Quarto die mansit in eodem statu,
dolores fuerunt vehementiores.

Quinto die mane & vesperi ægra jam
iterum pilulas quinque, granorum duo-
rum, assumpfit.

Dolores multum minuebantur , &
quædam tubera subsederunt , & illud
acre, quod per cutim transsudavit, &
rosit , vix amplius advertebatur.

Sexto die omnia iterum paulo me-
liora fuerunt.

Septimo die jam grana viginti qua-
tuor de extracto assumpfit, & catapla-
ma de cicuta , quamvis odorem ingra-
tum sparserit, ægra tamen (viso bo-
no effectu) summa cum patientia ap-
plicuit, tulit.

Omnia

Omnia puerperii negotia optime processerunt, infans quoque sanissima fuit.

Omni quarto quintove die dosin particularum auximus.

Spatio trium septimanarum usu plasma, & extracti cicutæ mamma ad magnitudinem pugni virilis redigebatur.

Color fuit naturalis, cessavit omnis dolor, ægra habuit vires, & potuit brachium sat libere movere.

Incipiente quarta septimana jam dabantur quotidie drachma integra extracti cicutæ, & ægra, quamvis tenella & valde sensibilis, nullam inde molestiam advertit, & bene se habuit.

Hac ratione optime finiebatur puerperium, & finito puerperio in mamma super-

superfuit durities, adhuc scirrhosa, magnitudine nucis juglandis, hæc autem erat mobilis, & in omnem partem volubilis.

Reliquum quod circa hanc moleculam adhuc præternaturale remansit nequaquam durum, sed pastaceum fuit.

Hæc matrona optime se habuit, vires bonas recuperavit, appetiit, bene dormivit.

Sensim assumpsit quatuor scrupulos extracti cicutæ quotidie, & cataplasma ex cicta tota nocte, & tempore matutino sedulo applicatum fuit, post meridiem autem negligebatur, quoniam hæc matrona in liberum aërem motionis gratia se contulit, & in confortio hominum fuit, qui odorem ingratum ferre non poterant.

S

Et

Et amavi id , ut sensim viderem,
quomodo mamma se haberet fine cata-
plasmate.

Vidi autem inde nil malū oriri.

Decima septimana mammæ moles
fuit admodum exigua , illud autem tu-
berculum scirrhosum fere immutatum
perstigit.

Nihilominus tamen & hoc sensim
inæquale & fibrosum fiebat , quod spem
dedit , fore , ut successu temporis , &
usu cicutæ integre solvatur.

Separatæ tales glandulosæ portio-
nes scirrhosæ admodum lente quando-
que dissipantur ; pertinaci tamen usu
funduntur , & evanescunt , & quum mo-
bilia sint , si præter omnem spem reme-
diis non obedirent , arte possent enu-
cleari , dum necessitas exigeret.

Hæc

Hæc Matrona menstruum fluxum
jam post puerperium debita copia, &
citra omnem molestiam iterum habuit,
fana fuit, & brachio lateris affecti, quod
alias debile, & ad longiorem motum
ineptum erat, uti optime potuit; exiit
in liberum aërem, varios exercuit mo-
tus, & nil mali inde in mamma sensit.

Maritus vi sui officii tunc cogebatur
iter sat longinquum suscipere tempore
adhuc frigido, aspero.

Optavit, ut uxor (quæ omni amore,
& veneratione est dignissima) secum esset.

Amici omnes, & omnes noti, præ-
sertim autem mulierculæ (quot enim
tales, tot medicastræ) hoc iter optimæ
huic matronæ diffusaferunt.

Ego autem consideratis omnibus pu-
tavi iter non posse nocere; hinc negle-

S 2

ctis

Etis objectionibus (talibus enim , si me-
dicus obaudit , martyr & mancipium
est) suasi maritum comitaretur .

Perficiebatur iter felicissime , adve-
nerunt ad locum constitutum ambo , fru-
entes sanitate perfecta .

Mammæ nil mali , nil boni contigit ,
manserunt omnia eodem in statu .

Nunc usum cicutæ tum externum ,
tum internum continuat , hinc nullus
dubito , fore : ut id , quod supereft , in-
tegre quoque solvatur .

Durante puerperio curam hujus Ma-
tronæ geslit clarissimus , ac Magnificus
Archiate Kefler .

Primum autem periculum , primas
& maximas cancri minas pertinaci ci-
cutow usu superavit celeberrimus medi-
cus Pragensis Silvester o Hebir ; huic
igitur .

igitur maximæ laudes, & grates debentur.

Etenim certo certius hoc malo mater & infans fuissent interemptæ, si vigorum hominum, & medicastrorum consiliis, quæ innumera fere fuerunt, aures, & mentem dedissent.

Infans jam septimum agens mensem adhuc sanissima est.

An igitur inde non patet, cicutam esse remedium innocentissimum, neque nocere gravidis, neque tenerrimis embryonibus.

CAPUT IV.

C O R O L L A R I A

Corol. I.) **C**icuta non solvit sanguinem in putridum liquamen.

S 3

Pluri-

Pluribus, qui larga dosi & longo tempore usi sunt cicuta venam secui, & inveni semper sanguinem, qui habebat bonum colorem, & optimam consistentiam.

Magnificus Archiater *Kestler* Illustrissimæ cuidam comiti, quæ per plures graviditatis menses cicutam assumisit, paucis ante partum diebus sanguinem e vena misit, & vidimus tunc ambo sanguinem sanorum simillimum.

Idem observavit celeberrimus Harlemonensis practicus Joannes van *Woenzel* in matrona, cui per plures menses cicutam dedit.

Dum hæc scribo, sanguinem iterum misi alii comiti, quæ cicuta a binis membribus utitur, & video eundem optimæ ligatum, & longe saniorem, quam fuit

ante

ante usum cicutæ , tunc enim semper sanguis erat tenaci, mucosa, & variegata crusta tectus , fibrosus.

Provoco unum quemque medicum vel chirurgum ad experientiam, qui ex recto usu cicutæ alium quam bonum sanguinem observaverit.

Corol. 2.) Cicuta non adfert consumptio-
nem.

Ex meis aliorumque medicorum experimentis (si ea placet adtente considerare) clare patet, ægros cicuta utentes recuperasse vires integras , & totum corporis habitum factum esse optimum , torosum.

Usu cicutæ sæpiissime fistuntur nocturni sudores , augetur appetitus , adjuvatur digestio , restaurantur corporis functiones ; cur igitur inde sequatur consumptio ? S 4 Clas-

Clarissimus sanitatis consiliarius Leopoldus Erndl doluit s̄epissime, tot pueros puellasque in suo nosocomio phthisi scrophulari consumi, interire.

Varia remedia per plures annos summa cum industria adhibuit, rebelli tamen huic morbo limites ponere nequaquam potuit.

Unde tentavit cicutam larga dosi, & mox omnia mutabantur in melius, pueri alias stupidi, meticulosi, cachectici, emaciati, fiebant alacres, fortes, pingues, & glandularum scirri sensim fundebantur.

Docissimus hicce vir me s̄apius ad suum nosocomium humanissime invitavit, & mihi magno cum gaudio ostendit, quam egregios & miros effectus in pueris & puellabus atque etiam in terrimis infantibus præstet cicuta.

Pluribus, experimenti gratia, cicutam jam in secundum, tertium, & quartum annum præbui, sani sunt, vegeti, robusti, agiles, & ad omnia apti.

Cur hi non contabescunt?

Corol. 3.) Cicuta vijsum non hebetat.

Etenim contrarium semper in meis ægris vidi effectum.

Quoniam multi inter eos fuerunt, qui oculos habebant turbidos, continuo fluentes, aut urentes ex perpetuo acrum lachrymarum affluxu, atque propterea perspicillo utebantur, verum sumta per aliquot tempus cicuta, hæc oculorum vitia emendata sunt, & plures potuerunt perspicillo carere.

Corol. 4.) Cicuta non demit generandi potentiam.

Habui militem, quem largo usu ci-

cutæ intra bimestre spatium a glandulis submaxillaribus tumidis & scirrhosis, atque ab ingenti colli struma liberavi.

Integerrime curatus, & sanus ex nosocomio discessit, post quatuordecim dies autem iterum rediit ad me laborans pessima gonorrhæa venerea, quam se altero die, quo ex nosocomio abiit, contraxisse fatebatur.

Hunc eundem militem dato omni octiduo purgante hydragogo, dato decocto bardanæ, & usu cicutæ, spatio quinque septimanarum ab hac gonorrhæa, sat rebelli, sanavi.

Alios viros, qui magna copia, & longo tempore cicutæ extractum assumpferunt, hoc super articulo scrupulose
fæ-

sæpius examinavi, rogavique, mihi verum dicerent.

Ast fatebantur omnes se in naturæ vigore nil mutatum sentire , imo quidam contendebant sibi naturæ opus restauratum fuisse.

Vir sexaginta sex annorum, paralyticus, cicutam jam in sextum mensem assunxit , & quidem tanta copia , ut jam per novem septimanas quotidie drachmam unam cum dimidia deglutiatur.

Inter alios bonos effectus, quos inde habet, mihi sponte narravit: natu ram jam per duodecim annos integre dormivisse, evanuisse; nunc autem ex usu cicutæ eam evigilare, erigi, & eodem modo agere, atque dum fuit vir triginta annorum.

Uxo.

Uxores dein, quorum mariti cicuta utebantur hac super re ferio, & medice rogavi; verum & hæ omni ex parte contentæ erant, & sua mihi conscientia confirmabant, se nequaquam mariti naturam debiliorem experiri.

Eram hoc in articulo admodum religiosus.

Verum ne aliis tantum crederem, id in me ipso (qui homo sum) experiri volui, sumsi propterea cicutæ extratum per tres septimanas notabili satis dosi.

Neque quidquam in me mutatum deprehendi, nisi: quod urina paulo copiosius fluxisset, & appetitus longemajor exstiterit, quodque fuerim agilior, jucundior; & mansi homo integer.

An cicuta tuto datur in scirribus abdominalibus?

Multi

Multi non abs ratione timuerunt,
posse excitari suppurationem, quæ le-
thalem tympanitidem adferret.

Dico autem ex numerosissima expe-
rientia: me multos ope cicutæ scirrhos
in ventre dissipasse, me curasse pluries
hydropem, a scirrhosis abdominis vi-
sceribus ortum, nunquam autem sup-
purationem supervenisse, neque inde
natam esse tympanitidem.

In fœminis quidem sæpius vidi,
usu cicutæ ex utero profluxisse mate-
riem puriformem, & scirrhos hac ra-
tione esse solutos; judicavi tunc: ma-
teriem solutam ductu naturæ innocua-
miam affectasse, & quæsivisse natura-
lem exitum.

Doctissimus Dominus Collin mecum
frequenter idem adhibuit remedium in

ven-

ventris indurationibus, neque bono inde effectu caruit, mali autem prorsus nihil observavit.

Cum tamen in aliis corporis partibus usu cicutæ quandoque suppuratio oriatur, ratio dictat: posse id & in ventre contingere; verum hæc bonum medicum non debent deterrere.

MONITA.

Enarravi plurimos casus, in quibus cictuta convenit, neque tamen contendō, soli cicutæ semper confidendum esse.

Alia subinde remedia debent jungi cicutæ.

Medicus suas indicationes judiciose sequatur, necesse est.

Chirurgus externe mutet, addat, demat, quæ ratio, experienciis fundata, jubet.

Multi

Multi male meam ex primo de cicuta libello opinionem intellexerunt, etenim putabant: me dare remedium, quod solum sufficiens in omnibus casibus, & universale crederem.

Verum nequaquam id volo.

Sed adfirmo solummodo: cicutam praestare talia, quæ alia remedia, maxime heroica, nequeunt.

Cancrum curat, id, multiplici experientia convictus, vidi.

Nec tamen affero omnem inde cancrum curari.

Nec affero foli tantum cicutæ opus totum esse semper committendum.

Ex centum ægris, quas alii medici dereliquerunt, & habuerunt pro desperatis, si unam ego servo, & curo, mihi sufficit; ast numerus curatarum est longe major.

Mer-

Mercurius curat luem venereum;
verum an is semper convenit? an is sem-
per curat? quot non milleni hoc morbo
extinguuntur?

Cortex peruvianus fugat febrem in-
termittentem, & tamen dantur febrici-
tantes, quos non juvat, quot non sunt,
quibus nocuit?

An propterea talia remedia negli-
genda, & pro nocivis, aut inutilibus
habenda sunt?

Idem de aliis remediis specificis di-
ctis judicabunt periti medici.

Si qui sunt, qui ex idiosyncrasia,
aut propter complicata symptomata ci-
cутam ferre non possunt, hi abstineant.

Si symptomata, morbo juncta, aliud
exposcant remedium, cur illud non si-
mul exhibeatur cum cicuta?

Pur-

Purgans sæpius requiritur.

Subinde necesse est, venam secare.

In plethoricis haimorrhagiæ non illico sunt fistendæ; hæ enim similibus ægris longe melius conducunt, quam venæ sectiones.

In debilibus autem cito, & optime fistuntur fungo agarico quercino.

Agaricus autem tantum eo in loco debet applicari, ubi sanguis prodit; et enim extensus supra totum ulcus aut vulnus nocet, & sæpe lethalis est.

Quandoque antiphlogistica, & refrigerantia præter cicatram indicantur.

Hoc sæpius in arthritide, & rheumatismo contingit.

Externe quandoque emollientia, quandoque digestiva, quandoque adstringentia requiruntur.

T

Quan-

Quandoque ferro materiei debet existus pandi, quod in spina ventosa toties observavi, ut nimirum cariosum, & corruptum a fano posset separari; quandoque cancer fungosus debet cultro tolli.

Ne autem in similibus casibus recidiva contingat, usus internus externusque cicutæ prohibet, & sufficit.

Quandoque autem callosa cancri labia, aut ipsi cancri fungosi solo remedio sequenti consumuntur.

R. Pulv. herb. cicut. dr. ijß
mell. rosar.

unc iiij

Hoc remedium supra lintea carpta extenditur, & loco affecto toties recenter applicatur, quoties medicus aut chirurgus necessarium judicat.

Affi-

Affiduuſ & judicioſus medicus, bo-
nuſ & expertuſ chirurguſ, ſi muſuam
in deſperatiſ morbiſ curaſ impendunt,
ſæpenuero præſtant miracula.

Si autem hi diſſentiant, aut mor-
buſ traſtare non noverint, æger patia-
tur, aut moriatur, oportet.

Si foeminae ſtatim in principio mala
ſua detegant, & ſi medici debito tem-
pore cicutam applicent, certuſ ſum: nos
intra aliquoſ annoſ raro viſuoroſ mam-
maruſ cancrum.

Cicuta nequaquam ſtrictuſ exigit
vitæ regiſten.

Admittit ea omnia, quæ ægri ventri-
culuſ facile digerit, & quæ in bonuſ
nutrimentuſ tranſeunt.

Neque interdicitur viñu, neque
vetan-

vetantur acida, prudenti & moderata
copia assumta.

Et quivis medicus ipse novit, quid
ægro suo conveniat, quid noceat.

Lex universalis non datur.

